

III

47.9251

- 71



(91.542)
Հ-71

Ն. ԴՕՒՆՈՒԹԻՒՆ Ա. ԽՈՎՈ

Պ Ա Տ Մ Ա Խ Թ Ի Ւ

ՀԻՆ ՀՈՅԵՐԻ

Պ Ր Ա Կ Ե Ր Կ Ր Ո Ր Դ

ՀԱՅԵՐԻ ՎԵՐՁՆԱԿԱՆ ՀԱՅՐԵՆԻՔԸ
ԵՒ

Հայ ազգի կազմակերպութիւնը

Ֆլանս. բնագր. թարգմ.

Ռ. ՔԱԶԲԵՐՈՒԽՆԻ



Թ Ի Ֆ Լ Ի Ս
ՀԱՅԱՍՏԱՆԻ ՏԱՐԱԾԱՆ ԱՐ. Ն. ԱՐԱՆԵԱՆԻ. ՊՈԼԻՏ. 7.
1910

ԽԿ-90

9(47-925)

7-71 ԱՐ Ն. ԴՈՒՆՈՒ ԵԿ Ա. ԽԱՉ

2011 - 08

2006 19 AUG 2006



ՊԱՏՄՈՒԹԻՒՆ

ՀԻՆ ՀԱՅԵՐԻ

ՊՐԱԿ ԵՐԿՐՈՐԴ

ՀԱՅԵՐԻ ՎԵՐՁՆԱԿԱՆ ՀԱՅՐԵՆԻՔԸ
ԵԿ

100

100

1

Ճ

Հայ ազգի կազմակերպութիւնը

Յրանս. բնագր. թարգմ.

Ռ. ՔԱԶԲԵՐՈՒՆԻ



Թ Ի Ց Լ Ի Ս

ԷԼԵԳՐԱԿԱՆ ՏՈՎԱՐԱՆ ՕՐ. Ն. ԱՐԱՆԵԱՆՑԻ. ՊՈԼԻ. 7.

1909

03.04.2013

2005 ԶԱՅ ԵՐ 8 0 - 1102



Ա. ԳԼՈՒԽ

Հայերի վերջնական հայրենիքը

I

Հենց սկզբի ժամանակներից սկսած օտար ցեղերը յաճախ յարձակումներ էին գործում խորտակելու համար հնդկա-եւրոպական ժողովուրդների միութիւնը. հայերն այս ցեղերի ճնշումներից խուսափելու համար արդեօք թէ հնդկա-եւրոպական այս ընտանիքի միշտ աւելի բազմաթիւ, տարածութեան ու արկածների միշտ աւելի ծարաւի միւս անդամների անխուսափելի ճնշման ազդեցութեան տակ էր, որ թեսալիան թողին և կտրեցին-անցան Եգէեան ծովից մինչև Մարմարա հասնող ծովեղերեայ ամբողջ գաւառը: Արդեօք սրանից յետոյ էլ անփառունակ ճնշող յունական աշխարհի աճման, տարածւելուն տեղի տալու համար էր, որ նրանք ստիպւեցին առաջաւոր Ասիայից՝ հայերի համար այդ անհաստատ հողից միշտ իրենց քայլերն ուղղել աւելի ու աւելի դէպի արևելք: Պատմութիւնն ազգերի ծագումն աւելի ևս ուսումնասիրելով թերես կարողանայ պարզաբանել, որոշել այս երկարատեղադասականութեան պատճառները: Ներկայումս

նա կարող է ուսումնասիրել հայերին այն ժամանակւանից սկսած երբ նրանք հաստատւեցին այն բարձրավանդակի վրայ, որի սահմաններն են հարաւային կողմից Տիգրիսի, հիւսիս-արևելքից՝ Կուրի, իսկ արևմուտքից՝ Ալիւս (Գրզիլ-Իրմակ) գետի հովիտները։ Ընդհանուր առմամբ այս է ահա այն տերըիտօրիան, որին հայերն իրանց իսկական հայրենիքն են համարում։

Անհնարին է մի անգամ ընդմիշտ գծել այս երկրի սահմանները, որովհետև դրանք յաճախ են փոփոխւել. Հայաստանն աւելի կամ պակաս չափերով ընդլայնւել կամ սեղմւել է, սակայն՝ չի կարողացել բնական այնպիսի պատւարներ գըտնել, որոնցով եւրոպական շատ երկիրներ ֆիզիկապէս սահմանագծւած են։ Հայկական տերըիտօրիա են համարում նաև Տիգրան Մեծի (Ք. ա. I. դար.) հռոմայեցոց հետ ունեցած կրիւները վերջացնելուց յետոյ տիրապետած երկիրները. բայց՝ հէնց այս դարումն էլ խօսւում է միմիայն «Մեծ-Հայք»-ի մասին, որը սահմանափակւած էր Եփրատ գետով։ Հայերի իսկական ամբողջ հայրենիքը ցոյց տալու համար պէտք է սրան աւելացնել նաև «Փոքր-Հայք»ը, որը այդ ժամանակ միացրւած էր պոնտական թագաւորութեան հետ։ «Փոքր-Հայք»ում մէծ մասամբ հայեր էին բնակւած և սկզբներում, քանի դեռ հայերը արևելեան գաւառները չէին գրաւել, տիրապետող

տարբն էին կազմում։ սրա համար էլ նըանք «Փոքր-Հայքը» համարում են իրենց սկզբնական, առաջին հայրենիքը։

Այս երկու հատուածները՝ Փոքր ու Մեծ Հայքը միանալով՝ հիւսիսային կողմից յենւում են աշխարհագրական մի հիմքի՝ Աև ծովի եզերքի լեռնաշղթայի վրայ, կամ աւելի շուտ այս Պարիսար (Parayadres) կոչւած լեռնաշղթան կրող զանգւածի (massif) վրայ։ Հայաստանի սահմանը զանազան գագաթարերում աւելի կամ պակաս չափերով թագարերում աւելի կամ պակաս չափերով թափանցեց այս զանգւածի ներսերը նայելով թէ հայերի ձեռքումն էլ մնում Ճորոխի հովտի մի մասը թէ ուրիշ ազգերին էլ թողնուում։ Պոնտական այս Ալպերից և Դէիրման-Դէրէից—սրա գիտաբերանից է ոռողջուում Տրապիզոնը—այն կողմնացնող իրանց արևմտեան ճիւղից բաժանուում է սահմանը, որպէսզի մի կոր ու անորոշ գծով Ամասիայի հարաւային կողմից անցնելով միանայ Ալիւսի միջին հսսանքին, որին նախ՝ հետեւում է և ապա՝ նոյն հսսանքով միառժամանակ դէպի վեր բարձրանալուց յետոյ կտրուի անցնուում է դէպի այն կողմը, ուր Արժէ լերան զանգւածից յետ է մղւում այդ գետը դէպի հիւսիս։ Ուրեմն՝ Փոքր-Հայքի մէջ չի մտնում կեսարիան, որը սակայն երբեմն հայկական գաւառ է եղել. բայց Սեբաստիան (Սիվազ), Զելան (Զիլեն), Մասական և Գոմանան, որը կապագովկիայի մէծ ամ-

բարն ու կրօնական կեդրօնատեղին էր, պէտք
է միացնել Փոքր-Հայքի հետ որովհետև մեր ընդ-
գծած սահմանը համառւմ էր մինչև այս վերջին
քաղաքը, գոնէ որոշ ժամանակներում, անցնե-
լու համար Անտի-Տարոսը, Այնուհետև մեր
այս սահմանն անցնում էր նոյնիսկ Տաւրոսը,
ձգում Ասորիքի սահմանների երկարութեամբ և
անցնում Եփրատից դէպի այն կողմը, ուր այս
գետը շուռ է գալիս Միջագետք մտնելու համար,
որտեղ միմիայն Մեծ-Հայքն էր կարողացել իւր
սահմանները տարածել. այստեղ է, որ Տիգրան
Մեծը շինեց իւր հսկայ մայրաքաղաքը՝ Տիգրա-
նակերտք: Սակայն՝ Մեծ-Հայքում չպէտք է հաս-
կանալ նաև Եղեսիան (Ուրֆա) ու Նինվէի մը-
նացորդները (այս աւերակները գտնւում են Մո-
սուլի մօտերքում), որոնք գտնւում են Միջա-
գետքում—Հնայած որ այս երկու կէտերն իրենց
աջ ու ձախ կողմերով մօտաւորապէս լայնու-
թեան միևնոյն աստիճանի վրայ են գտնւում
ինչոր Տիգրանակերտն ու Մծբինը. վերջինս մի
ժամանակ Տիգրանի երկրորդ մայրաքաղաքն էր: Այսպէս՝ Հայաստանը պարփակելով իւր մէջ Տիգ-
րիսի ամբողջ վերին հոսանքը՝ արևելեան կող-
մից ընդգրկում է Տիգրիսի արևելեան ձիւղի՝
Մեծ Զաւի հովիտը, ապա՝ Վանի և Ուրմիոյ*)

*) Մեծ-Զաւը գտնւում է Բօտան-Մուի (հին կենդ-
րիումէս) հարաւարեկելեան կողմում: Այն լեռները, ու-

լճերը բաժանող լեռնազագաթը բարձրանալով գը-
նում է իւր գիրկն առնելու Արաքսի ամբողջ
հովիտը, որը Տիգրանից յետոյ թագաւորութեան
կեդրօնը դարձաւ: Կուր գետի և Արաքսի խառ-
նարանը կարելի է ծայրագոյն սահմանը համարել.
սակայն՝ հայերը գոնէ շատ անդամ տիրել են կովկա-
սեան մեծ գետի բերանին. միմիայն այս կողմից է,
որ նրանք երբէք չկարողացան մի ծովի հաս-
նել. Կասպից ծովն էլ հայի համար մի մեծ շու-
կայ չէր ներկայացնում: * Ընդհանրապէս նա-
յած Վրացիների ու Աղւանների իրենց ասիա-
կան դրացուն ցոյց տւած համակրանքին կամ
դիմադրութեան՝ հիւսիսային սահմանը երբեմն
մի քանի ծայրերով հետեւում էր Կուրի հով-
տին, սակայն երբեմն էլ այն լեռնակա-
տարներին, որոնցով Կուրը բաժանւում է
Արաքսից: ** Վերջապէս հիւսիս - արևմտեան

ընց միջով հոսում է այս գետը հնում կոչւում էին Զալլուզ: Վանի և Ուրմիոյ լճերը բաժանող գագաթը
կոչւում էր Սօհօնդ: Այս ընդարձակ ձիւղաւորութենքը,
որոնք սփռւած են Քիւրդիստանի բարձրավանդակի
վրայ, կազմում էին միմիայն մի անհաստատ սահման:
Արևելում Հայաստանը բաժանւում էր Կասպից ծովից
Պարախօսդրէս լեռներով:

*) Արտաշիսեան հարստութեան ժամանակ Ք. ա.
լլ դարուց սկսած մինչև IV դար Արշակունիների ժա-
մանակ միմիայն հայերը հասան կասպից ծովին:

**) Վրացիները (Դուրիացիները, սկզբնական Ի-
րերները) ու իրենց կովկասեան դրացիները՝ Աղւան-
ները մեր թւականութեան 1 դարում ստիպմամբ Հա-

կողմից սահման էին կազմում կողքիսը աշպա Ճորոխ (Ագամասիդ) գետը, որի բերանին սակայն երբէք չկարողացան տիրանալ. այստեղ իբրև ապաստանարան էր ծառայում այն ժողովուրդների համար, որոնց հայերը, գոնէ միքանի գաւառներում, չկարողացան ընկճել և ստիպւեցին ազատ թողնել դրանց Սև ծովի և Հայաստանի միջն գտնւած անմատչելի լեռների վրայ:*)

յաստանին թագաւորներ տւին. երկու կամ երեք հարիւր տարուց յետոյ հայերի միջոցով քրիստոնէութիւն ընդունելով ճանաչեցին նրանց կրօնական իշխանութիւնը: Այս երկու թագաւորութիւնների մօտիկ յարաբերութեան հետևանքն այն եղաւ, որ մի խառը ժողովուրդ կազմւեց Արմէնօ-Գրիգորեան անունով: Պոնտական Ալպերը գրաւող լազերը նոյնպէս մի քիչ ձուլել են հայերի հետ Ճորոխի հովտում, ուր միջին գարում, Բագրատունիաց թագաւորութեան ժամանակ, Արմէնօ-Գրիգորեանները հաստատել էին իբրև տէրեր: Գալով Աղւաններին՝ նրանք Վրացիների օգնականներն էին և յետոյ հայոց կաթողիկոսի վասարները: Դերբենդի անցքը պարսիկներից խլելուց յետոյ հայոց կաթողիկոսը սրանց էր յանձնել, որպէսզի այդ անցքը պահպանեն և արգելեն հոնքի ացիների մուտքը դէպի կասպից ծովի երկարութիւնը:

*) Այն լեռները, որոնք եղերաւորում են կողքիսը և այդպիսով Հայաստանը բաժանում Սև ծովից կոչւում են Աճարա, վրացերէն իմերքէվի: Այս լեռները Ճորոխին ճանապարհ տալուց յետոյ շարունակում են դէպի հարաւ արեմուտք և կոչւում Պարխար

Այսպէս՝ Հայաստանը իւր կեդրօնական մասով նստած է լեռնոտ գագաթների մի գծի վըրայ, որը շատ անուններ ունի. այդ գիծը կարելի է նկատել իբրև մի տեսակ ողնաշար այն պարանոցի, որը հիւսիսային և հարաւային կողմից ընկած է ծովային մեծ հովիտների մէջ, այսինքն՝ մի կողմից՝ Կասպից և Սև ծովի, միւս կողմից՝ Միջերկրական ծովի ու Հնդկական ովկիանոսի մեծ հովիտների մէջ: Այս ողնաշարը սահմանաւորում է ջրերի բաշխումը դէպի վերոյիշեալ երկու ուղղութիւնները՝ դէպի հիւսիս և հարաւ: Բայց՝ նա չի ընթանում համաշափ կերպով, իբրև առանձին, կանոնաւոր լեռնաշղթայ, այլ կազմւած է մի շարք մահիկածե կտրտւած բարձունքներից, որոնք ժամկիքածե սուր ծայրեր ունին. նա իւր միջին ամենամեծ բարձրութեամբ մի տեսակ պսակաւորում է լեռնադաշտի ամենաբարձր մասը: Սրա ընդհանուր ուղղութիւնն անցնում է հիւսիս-արևելքից դէպի հարաւ-արև մուտքը: Հաշեկով նաև այն փոքրիկ լեռնաշղթան, որից սկսում է այս ողնաշարը, ալսինքն՝ Արաբսից դէպի ծովի մօտից, կարելից գետից ծովից մօտից, կասպից ծովից մօտից, կարե-

(Պարիատրէսի տասադառնութիւն): Հայոց լեզուի մէջ սյստեղ է լիւլում Խաղոտիք կամ հին Խախտեաց երկիրը, Ուրիմի՝ խալդերը հալածւելով հայերից Ուրարտուն թողին և այստեղ ապաստան գտան ինչպէս յետոյ կտեսնենք: Այս գաւառը տարածւում է մինչև Գայլ գետի ակունքները:

լի է ասել, որ նա խսկապէս սկսում է Արարատից՝ ամբողջ Հայաստանի ամենաբարձր գագաթից (մօտ 5,185 մեթր վերջին չափով): Աղբի-Դաղն է, որ անմիջապէս միանում է Արարատին. իր հրաբրդային բազմաթիւ կոները մեծ մասամբ ցած են, դրա համար էլ նրանց վրայ իշխում են Չինգիլ և Պերլի-Դաղ լեռները (սըրանք 3,000 մեթրից աւելի բարձր են. մօտաւորապէս 1,500 մեթր բարձր դաշտից): Աղբի-Դաղը ձգւելով մինչև Բինգէօլ-Դաղ բաժանում է Արաքսը Եփրատի արևելեան ճիւղից. վերջինս սկիզբն է առնում Աղբի-Դաղի հարաւային կողմից. իսկ առաջինը՝ Բինգէօլի հիւսիսային կողմից է հոսում: Այս երկու գետերը հոսում են միմեանց հակառակ ուղղութեամբ: Բինգէօլը ներկայանում է իրու մի հանգոյց նաև ուրիշ փոքր լեռնաշղթաների համար. հիւսիս - արևելեան կողմից յատկապէս նրանց համար, որոնք անցնելով Արաքսի աղբիւրի վերևից կազմում են ջըրելի բաշխման մի դիմ և գնում, միանում են Փալանթէօքէնին (3,250 մեթր). այս վերջինիս հիւսիսային կողմից է բղխում արևմտեան Եփրատը: Այս բազմաթիւ կոներից Բինգէօլը մի այնպիսի նստածք, մի այնպիսի բարձրութիւն ունի (3,294 մեթր), որ կարող է ամբողջ գաւառի ամբերը հաւաքել, խտացնել. նա

իր անթիւ փոքրիկ հովիտների միջով բազմաթիւ առւակներ է հոսեցնում դէպի իւր շրջապատի գետերը: Հայաստանի ջրաբանութեան (hydrographie) համար Բինգէօլը Արարատի հետ միասին ամենաօգտակար լեռնագագաթն է: Այսպէս՝ հասնելով իւր միջին ծայրին ողնաշարային այս քիստը շարունակւում է դէպի արևմուտք. տարածւելով Եփրատի երկու ճիւղերի մէջ մինչև գրանց միացման տեղը նա ստանում է Տերսիմ (Դերսիմ) անունը: Վերջապէս՝ այդ քիստը Եփրատի համար մի հասարակ անցք բաց անելուց յետոյ տարածւում է մինչև Անդի-Տաւրոսը, Եփրատի և Ալիւսի միջև, ուր Սգիւղիսէս (այժմս այս անունը փոխւած է) հին անունն է կրում: Անդի-Տաւրոսը դէպի հիւսիսարևելք ճիւղաւորութիւններ է ուղարկում, որոնք գնում են միանալու Պոնտական երկրորդ Ալպերին և օգնելու այս զաւառում մեր նկարգրած լեռնագագաթի կազմակերպման: Այս ճիւղաւորութեան գլխաւոր գագաթներն են Սիպիքօր-Դաղ և Կող-Դաղ. վերջինս գտնւում է Երքրումի և Բաբերդի միջև:

Այսպէս է ահա Հայաստանի կեդրօնն ու գօտին, որոնց նկարագրում են յոյն պատմիչները: Առաջին անգամ Հերոդոտն է գրում, որ Կիլիկիայի արևելեան կողմում գտնւում էին հայերը, որոնք շատ եզներ և ոչխարներ ունեին:

| Ստրաբոն* շատ որոշ, շատ պարզ կերպով պար-
զաբանում է դիրքը այն երկրի, որ հէնց այդ
ժամանակից յոյներն ու պարսիկները Արմենիա
էին անւանում: Ասորեստանցիները Ուրարտու
(Արարատ) հին անունով էին կոչում այդ երկի-
րը, իսկ հայերը՝ ՄեծՀայք: Ստրաբոն (63 Ք.
ա.-23 Ք. յ.) ծնւած լինելով Կապաղովկիայի
մայրաքաղաքներից մէկում՝ Ամասիայում շատ
լաւ տնտեսակ էր Հայաստանին.նա մերնկարագրա-
ծի համաձայն կէտ առ կէտ որոշում է Հայաս-
տանի սահմանները: Եթէ աշխարհագրութեան
արդի գիտական լեզուով խօսենք, պէտք է ասենք,
որ Հայաստանը տարածւում է 35,5-ի և 46 ա-
րևելեան երկարութեան (Պարիզի միջօրիականով)

*) Ստրաբոնի ժամանակ Հայաստանի հիւսիսային
կողմը Պարիագրէսն էր բռնում: Հայաստանը Կուրի բե-
րաններով միացել էր Հիւրկանեան (Կասպից) ծովի հետ.
Նա զբաւում էր Տաւրոսի հարաւային հոսանքը մինչև
Տիգրիս գետը, ապա՝ հետեւելով այս վերջին գետին
հասնում էր Զաւ գետը: Հայաստանի կեդրօնական
բարձրավանդակից բղխում են Եփրտափի երկու ձիւղե-
րը. նա ծնունդ է տալիս նաև Տիգրիսի երկու եղ-
ջիւրներին: Հայաստանի հիւսիսային դրացիներն էին
Աղւաններն ու Խերեները. արևելքից դրացի էին Մա-
րմրը, արևմուտքից՝ Կապաղովկացիները: Սև ծովին
տալիս է երկու գետ՝ Ալիւսն ու Գայլը: Երկրի կեդրօնն
Արարատեան գաւառն է՝ այս կեդրօնը Կուրի և Տիգ-
րիսի միջն կոչում է ՄեծՀայք:

և 37,5 ու 41,5 հիւսիսային լայնութեան միջն:
Այս ընդարձակ տարածութեան կեդրօնը գրաւող
լեռաղաշտի համարեա թէ կէսը միջին բարձրու-
թեամբ 1,500 մեթր բարձր է ծովի մակերևոյթից:
Այսպէս՝ հայաստանի տեղը որոշելուց յե-
տոյ հայերի բնաւորութիւնն ու պատմութիւնը
հասկանալու համար անհրաժեշտ է համառոտ
կերպով նկարագրել այդ երկրի լեռնագրութիւ-
նը (orographie), ջրագրութիւնը, կլիման և
բնական արտադրութիւնները: Քաղաքական բազ-
մաթիւ դէպքեր ազդեց կամ առաջ են եկել երկ-
րի Փիզիքական պայմաններից, որոնք Միջագետ-
քի այլեցեալ գօտուց կեդրօնի հիւսիսային խս-
տութիւններին անցնելով չափազանց տարբեր-
ւում են միմիանցից: Բացի այդ՝ հայ ժողովրդի
բնաւորութիւնը, նրա ներքին երկպառակութիւն-
ները, օտար արշաւանքներին դիմագրելը: նրա
կղիացումը եւրոպական քաղաքակրթութեան
հանդէպ, կարճ՝ հայոց պատմութեան ամբողջ
սօցիալական կողմը բացարւում է աշխարհա-
գրական այս պայմաններով: Աւելի շուտ այստեղ
քան այլուր միջավայրը ստեղծել է այնպիսի
ազդեցութիւններ, որոնց ենթակայ են ընդհան-
րապէս բոլոր լեռնական ժողովուրդները: Թւում
է, որ կատաղի ու խոհեմ Հայաստանը իւր կամ-
քովն է կղիացել և ուրիշներին թողել օտար-
քաղաքական հեշտութեամբ մատչե-
ների համար չափազանց հեշտութեամբ մատչե-

լի դաշտերը կամ ծովափնեայ և գետափնեայ տեղերը շահագործելու վտանգն ու օգուտը: Նա Պոնտոսի բնակիչներին, մօշէներին (լազերը բռնել են սրանց տեղը), կոխքիսցիներին (վրացիները սրանց ձուլել են իրանց հետ) էր թողել Սև ծովի եղերքները, որոնց գետերը, մանաւանդ Փազը (արդի Ռիօնը), Եազօնի որսած ոսկեգեղմ հօտերն էին արբուցանում. մարերին ու պարսիկներին էր թողել Կասպից ծովի եղերքները, որոնց նաւթի աղբիւրներն անընդհատ մրցակցութեան առարկայ էին, ամենքը աշխատում էին ձեռք բերել առանց ծախքի վառող այդ հեղուկը, որը չափազանց օգտակար էր կրակի պաշտամունքի համար. նա ասորեստանցիներին ու մակեդոնացիներին, պարթևներին ու հոռմայցիներին էր թողնում Միջագետքի փարթամ մըշակութիւնը. մարդկանց կողոպտիչ հակումները գրգոռ Միջագետքը ցորենի մշտապէս լիքը մի ամբար էր, անընդհատ պատերազմների սի հսկայ դաշտափայր. Հայաստանը իւր բռնած այս գերքի շնորհիւ էր, որ կատարելապէս չխորտակւեց ինչպէս խորտակւեցին իւր դրացի պետութիւնները: Երբ պատահաբար Հայաստանը ցանկութիւն էր ունենում մրցել իւր դրացիների փառասիրութեան հետ՝ նաերբէք յետ չէր մղում իւր լեռնոտ դիրքերից, ուր բնակւել, ուժեղ կերպով դէրք էր բռնել: Հայաստանը թէկ

եղբէք չկարողացաւ Ասորեստանի կամ Պարսկաստանի փառահեղութիւնն ունենալ, սակայն՝ դրա փոխարէն նա դիմադրեց բոլորին, յամառօրէն զարգացաւ, օտտօմաննեան կեղրօնական Ասիայում առաջդիմութեաննախակարապետը գարձաւ և կարողացաւ դիմանալ, ապրել մինչև մեր օրերը իւր էական յատկանիշներով, իւր բնաւորութեան էական գծերով:

Պէտք է նկատել, որ հայկական ամբողջբարձրավանդակը, չնայած իւր բազմաթիւ անհարթութիւններին, կազմում է աշխարհագրական մի այնպիսի ամբողջութիւն, որը շատ նպաստաւոր է միատարր, համագգի մի ժողովուրդ կազմելու համար: Ոչ մի լեռնաշղթայ հայաստանում այնպիսի դժւարանցանելի մի պատւաը չի ներկայացնում ինչպիսին Ալպեան, Պիրինեան կամ Կովկասեան լեռներն են: Այսպիսով հաղորդակցութիւնը, որը ձմեռը շատ տաժանելի է, այնուամենայնիւ միշտ էլ տեղի է ունեցել առանց արհեստական աշխատանքների. մենք յետոյ կտեսնենք, որ հայերը հեշտութեամբ խուսափում էին թշնամիներից և չէին ցանկանում հոռմէական կամուրջների նման կամուրջներ ունենալ, որոնք նըանց աչքում միայն արշաւանքների դուռ կարըող էին բաց անել: Նըանք ոտքով հեշտութեամբ անցնում էին գետերը, նոյնպիսի հեշտութեամբ էլ մագլցում էին ամեն տեղ բազմաթիւ խիստ

զառիվայրերը մինչև զագաթը. հայկական բարձրավանդակը շրջակայ դրացի ժողովրդների առաջ ոչ մի անանցելի պատւար չունի. այս հանգամանքը նոյնպէս խիստ կարևոր է յետագայում մեր նկարագրած պատերազմները հասկանալու համար։ Հիւսիսն ու արևմուտքը բազմաթիւ տեղերում մեղմ զառիվայրերով իջնում են դէպի կուրի հովիտը և կապաղովկիան. արևելքը կազմում է Քիւրդիստանի բարձրավանդակների շարունակութիւնը. գալով հարաւին, չնայած նրա յանկարծակի իջւածքին դէպի Միջագետքը, այնուամենայնիւ Տաւրոսը այն տեղ ամեն տեղից լայն է, և չի կարող մեծ արդելք լինել, այլ ընդհակառակն շատ հեշտութեամբ անցանելի տեղեր ունի արևելքում Զաւի ու Բօղան-Սուի միջոցով, իսկ արևմտեան կողմում Տիգրանակերտի և Բաբերդի միջև։ Հայաստանի համար այս գիրքը հնարաւորութիւն էր ստեղծում երբեմն իւր սահմաններն ընդարձակելու և երբեմն էլ քաղաքակրթութիւնների ազդեցութիւններին ենթարկելու։

*) Լինչի կարծիքով միմիայն Մերձան-Մուղուրդաղը, որը եղերաւորում է Երզնկեանի դաշտը և յինարան դառնում Դերսիմի բարձրավանդակին, կարող է լոկապէս պատւար կոչել:

II

Որպէսզի ընթերցողի համար պարզ կերպով պատկերանայ Հայաստանի Փիզիքական բնոյթը մենք խիզախում ենք մի համեմատութիւն անել, որը անշուշտ բոլոր կէտերով նման չէ, բայց՝ կարող է ազգեցիկ, համոզեցուցիչ լինել։ Այս երկիրը, որը համարեա թէ ամբողջապէս լեռնոտ է, իւր կլիմայական պայմաններով ու բնական հարստութիւններով նման է Զւիցերիային, միայն թէ ալտան ամեն բան աւելի խիստ, աւելի ծայրահեղ է. Արարատն աւելի բարձր է քան թէ Մօն.-Բլանը. Վանայ և Ուրմիոյ լճերը կօստանցայի և Ժընէվի լճերից աւելի մեծ են. սրա կատարելապէս հորիզոնական գաշտերն այնքան ընդարձակ են, որ հելվետական փոքրիկ հովիաններին անծանօթ է այդպիսի ընդարձակութիւն. ձմրան խստութիւնը զգալի չափերով աւելի է շեշտաւած քան թէ ալպեան շատ կանտօններում. այստեղ խիստ ցրտից, եղեամներից յանկարծ եղանակը փոխւում է այրող ամառւայ, միւս կողմից՝ արևադարձային գաւառները և վեց ամիս շարունակ սառուցներով պատած դաշտերն այնքան մօտիկ են, որ Եւրոպայում ոչ մի տեղի հետ չի կարող համեմատւել. Զւիցերիան չի կարող Հայաստանի նման 1,500 մեթր բարձրութեան վրայ ցորեն հասցնել, իսկ 2,000

մեթրի վրայ՝ գարի, կամ երբ լեռները փոքր ինչ ցածանում են բամբակ, գինի, բրինձ, շերամ և ամեն տեսակ պտուղներ տալ. բայց՝ սրա փոխարէն Ալպեան լեռները գեղագրական, պարզ ու վեհ են, իսկ Արևելքի լեռները՝ մերկ ու տըխուր. Ինչպէս որ Զւիցերիան Եւրոպայի ոռոգման սիստեմի դագաթն է այնպէս էլ Հայաստանը տիրապետում է Ասիայի ամբողջ արևմտեան մասին. Եթէ Միջերկրական ծովից սկսած մօտաւորապէս Եւրոպայի չափ մի տարածութիւն վերցնենք այս երկրում, կտեսնենք, որ նա այնքան ակունքներ ունի, որ շրջապատի բոլոր հովիտներին առուներ, գետեր է տալիս: Ինչպէս Ալպեան լեռների զանգւածներում այնպէս էլ Հայաստանում ձիւնը շատ առատ է. Բիթլիսում (Բաղէշ) յունվարին ձիան խորութիւնը հինգ մեթրի է համուռմ. Արարատի յաւիտենական ձիան հաստութիւնը առնւազը 610 մեթր կլինի. Կարսում 1902—1903-ի ձմրան հարիւրաստիճան ջերմաչափն իջաւ մինչև—39 աստիճան և մի քանի ամիս տաքութիւնը մնաց—10.ի և—20 աստիճանների՝ միջև չնայած որ արևը յաճախ փայլում, բայց՝ անկարող էր օդը տաքացնել: Զմեռը բոլոր դաշտերը սպիտակ են, միայն հեռաւոր գիւղերն են, որոնք մի-մի սկ կէտեր են երեսում. քաղաքների մեծ ճանապարհները ծածկւում են սառոյցի հաստ շերտով, որը

երբեմ մի մեթր խորութեան է համառում. քիչ գործածական ճանապարհներն ամբողջապէս լեցւում են աերրասներից թափւած ձիւնով. այլևս ոչ ձիեր են երեսում և ոչ ջորիներ, միմիայն ուղտերի կարվաններ, այդ էլ շնորհիւ ուղտերի երկար մազերին, որով ամեն տեսակ խստութիւնների կարողանում են դիմադրել. երբեմն էլ եղներ են երեսում, որոնք քաշում են թեթև սահնակներ: Այստեղ մենք տեսնում ենք, որ ծովային կամ հասարակածային կլիմայ ունենալու համար բաւական չէ, որ մի երկիր մօտիկ լինի շատ ծովերի կամ լայնութեան մի այնպիսի աստիճանի վրայ գտնւի, որ զգալի չափով մօտենայ արևադարձային գօտուն. Հայաստանում լեռներն իրենց ուղղութեամբ դիմագրում են արևմուտքի և հարաւի քամիներին, միայն հիւսիսային քամիները (bis) ազատ են այստեղ. Վրաստանը Հայաստանից աւելի հիւսիս լինելով հանդերձ նրա չափ ցուրտ չէ, ուրովհետև կովկասը մի անթափանցիկ պատւար է հիւսիսային քամու (աքվիլօնի) առաջ. միւս կողմից՝ Հայաստանի միջին բարձրութիւնը շատ է գերազանցում թէ Վրաստանից և թէ Զւիցերայից, ուստի և առաջ է գալիս ցամաքային ճառագայթացում (radiation), այդ պատճառով էլ պարզապէս ցամաքային կլիմայ, մի կլիմայ, որ իսկապէս ասած բարեխառն է, ամառը տա-

ժանելի չէ, արել չոր ու այրող լինելով հանդերձ թեթև է*: Այս հանգամանքի շնորհիւ երկիրը չափազանց պտղաբեր է և նրա առողջապահական պայմանները գերազանցում են Արեւելքի բազմաթիւ այլ վայրերից: Եթէ մեր այս համեմատութեան տարբերութիւնները հաշիւ չառնենք Հայաստանը ուղղակի մի Զւիցերիա է:

Սակայն երկու տարբերութիւններ կան, Զւիցերիան լաւ անտառներով պատած է, իսկ Հայաստանն ունի լաւ դաշտավայրեր: Մշի, Կարինի, Երևանի, Խարբերդի, Բասենի, Բաբերդի և Խնուսի մեծ դաշտավայրերը մշակութեան համար ահագին ընդարձակ տարածութիւններ են ներկայացնում չհաշւած դեռ Արաքսի և Տիգրիսի լայն հովիտները. նոյն է ներկայացնումնաև ոռուսական սահմանի և Ալեքսանդրօպոլի միջև անդրկովկասեան բարձրավանդակը: Այս պատճառով էլ բնակիչները ստիպւած չեն բացառապէս խաշնարածութեամբ պարապել, նրանք լայն չափերով մշակում են հացահատիկներ, բամբակ, ծխախոտ, կնձիղ, կանեփ, կտաւատ, բանջարեղներ և աւելի խորը ձորերում՝ խաղող, թութ,

*) «Լաւ եղանակ Հայաստանում յունիսից մինչև սեպտեմբերն է: Բուսականութիւնը այստեղ ուշ է առում»: Թ. Ռայնախ:

Պէտք է աւելացնել, որ գարունը անձրևային է, իսկ աշունը՝ մեղմ, մոխավոյաց

բազմաթիւ պտղատու ծառեր, որոնք մեծ մասամբ կասպից ծովի և Եփրատի միջև գտնւած գաւառներում են ծագում ստացել և ինչպէս ամեն բան, սրանք էլ պահպանել են իրանց բընական դրութիւնը փոխանակ հետևելու մշակութեան այն պրօկրէսին, որ առաջ է եկել Եւրոպայում: Արա փոխարէն Զւիցերիան իմաստուն կերպով պահպանել կամ վերականգնել է իւր անտառները, որոնք իրան կանոնաւոր կերպով ջուր են մատակարարում: Հայաստանում, ոռուսական, պարսկական և Միջագետքի սահմանագծերում իսկապէս ասած գեռ ուժեղ թէ թոյլ կերպով աճում են մայրի, կաղնի, կնձի, երբեմն ընկոյզենիներ, իսկ հեղեղատներում՝ ուռի և կախամաղի, սակայն՝ համարեա թէ ամբողջ կեղծօնը և լեռների շատ լանջեր, զառիվայրեր զուրկ են: անտառներից, ծառերից. Զիկանա-Դաղից ըսկած, ուր Տրապիզոնի ճանապարհը կտրում է Պոնտական երկրորդ Ալպերը, մինչև Արարատը և դրանից էլ այն կողմը ամբողջ շաբաթներով կարաւանը ճանապարհներ է կտրում, բայց՝ չի պատճառում մի ծառի կամ նոյնիսկ մի թփի՝ չընայւած, ի հարկէ, քաղաքների հազւագիւտ պարտէցները: Եթէ այստեղի դաշտերը ծածկւած չլինէին հնձով, իսկ լեռների քիչ ժայռոտ կողերը՝ սրանք փոշիով, մանրախիճերով և բուսահողով (հասած) ծածկւած են — չներկայացնէին

ոչխարներ սնուցանող մինուրը մարդագետին,—
այն ժամանակ մարդ կկարծէր թէ երկնքի կը-
րակով այրւած մի անապատում է գտնւում։ Այս
մերկութիւնը, որի պատճառով երկիրը ամբող-
ջապէս դարձել է մոայլ ու խոփոռ, առաջ է ե-
կել բացառապէս բնակիչների անհեռատեսու-
թիւնից։ Նրանք անխնայ կոտրատում են մա-
տաղ ծառերը և նրանց արմատները հարիւրա-
ւոր սայլերով տանում են քաղաքներ ծախելու։
կառավարութիւնն էլ ոչ մի անկիւն չի պահպա-
նել այս աւերածութիւնից։ Այսպիսով՝ մի աղե-
տալի հարւած են հասցըել ջրերի ըէժիմին, կլի-
մայի մեղմութեան և հողի պտղաբերութեան։
Ժողովուրդը ստիպւած է կենդանիների թրիքով
տաքանալ, որը այլս չի կարող ծառայել իբրև
հող պարարտացնող նիւթ։ Փայտը այնքան թան-
գացնել է, որ հարուստները միայն կարող են
գործածել. այստեղ քարածուխը առատ է երեսում,
սակայն՝ չեն կարող շահագործել, որովհետեւ ին-
տուստրիան այս երկրում նոյնքան է զարգա-
ցել որքան հասարակ վայրենիների մէջ։

Բոլոր աշխարհագրները (géograph e) դիտել
են, որ հնագոյն ժամանակներից սկսած չորա-
ցումը անընդհատ զարգացման մէջ է եղել այս
երկրում. և այդ անշուշտ երկրի յարատես ան-
տառազրկութեան պատճառով։ Զների հալւելուց
առաջացած հեղեղներին յաջորդում են չորու-

թեան ամիսները երբ ջրերի համարեա թէ բո-
լոր հոսանքները չորանում են, այնպէս որ գար-
նան անհնարին է լինում ճանապարհորդել, իսկ
յունիսից մինչև հոկտեմբերը կարելի է ամբողջ
Փոքր-Ասիան, Միջագետքը, Աղւանատանից մին-
չև Հնդկաստան շրջագայել ու բոլոր ջրերը ոտ-
քով անցկենալ. ոչ մի տեղ ջուրը չի հասնի մին-
չև գոտիդ։ Առնւազն մինչև Եփրատի և Տիգրի-
սի խորութիւնները այսպիսի հուներ և ժայռեր
են գտնում, որոնք աւելորդ են դարձնում կա-
մուրջների գոյութիւնը։ Այն ձորերը, հովիտ-
ները, որոնք փորւել են այս ջրերի զօրեղ հո-
սանքից, վկայում են, որ սկզբներում երկրի
ջրերը մեծ ծաւալ են ունեցել։ Որ հնում այս
ջրերը շատ աւելի հարուստ ու կանոնաւոր են
եղել այդ մասին բաւական է իբրև վկայութիւն
յեշել Ասորեստանի և խալդական քաղաքա-
կըթութիւնները, որոնց հսկայական սնունդ էին
մատակարարում ջրերով դաշտերը և քաղաքնե-
րի պէտքերին բաւարարութիւն տալով. *) միայն

*) Ե. Ռըկլիւն կարծում է, որ Եփրատի տիերին
գտնուած ծաղկած անթիւ քաղաքների ոչնչացումը և
Միջագետքի պրօկրէսիվ անբերութիւնը պէտք է
վերագրել Եփրատի ջրերի պակասելուն. նա նկատում
է, որ Եփրատի և Տիգրիսի միացեալ գետաբերանում ջու-
րը հնում իւր ծաւալով բոլոր գետերից աւելի շատ էր,
նոյնիսկ նեղոսից, Խոզոսի և Դանուրի միջև։ Սակայն
այժմ այդպէս չէ. չի կարելի ուրանալ և այն, որ այն

այս տեղից կարելի է ամենայն ճշտութեամբ եղակացնել, որ հայկական լեռների անտառապրկութիւնն այս երկրից բղխող գետերի չուրացման ամենամեծ պատճառն է եղել: Մենք աւելի ուղղակի, ճշգրիտ ցուցմունքներ ունենք, որ հնագոյն ժամանակներից սկսած ձիան և անձրես գալը պօկրէսիվ նւազման է ենթարկւել. և այդ անշուշտ միենոյն վերոյիշեալ պատճառով։ Ստրաբոն յիշում է, որ Եփրատ—այս բառը նշանակում է իսկական գէտ—և Տիգրիս գետերից առաջինն աւելի էր ջուր բերում իր խառնարանը (արդի Շատ-Էլ-Յըրաբ) քան թէ վերջինը. այն ինչ այժմ հակառակն է. և այս ցոյց է տալիս, որ Հայաստանը, ուր սնւռւմ է Եփրատը, աւելի է չորացել քան թէ Միջագետը։ Միւս կողմից՝ Ստրաբոն մի ուրիշ ե-

հրաշագործ ջրանցքները, որոնցով ասորեստանցիներն ու քաղդէացիները (խալքերը) բեղմաւորեցին Միջագետքը, չը կարողացան կանոնաւորել գետերի հոսանքները. այս ջրանցքների—որոնք արդի գարում չպահպանւեցին—ոչնչացման պէտք է վերագրել գետերի ընական տաշտերի անընդհատ տակն ու վրայ լինելը. Ռըկլիւն Տիգրիսի վրայ գտնւած Բասորանի և Նինվէի վերջնական կործանումը վերագրում է տաշտերի այս փոփոխութեանը. սակայն այս երևոյթն էլ ապացուցանում է մեր եղակացութիւնը—ջրանցքները ահագին քանակութեամբ ջուր էին տալիս մշակութեան համար, իսկ այժմ ջրի քանակութիւնը նւազել է:

ըսոյթ նկարագրելով մեզ դարձեալ միանոյն եղակացութեանն է բերում. հուռւմ Խորսէն (Խօրդիանք, Դերսիմի հարաւային կողմում) կոչւող գաւառում այնպիսի ծայրահեղ չափերով ույանկարծակի էր ձիւն գալիս, որ ճանապարհորդները մի երկար ձող էին տանում հետերնին, որպէսզի եթէ ձիան հիւսնի տակ թողւելու լինեն կարողանան այդ ձողով իրենց գերեզմանից մի ծակ բաց անել օդ ստանալու և իրենց կեանքի փրկութեան համար անցորդներից գթութիւն, օգնութիւն հասցնելու։ Չնայած հենց այժմ էլ ոտաւոր անխոհեմ ճանապարհորդը Հայաստանի ամենաբարձր անցքերում, ինչպէս Ալպեան լեռներում, կարող է բռնւել մահաբեր մըրկից, բայց և այնպէս ոչ մի տեղ մարդ ստիպւած չէ այս աստիճան նախազգուշութիւն բանեցնել. սրանից ազատ կերպով կարելի է եղակացնել, որ ձիան բանակութիւնը զգալի չափերով նւազելէ, որովհետեւ անտառների գագաթներն այլևս չեն նպաստում այդ բանին։ Թունդ ձմեռ ժամանակ պարսիկ և թուրք կարավանապետները շարունակում են ամառայ նման ճանապարհորդել մեծ ճանապարհների վրայով լեռնային կածանները բաց անելով. միայն Զիկանայի մօտ գտնւած Վավուկի պարանոցում և Դէվէ—Բօյունում, Բայազիդից վերադառնալիս, երբեմն ուղտերը ընկճւում են. այն էլ ոչ

թէ փոթորկի ուժից, այլ՝ աւելի շուտ ցըաից։
Երբ ձիան մի բարակ սաւան պատում է երկրի
երեսը՝ այն ժամանակ ամեն տեղ գիւղացիները
առանց վախի երթևեկում են զիւղերից քաղաք-
ներ եղներով կամ ձեռքով քաշւող սահնակնե-
րով։ միայն Բիթլիսումն է, որ իբրև բացառու-
թիւն ձիւնը շատ խորն է լինում և այդ պատ-
ճառով էլ ոչ մի կենդանի չի կարող դուրս գալ,
քայլել ձիան վրայ։

Մնացած միւս բոլոր կէտերում հին աշ-
խարհագրների նկարագրութիւնները համապա-
տասխանում են երկրի արդի վիճակին։ Հայաս-
տանը բնականաբար հարուստ է մնացել կենդա-
նիներով, քարածուխի, նաւթի, արծաթի, պղն-
ձի և երկաթի հանքերով, ջերմուկներով։ իւր
ժայռոտ լանջերը շինութեան համար ամեն տե-
սակ նիւթեր են պարունակում, որոնց թւուժ
նաև մարմարին և պորֆիր. դժբաղդաբար դա-
դարել են այս բոլոր հարստութիւնները շահա-
գործելուց։ Սա մի աւետեաց երկիր է, որ կա-
րող է բոլոր օտարների ցանկութիւնները գրգը-
ռել, սակայն՝ ինդուստրիայի համար անպտուղ է
մնացել բնակիչների անտարբերութեան պատճա-
ռով։ Աղեքսանդրի, հոռմայեցոց, արաբների և
նոյնիսկ տաճիկների թագաւորութեան նման մեծ
պետութիւնները միայն կարողացան օգտել հան-
քային այս հարստութիւններից։ հայերը մի քիչ

հետեւելով մեծ պետութիւնների օրինակին քրիս-
տոնեայ դառնալուց սկսած մինչև միջին դարու կի-
սերը օգտւեցին հանքային այս հարստութիւններից
և բազմաթիւ գեղեցիկ եկեղեցիներ շինեցին։ Մե-
տաղագործութիւնը միշտ էլ աչքից ընկած է եղել
միայն աշխարհակալ միապետներն ագահօրէն
ձգտել են սպառել ուկու և արծաթի հանքերը
(ոսկու հանքերը իսկապէս գատարկ են, իսկ ար-
ծաթին այլևս զուտ արծաթ չեն տալիս)։ Կարող
է պատահել, որ հների շահագործած այդ հրաշալի
հանքերն աւելի կամ պակաս չափով առասպե-
լական գոյներով են նկարագրւած, սակայն՝ պէտք
է նկատել, որ անցաւսը աշխարհակալները միայն
երեսն են սպառել, իսկ տակը մնում է, ուր
անկասկած ոչ պակաս հարստութիւն կայ թագ-
նւած և մատչելի է միայն արդի գիտութեան
միջոցներին, որովհետև միայն նրանք կարող են
հանքերի երակները գուշակել, մեքենաներով
գետնուղիներ (galerie) բաց անել և զանազան
գործիքներով զտել հանքը։ Միւս կողմից՝ բազ-
մաթիւ վայրերում ածուխը, նաւթը, երկաթը
դսւրս են եկել գետնի երեսը, բայց՝ ոչ ոք չի
մտածում շահագործելու մասին, նամանաւանդ
կառավարութիւնը, որն իրան է վերապահել սե-
փականատիրութիւնը և շահագործելու համար
օտարներին յանձնում է միմիայն կորստաբեր,
վհատեցնող պայմաններով։

Օղի մի ծայրայեղ դրութիւնից գէպի միւսն եղած փոփոխութիւնները, տատանումները և նոյն իսկ չորութիւնը բնորոշում են միմիայն Հայաստանի կեդրօնական մասը, որ երկրի մակերևոյթի կիսին հաւասար մի լեռնադաշտ է:

Այստեղ գետերն իրանց հոսանքի մեծ մասով անպէտք են երկրի ոռոգման համար, որովհետև նրանք գահավիժւում են և սեղմում այսպիսի ժայռոտ զանգւածների մէջ, որոնց բարձրութիւնը ուղղակի, վերից վար չափելով երբեմն հինգ հարիւր մեթր է, ինչպէս Եփրատի ափերն են երբ այդ գետը վար է իջնում երդնկեանից. ճանապարհներն էլ շարունակ չեն կարող հետևել գետերի եզերքներին. գետերի չորացած տաշտերն են, ինչպէս Ճարոխին և ուրիշ զանազան հեղեղներին, որոնք միայն ամառ ժամանակ բազմաթիւ գաւառներում ծառայում են իբրև ճանապարհներ։ Այսպէս՝ Եփրատի վերին, արևմտեան ճիւղը՝ Կարա-Սուն Հայաստանում միայն երկու կամ երեք դաշտ է ոռոգում, իսկ նրա ներքին, արևմտեան ճիւղը՝ Մուրատ-Սուն աւելի օգուտներ էր տալիս, որովհետև աւելի երկար է. սակայն՝ ընդհանրապէս նա էլ միենոյն բնոյթն ունի։ Չնայած որ գետերը այսպէս կղզիացած են մշակելի հողերից, բայց՝ նըրանք դարձեալ պատճառ չեն այս երկրի պտղաբերութեանը. Հայաստանում լեռներից անթիւ

առուներ են հոսում, որոնք սովորաբար մի քիլոմետր երկարութիւն ունին. սրանք հիանալի մարդագետիններ են բուսցնում հեղեղատներում. սրանք են, որ ջրաղացների անիւնները դարձնելուց յետոյ պատրաստւած առուներով, ջրանցքներով գնում են դաշտերը ոռոգելու։

Ֆիզիքական և կլիմայական այս ըեժիմը վարկենապէս փոխւում է, երբ մարդ կեդրօնական այս բարձրավանդակի աստիճաններից վար է իջնում։ Հետեւելով այս բարձրավանդակի իջւածքին անցնում ենք Մուրատ-Սուի մանրախճերով ծածկւած երկար ճանապարհը սկսած Ալա-Դաղից, որտեղից-Արարատից ներքեւսկիզբն է առնում այդ գետը, այնուհետև արդէն Բալուից սկսած մինչև իւր խառնարանը Մուրատ-Սուն տարածւում է մի շարք բուսակարութեամբ փարթամ ձորերի մէջ, առանձնապէս Խարբեղի շրջականներում, ուր բուսականութիւնը որոշ չափով տաք երկիրներին է նմանում։ Միքիչ ներքեւ Տաւրոսը աղեղնաձև կտրում է, որպէսզի ճանապարհն բաց անի այս գետին, որի ջուրն արդէն կրկնապատկւած է լինում այս երկու ճիւղերի միացումով։ Այս պատճառով էլ Հայաստանի կլիմաներից որոշում է բոլորովին առանձնայատուկ մի մաս, որովհետև դէպի Միջերկրական ծովն ուղղած ջրերն ու բամինները այս կէտից սկսած փոխում են իրենց ընթացքը, դէ-

պի Աղէքսանդրէտի ծոցը և Կիպրոս կղզին բռնած հանապարհի ամենամեծ մասը անցնելուց յետոյ, յանկարծ ժուռ են գալիս ու գնում, թափւում են Պարսից ծոց։ Այսպիսով տէմպերատուրայի, բուսական թագաւորութեան, դրանից հետեւող աշխատանքի տեսակի և հետեւաբար բնակչութիւնների բնոյթի համար զգալի չափով տարբերութիւն է առաջ գալիս Փոքր-Ասիայի այն երեք գօտիների միջև, որոնց մասնակցում է Հայաստանը. ծովի եզերքներում և այն հովիտներում, որոնք բաց են ծովային մեղմ քամու առաջ, ինչպէս Կուր գետինն է, պարզ կերպով միջերկրական կեանքի գծերն են հանդէս գալիս, հայկական բարձրագանդակի վրայ, Պարի աղբեսից մինչև Տաւրոսը այս կլիմայի և ցամաքայինի խառնուրդն է, վերջապէս մարդ իրան զգում է Միջագետքում, կեդրօնական Ասիայում, շատ հեռու ծովերից։ Արդ՝ այսպիսով դէպի աւելի ու աւելի կղզիացած վայրերն առաջանալով տեսնում ենք, որ բնակիչներն աւելի են արևելցիներ դառնում առանց ոսմանիզմի և հելլենիզմի խառնուրդի։ Այսպիսով Հայաստանը կազմում է մի անցում երկու խիստ ծայրերի միջև, Հայաստանը նախանձախնդիր լինելով հանդերձ իւր ինքնագոհ կղզիացման այնուամենայնիւ եւրոպական քաղաքակրթութիւնների համար իբրև ժամանակավայր է ծառայում, այնպէս

ինչպէս ընդունում է ծովի հովերը և կեդրօնական բարձրագանդակի փոթորիկները։ հայաստանն այսպիսով կարծէք թէ բնութիւնից բաժանող կամ պարզապէս հաշտեցնող դեր է ստանձնել։ Ի նկատի առնելով միմիայն քաղաքական ամենախոշոր դէպերը, որոնց արձագանքները միայն նկարագրել են հին մակերեսոյթային պատմիչները առանց խոր պատճառները որոնելու, ժողովրդի ձայնը լսելու, տեսնում ենք, որ Հայաստանն եղել է այն ինչ որ հիմա «զսպանակ պետութիւն» ենք անւանում. նա մեռցը ել, ոչնչացը ել է իւր դրացի մեծ հակառակորդների բաղխումները, որով ինքն էլ չի կարողացել զարգանալ իւր ընդունակութիւնների և ձգտումների համաձայն։ Սակայն եթէ ուզում ենք որոնել և հասկանալ հայերի ոգին, նրանց ձգտումները կտեսնենք, որ նրանք միշտ էլ ծարաւի են եղել նիւթական շահի, մտաւոր, ու բարոյական այն լոյսին, որը կարող էին ձեռք բերել իրենց շրջապատից։
Հնում հայերն ընդունեցին արեելեան զանազան կուլտուրաների ոգին ու ձևերը, միաժամանակ դրա հետ աշխատեցին խառնել յունական արւեստի նոր ստեղծագործութիւնները. և այդ կատարեցին ոչ այնքան յաջողութեամբ որքան լաւ նախանձութեամբ։ Մեր դարում կենտրօնական Ասիայում միայն հայերն ընդունեցին քրիս-

տոնէութիւնը, որը նրանց համար որոշ չափով յոյն—լատինական գաղափարների յադորդիչը դարձաւ. դեռ այժմ էլ մենք տեսնում ենք, որ հայերն անընկճելի կերպով յարած են իրենց աւանդութիւններին, ինչպէս այդ էական յատկանիշն է արևելեան ժողովուրդների. հայոց եկեղեցու նորագոյն պատմութիւնը ցոյց է աալիս, որ նրանք մտքի պրօկրէսին հակառակ են և բարքերի (moeurs) յետեից են գնում, իսկ այս բանի աւելորդ օրինակն Եւրոպայի քրիստոնէական դպրոցն է տւել: Ուրեմն՝ հայ ազգը կարելի է դասել նրանց թւում, որոնք սեփական քաղաքակրթութիւն չեն ստեղծել թէկ, ստկայն՝ ունեցել են խառնուրդ, փոխառած մի քաղաքակրթութիւն:

Հայաստանի ներսում նոյնիսկ՝ խոր հովիտներն ու բարձր բարձրավանդակները կլիմայական տարբեր բնոյթներ ունեն, որի պատճառով առաջ է գալիս առանձին տեսակի մշակութիւն և կեանքի առանձին եղանակ: Կարելի է երեք գլխաւոր գոտիներ որոշել—կետրոն*), հարաւ և հիւսիս-արեելք:

*) Այս և հետեւեալ երկու բառերը մօտաւոր ճշշտութեամբ են գործածւած. այսպէս՝ կետրոնական բարձրավանդակը տարածում է դէպի հիւսիս ընդդրկելով Արաքսի բարձրասորյն հոսանքը, այսուհետեւ անցնումէ Կարս գաւառից էլ այն կողմը, ուր Երզրումի ցրտի նման իրստ ցրտեր են լինում: Այսուղ մենք միայն ընդհանուր ծանօթութիւններ ենք տալիս:

Կեդրոնը ներկայացնում է մի ժայռոտ մակերեսոյթ, որը ընդհանրապէս նպաստաւոր չէ երկրագործութեան համար: Այս մասը նըստակեաց բնակչութիւն չէր ունենայ եթէ չինէին նրա ընդհանրապէս նեղ անթիւ հովիտները և յաճախ չափազանց ընդարձակ դաշտերը, որոնք կանոնաւոր կերպով ոռոգւում են: Ահա սրանք են, որ կերակրում են չափազանց նօսր կերպով ցրւած գիւղերի և մի քանի ոչ—բազմաժարդ քաղաքների բնակչութեան երեք չորրորդական մասը. այս պտղաբեր հողերը տալիս են ցորեն, որ գործ են ածում համարեա հաւասար չափով թէ իբրև հաց և թէ իբրև կերակուր, կենդանիների համար գարի և ձըմեռւայ համար՝ խոտ. քաղաքների կեդրոնների շրջականներում, ուր ապրում են ապրանքների տեղափոխութեամբ, կարելի է նաև բանջարեղէնի մշակութիւն անել: Ամբողջ մակերեսոյթի համարեա թէ ութ տասերորդական մասը հրաբղխային կլոր բլրակների, ժայռոտ լեռնասնարների, բոլորակ բլուրների, լեռների հանդիպագօտինների և մանրախիճային ու մոխրային լեռնասնարների մի անսահման, անորոշ շարք է. այս վերջին բարձրութիւնները չափազանց տարբեր են այն գագաթներից, որոնք առնւազն մակերեսոյթի մի երրորդական մասն են գրաւում և բացարձակապէս անբերրի են.

այս բարձրութիւնների տեսքը նոյնպէս շատ տխուր է, նրանց ստորոտները կմախքի պէս լերկ են դարձել, ոչ ծառ կայ և ոչ նոյնիսկ մի մացառ. բայց՝ ընդհանրապէս վերցրած սրանք ոչ ժայռեր են ներկայացնում և ոչ էլլաւաներ. ճանապարհորդը այս բարձրութիւնների մէջ հազւագիւտ կէտերում այնպիսի գեղագրական հատւածներ կդտնի, որոնք իրան հիացմունք կպատճառեն. նա կարող է հանգիստ գտնել այս-տեղի այդ հատւածների այրերի և ատամնաձև կտրւածքների հովանու տակ, թարմ ջրերի քիչ կանաչ ափերին:

Այս միակերպութիւնը, որ հեռակ դիտելիս դառնում է մի վեհաշուր տեսարան, երկրի հարստութեան գլխաւոր պատճառներից է. քիչ են խոշոր բարերը, իսկ մշակելի, փափուկ հողը՝ շատ. նա միակերպ տարածւած է փոքրիկ խճակոյտերի միջև և ինքնարուղին կերպով խոռ հացնելու համար ամենալաւ հողն է. այդ խոռը նուրբ է ու չոր և ձմեռ ժամանակ ձիան բարակ շերտի տակ թուլս նստելով՝ ամենալաւ կերպով մնուցանում է տաւարներին, ոչխարներին. այսպիսով ամբողջ երկիրը գալնան վերջից սկսած մինչև աշնան միջերը ծածկւած է խոշոր դմակ ունեցող ոշխարների, ու այծերի և բաւականին լուր կովերի հօտերով։ Տեղացիները հազւագիւտ դէպքերում են մի քիչ

միս գործածում. ոչխարները ահագին քանակութեամբ արտահանում են, իսկ կովերը տալիս են խիստ մեծ քանակութեամբ կաթ, որից պատրաստում են մածուն և չափազանց անհամ պանիր. մածունը հացի հետ միասին ժողովրդի էական սնունդն է։ Միթէ սա յատկանիշ չէ դեռ բարբառոս մնացած ժողովրդների, որոնք չեն կարող նոյնիսկ իրենց բնական հարստութիւններից բաւարար չափերով օգտւել։ Անշուշտ խելացի և խտէնսիվ մշակութեան միջոցով կարելի էր այդ դաշտերից և հովիտներից եռապատիկ աւելի արդիւնք ստանալ. ողորմելի է այդ տեղի աղքատ հնձի տեսքը և այն արօրը, որով այս հունձն են պատրաստում. նա մի հասարակերկար փայտ է ծայրին հագցրած երկաթեայ մի կարթ, ճիշտ սախնական ասորեստանցիների արօրի նման։ Որբան որ խորը փորեն այս հողը այնքան աւելի՝ է արդիւնք տալիս առանց ուրիշ ծախքերի և աշխատանքի։ Անհրաժեշտ է, որ այս երկիրը նորից անտառներ ունենայ, որպէսզի ոռոգումը կանոնաւորի և ժողովուրդը վառելիք ունենայ հողի տակ թաղւած բարածուխի հետ միասին. տաւարների աղը այն ժամանակ կծառայի հողը պարարտացնելու միջոց։ Այս մասին տաճիկ կառավարութիւնը մազի չափ անգամ հոգս չի անում։ Այս շրջանի բաղարները մեծացած գիւղեր են, որոնք, ինչպէս և այդտեղի գիւղերը

նմանում են խորանարդ ժայռերի կոյտերից,
փոշիով ու մոխիրով ծածկւած, միապաղաղ կերպով գորշ և կարծես թէ բորոտութիւնից կըրծւած. սրանք ունենում են իրենց հարթ տիրասները, ուր ամառ դեղին խոտ է բուսնում եթէ աթար չի դիզւած այդ տեղ կամ խոտի խրցեր չեն փուած արեի տակ չորանալու համար. Միայն մինարէները և հազւագիւտ ունեղ պարտէզների մէջ այս ու այն կողմ բուսած մի քանի կաղամախիները տեղ-տեղ խանգարում են երբեմն փարթամ այս փոքրիկ քաղաքների միօրինակ մելամաղձութիւնը: Երկար օրեր ձիով ճանապարհորդող յոգնած դիտողի առաջ այսպիսի ընկճող, միօրինակ պատկեր է ներկայացնում արեելեան կողմում Բայազիդը, Մուշը, Բաղէշը, կեղրոնում և արեմուտքում՝ Բարերդը էրզրումը*), Երզնկանը, Սըվազը: Միայն Բաղէշն է, որ լաւ կոփածոյ քարերից է շինւած: Հարաւային գոտում Մալաթիան իր արկմը-

*.) Էրզրումը սկզբում Կարինի-որի անունով կոչվում է շրջակա գաւառակը-մի փոքրիկ քաղաք էր. Նա թէոդոսիոսը կոչւեց երբ թէոդոս կայսը այնտեղ մի բերդ շինեց, որը դեռ մինչև հիմայ էլ կայ. վերջապէս՝ նա էրզրում անուն է ստանում Արզի մօտ գտնւած մի ամրոցի անունից, որին կոչում էին Արզ Ռումի: Էրզրումը կոնսուների ցածր թաղում 1,920 մեթր բարձրութիւն ունի, Երզնկանը հայերի առաջին նշանաւոր քաղաքն էր, որտեղ Անահիտի տաճարը կառուցւեց, այդ ժամանակ կոչվում էր Երեզ. Նա շինւած է Եփրատի մօտ 1,366 մեթր բարձրութեանվրայ (Ռըկ.լիւ):

տեան դիրքի շնորհիւ մի փոքր եւրոպական քաղաքի է նմանում իր կղմինդրեայ կտուրներով և բազմաթիւ լուսամուտներով, սակայն՝ Քղին, Խարբերդը (հին Մամուրէթ-էլ-Ազիդ, շինւած աւելի քան 1,000 մեթր բարձրութեան վրայ), Տիգրանակերտը (սրա դաշտը Հայնիի լեռան բոլորովին մօտից չափելով հազիւ 900 մեթր բարձրութիւն ունի) և Սղերդը կեղրոնի քաղաքների տձե, թթւած կերպարանքն են ստանում: Բայց՝ մարդկանց ձեռքով շինւած այս քաղաքների տխրութիւնը նոյնպէս և Սղերդին, ուր շէնքերը նւազ չափով ասորեստանական ճարտարապետութեան աւանդական տիպն են վերաբաղրում, փարատւում է բնութեան յորդառատ բեղմնաւորութեամբ: Լեռները տեղ-տեղ դեռ ծածկւած են ծառերով, որովհետև ձմեռը այս մասում այնքան էլ խիստ չէ. խոտերն այստեղ աւելի են բարձրանում շնորհիւ այն հանգամանքի, որ ձիւնը քիչ է և շուտ է հալուում, իսկ լեռնասնարները այլես տափակ և քնկոտ կերպարանք չունին: Գալով հարաւալին Եփրատի, վերին Տիգրիսի, Քղի-Սուլի և Բօդան-Սուլի հովիտներին՝ նրանք լաւ ոռոգւած և ծածկւած են՝ քիչ հրաբխային բուսահողով. այստեղ արեւ փայլում է իր ամբողջ թափով, նոյնիսկ այրում է Տիգրանակերտի գաւառը, որն արդէն՝ Միջազգետքումն է գտնւում. այն ըն-

դարձակ տարածութիւնները, ուր տարածւում
են Պարսից ծոցը թափւող երկու գետերի ջրերը,
տաք քամիներ են ուղարկում դէպի այս կողմը.
Ալէքսանդրէտի ծոցից այստեղ է հաս-
նում Միջերկրականի խոնաւ շունչը, որը Տաւ-
րոսի, Անտի Տաւրոսի և հայկական Տաւրոսի
յղկած լանջերից անցկենալով, մաղւում, թար-
մանում է ու այս լեռներին թողնում ծծելու
իր գոլորշիները. Հայաստանի այս մասը նման է
Սև ծովի և Միջերկրականի հրաշալի կողերին
չհաշւած այն, որ երեք քառորդ մասով անտառ-
ներից զրկւել է կեդրոնական բարձրավանդակի
կարիքներին բաւարարութիւն տալու պատճա-
ռով. նա Փոքր-Ասիայի պարտէզն է կազմում
տալով հացահատիկներ, պտուղներ, բանջարե-
ղէններ և բարեխառն կլիմաների ամենահարուստ
ծաղիկները: Եթէ օտարականն այս տեղի գինուց
մի բանի բաժակ խմի խակոյն կհասկանալ նոյի
յանկարծակի արքելը. Եթէ փոքր չափով արւեստ
գործադրւի կարելի կլինի աւելի պակաս ալկօ-
հօլով և աւելի մաքուր գինի ստանալ: Եթք եւրո-
պական երկրագործութիւնն (agronomie) ու պար-
տիզմանութիւնը (horticulture) կկրթեն այս հո-
ղը, կկատարելագործեն բուսական և կենդանա-
կան տեսակները, այն ժամանակ աշխարհի
ոչ մի աւելի նուրբ բրինձ, աւելի համեղ
դեղձ և սեխ, մսով ու բրդով աւելի հարուստ

ոչխարներ չի կարողանայ տալ: Տիպերի ընտ-
րութեան (selection) և մարդագետինների մշա-
կութեան, ազնւացման միջոցով հեշտութեամբ
կարելի է ոչխարի (ovine) և տաւարի (bovine)
հրաշալի ցեղեր ստանալ: Այստեղ մարդիկ այլ
ևս չունեն այն կոշտ դիմագծերը, թախծալի կամ
խորածանկ բնաւորութիւնները, որոնք բարձրա-
վանդակի բնակիչների դէմքին տիրութիւն են
դրօշմել: Զհաշւած աւազակ քրդերին, որոնք
փճացնում, աղականում են այս փարթամ, ճոխ
երկրամասը ոչ պակաս չափով որքան Հայմա-
տանի արևելքը, ուր իրենք են բնակւած—տա-
ճիկները, հայերն ու կզլբաշները համարեա թէ
բացառապէս կազմում են տեղական տարրը.
որանց դէմքին արտացոլում է բնութեան ուրա-
խութիւնը. սրանց արտայայտութիւնն իրենց
երկրի նման լիտուատ և ուրախ կեանքի բաւա-
կանութիւնն է ցոյց տալիս, եթէ միայն բռնա-
կալ իշխանութեան քմահաճոյքները չեն պղտո-
րի այդ պարզութիւնը քրիստոնեաներին բնա-
ջինջ անելու համար ստեղծած դաւադրութիւն-
ներով: Եթէ ընթերցողը թոյլատրի մեզ մի նոր
համեմատութիւն անել աւելի որոշ գաղափար
կազմելու համար, մենք կհամեմատենք այս եր-
կիրն ու իր բնակիչները կուտարի և կարօնի հո-
վիտների ու նրանց բնակիչների հետ, որոնք
բաւականաչափ նման են չհաշւած վերջիններիս

գիմագծերի գեղեցկութիւնն ու նախաձեռնութեան յանդգնութիւնը:

Երբորդ գօտին տարածւում է Վանայ լճի և Արարատի միջն, այնուհետև բարձրանալով դէպի հիւսիս՝ Արաքսի հովիտները և մեղմ զառիվայրերով դէպի կուր գետն իջնող բարձրավանդակը իր լեռնային մասերով մասնակցում է առաջին գօտու կլիմային, իսկ իր լճերի և գետերի ափերով՝ երկրորդին։ Այս գօտու կլիման միւս երկու գօտիների խիստ ծայրերի խառնուրդն է։ այստեղ կան բաւականաչափ երկրորդական լճեր. Արարատի հարաւում Բալիքդեօլն (2,255 մեթր) է, որըինչպէս իւր անունն է ցոյց տալիս, լիքն է ձկներով, իսկ հիւսիսում Գէօգշէյը (1,933 մեթր), բացի այդ՝ կան ուրիշ շատ կարեր ջրեր, որոնք կոպիտ ժայռերով են շրջապատւած. ահա մասամբ այս ներքին փոքրիկ ծովերին—որոնց ազդեցութիւնն աւելի ևս աճում է ոչ-հայկական, ամենաընդարձակ լճի՝ Ուրմիոյ լճի դրացիութեամբ—պէտք է վերագրել արևելքի և հիւսիս արևելքի բարեխառ կլիման. Հայերը բաւական մեծ թւով իրենց երկրից դուրս են եկել և տարածւել Պարսկաստանում, բայց՝ աւելի ուժեղ կերպով մղւել են դէպի կովկաս, ուր երկու մեծ և գեղեցիկ քաղաքների՝ Թիֆլիսին և Բագուին տէր են դարձել։ Գուցէ ուռական Ասիայում լինի ամբողջ հայ ազգաբնա-

կութեան կէսը շնորհիւ այն հանգամանքի, որ մի կողմից՝ անընդհատ ներգաղթը իւր հետ բերում է նորանոր բարելաւութիւններ, միւս կողմից՝ ուռս կառավարութիւնը իւր խնամքը չի զլացել կուր և Արաքս գետերի հովիտներում։ Արարատն առանձին կամ իւր այն լեռնաշղթաներով, որով ձգւում է դէպի արևմուտք, կազմում է ջրերի բաշխման կեղրոնը. դէպի կասպից ծովը, դէպի Վանայ լիճը գետեր է ուղարկում, որոնք ուղղակի իրանից են կախւած. Արարատի այս երկու ուղղութեամբ վերջացող թեքումները հնարաւորութիւն են ստեղծում, որ գոլորշիացման այս երկու աւազաններից թարմ ու խոնաւ քամիներ ստացւեն։* Զհաշւած Վանը, Ալեքսանդրօպոլն ու Երևանը (սրա մօտ է գտնում Էջմիածնի կաթողիկոսարանը) քիչ են փոքր ինչ կարենը քաղաքներ, որոնց այս պըտղաբեր երկիրը կարող էր սնուցանել։ Այս տեսակ քաղաքներ առաջ աւելի շատ էին։

*) Վանայ լճի հովիտը հրաբխային հրաշալի լեռներ ունի, որոնք կզգիացած են և ցրւած այս ու այն կողմը, բարձրավանդակի կեղրոնում. սրանք շղթայ չեն կազմում քամու հոսանքին դիմադրելու համար։ Սրանցից գլխաւորներն են Թանգուրէկ, Սիփան-Դաղ և Նէմրուտ-Դաղ. վերջին երկուսը ընկած են լճի արևելահիւսիսային ափի վրայ և ունեն խիստ մեծ խառնարաններ, որոնք արդէն հանգել են. վերջին դարերում Թանգուրէկու դեռ գործում էր. Զնայած որ Հայաստանը երբէկը դեռ գործում էր.

Արաքսի վրայ գտնուում էր ամենահին մայրաքաղաքը՝ Արտաշատը. անդրկովկասեան բարձրավանդակի վրայ միջին դարում ծաղկում էր նոր մայրաքաղաքը՝ Անին. այս երկու քաղաքներից էլ այժմ միայն ողբալի աւերակներ են մնացել, որոնք անցեալ փառքի վկաներն են: Այժմ արանզիտը փոխւած է, նախ՝ Երզրումի վրայով էր անցնում, երբ ամբողջապէս կարավաններով էր կատարւում, ապա՝ Թիֆլիսով անցաւ, երբ երկաթուղին այդ քաղաքը դարձեց առաջնակարգ մի կեղրոն: «Այստեղ՝ Վանը, իսկ

կրագնդի քըսեմ-ի վրայ է բարձրացրած՝ այնուամենայնիւ բազմաթիւ ժայթքումների է ենթարկւել. Արարատն ու Փալանթօքէնն իրենց ձեռվ ցոյց են տալիս, որ հրաբխային են եղել. այն լեռնաշղթան, որ սրանց միացնում է, բաւականաչափ կոներ ունի. Աղբի-Դաղը իրեւ բացառութիւն մասամբ կրանդից է (Լինչ) ինչպէս Զակրօշի և Թիւրդիստանի լեռներն են: Այս տեսակի երկրաբանական երեսոյթների մի շարք է առաջ եկել այստեղ, այսպէս՝ վերոյիշեալ երեք մեծ հրաբխային լեռները՝ Թանդուրէք, Սիփան և Նեմրուտը թերևս ժայթքումի մինոյն սիստեմին են պատկանում ինչպէս աւելի հարաւ Տիգրանակերտի հարաւարևմըտեան կողմում Կարաճանուալը, որը նոյնպէս համեմատաբար նոր ժամանակի լավայով է ծածկւած. վերջին անգամ Նեմրուտ-Դաղը 1441-ին է ժայթքել, ինչպէս այդ վկայում է Վանեցի Վարդան գրիչը, որը ականատես է եղել՝ այդ լեռն անւանում է Մամրուտ (Բիթլիսի և Ախլաթի միջև):

Երկնքում՝ դրախտը ասում է հայկական մի ասած.*.) եւրոպացու համար այդ քաղաքը արժանի չէ այդ համբաւին, սակայն՝ հայաստանցին աւելի լաւը չունի: Սյստեղ բուսականութիւնը ինքնաբուղս, խիտ, զանազանակերպ է, բայց չի կարող հասցնել հարաւի բոլոր պտուղները: Չմեռը կարճ և թեթև է, ամառը խեղդող շոգ չի անում չնորհիւ իւր բարձրութեան (1,825 մեթր լճի մակերեսոյթից), որը բարեխառնում է որևէ ճառագայթացումը: Նոյնն է և Արաքսի հովիտը: Առաջին դաշտը, որ այս գետը Աղբի-Դաղի հիւսիսային կողմում կտրում է, այսինքն՝ Ալտուն դաշտը 2,235 մեթր բարձրութիւն ունի, իսկ իր միջին հովիտը, որն ընկնում է Արարատի նահանգում, մօտաւորապէս 1000 մեթր է. այստեղ նոյնպէս՝ ձմեռն այնքան խիստ և եր-

*) Վանը որ խալդէական արձանագրութիւններից ցուցմունքով լճի ափերում տարածւած Բիայնա գաւառն է, հնում տոսող հայկական անուն էր կրում. յետոյ Մովսէս Խորենացին անւանում է Շամիրամակերտ (Շամիրամից շինւած): այս հոչակաւոր թագուհին, որի գոյութիւնը կամ առնւազն փառապանծ գործերը առասպելական են, իբր թէ ընտրել է լճի ափին առանձնացած հրաշալի ժալուր իր կախանաւոր այգիների համար: Հայերը այս տեսակ լէգէնտաներ շատ են շայլում, այսպէս օրինակ՝ Դիարբեքիր Տիգրանակերտ են անւանում, չայած որ Տիգրանակերտը շատ ցած է շինւած եղել:

կարատեւ չէ, որքան լեռների միւս երեսում, Աւաշկերտի դաշտում, որը 1,677 մեթր բարձրութիւն ունի. բացի այս՝ Արաքսի լայն անցքերի ուղղութիւնը, որ դէպի արևելք գնալով յանդում է ընդարձակ, անմշակ դաշտերի, հնարաւորութիւն է տալիս լաւ քամիներ ստանալու. միւս կողմից՝ տաքութիւնը մեղմ ու բաւարար է, այնպէս որ կարող է հրաշալի հունձ հասցնել և շատ տեղերում նոյն իսկ խաղող ու պտղատու ծառեր։ Ռուսական Հայաստանի մնացած մասերը, մինչև Գեօգչայ և Կարսի բարձրավանդակը, որ էրզրումի չափ ցուրտ է, շատ հարուստ են և տալիս են բարեխառն կլիմայի բոլոր բերքերը, նոյն իսկ տաք երկրի բերքերից, ինչպէս՝ բրինձ, բամբակ, թութ, միայն թէ դիրքը բառական ցած լինի և արևի դէմ ընկած։ Այստեղի բնակչութիւնը ստիպւած է ծանր աշխատանք թափել, որը հարիւրապատիկ վարձատրւում է. միւս կողմից՝ երկաթուղու մի քանի գծեր հնարաւորութիւն են ստեղծել որոշ տարածութեան վրայ հացահատիկներ արտահանել, ուստի բնակչութիւնը գործունեայ է դարձել, խաղաղասէր, աշխատանքի մէջ անվիատ, որով շատ կողմերով նմանւում է Ֆրանսիայի Նորման գիւղացիներին կամ Բուրկինֆոններին։ Միջին դարում իսկական հայտիպն էր, որը Վանայ ճի մօտերքում և Արաքսի հիւսիսային կողմում կրօնական և երրեմն քա-

ղաքական անթիւ յիշատակներ սփոեց, որոնք վկայ են չափազանց առաջ գնացած մի քաղաքակրթութեան։ Այս ցեղը մշակ է, ինչպէս որ հարաւայինը՝ այգեգործ. իսկ կեղրոնի ժողովուրդն աւելի մեծ չափով պահպանել է նահապետական կեանքի բարքերը. այդ էլ չնորհիւ դեռ ևս գոյութիւն ունեցող կէս-թափառական, անհաստատ կեանքին, որին գարունքից մինչև ձմեռը ենթակայ է հովիւ ժողովուրդը։

Այս երեք մեծ, ընդհանուր գօտիներից գուրս կտն բազմաթիւ կէտեր, որոնց բնութիւնը յատկապէս ժպտացել է և մեծ առաւելութիւններով բաժանել իրենց կոշտ, դաժան շրջապատից. այսպէս են հիւսիսային կողմում Գիւմիւշ-խանէի և Թորթումի հովիտները, որոնք ամբողջ կեղրոնին պտուղներ են մատակարարում. կեղրոնն էլ իւր կողմից ունի հրաշալի անկիւններ, ինչպէս երնգկայի և Խնուսի շրջականներում։ Այս բացառութիւններն առաջ են գալիս տեղի ցածութիւնից։

Հայաստանն այնպէս ինչպէս բնութիւնն է ստեղծել, առանց շահագործող արւեստների ու գիտութեան, ինքն իրեն բաւականութիւն տալիս է։ Նա ստանում է միմիայն եւրոպական վատ արտադրութիւնը. իւր ոչխարների բուրդը միշտ էլ մատակարարել է հագուստեղէն՝ չնայած գործւածքի անկատարելութեանը. իր հանքերը

տւել են տարրական կարիքներին բաւարարութիւն տւող մետաղներ. միայն պղնձագործութիւնն է, որ միշտ էլ զարգացած է եղել. վերջապէս՝ ամեն տեսակի քարհանքները ծնեցրել են լաւ, մեծ որմնադիրներ, որոնք մի ժամանակ շատաւելի ճարպիկ էին: Հնագոյն ժամանակներից սկսած անշուշտ նա արտահանում է իւր քառասուն միլիոն ոչխարները գէպի Դամասկոս և Կ. Պօլիս. նա ամբողջ կեդրոնական Փոքր-Ասիային տալիս է գինի. երբ եւրոպական ինդուստրիան կպատառոտի այս հողը այն ժամանակ մեծ գանձեր դուրս կը ժայթքեն:

Բարձրավանդակի ընդհանուր երեսը նպաստաւոր է ինտէնսիվ մշակութեան համար, այդ պատճառով էլ այստեղ բնակչութիւնը իրար վրայ է կիտաած ինչպէս բանակների կեդրոնատեղիում: Նրաբոլոր լեռները կանոնաւոր կերպով, իրարից ոչ այնքան հեռու, շրջագծի վրայ սահմանաւորում են փակ երկրամասեր (compartiment), որոնք ունենում են մէկ կամ երկու պարանոցներ և ներկայացնում են սեղանի նման հօրիզոնական ընդարձակ տարածութիւններ: Ինչպէս այս դաշտերը, որոնք ընորոշ են և անընդհատ տարածւած եփրատից ու Տիգրիսից դէպի Արաքսն ու կուրի առաջին ճիւղերը, այնպէս էլ Ճորոխի, Քիթլիս-Մուխի, Քղիի ափերի նմանապէս փակ հովիտները առաջ բերին ֆէօդա-

լական ուժեղ, նախանձու իշխանութիւններ, որոնք շաա օգտակար էին, երբ զրանց գլխաւորները ենթարկում էին թագաւորներին, բայց՝ յաճախ ազգային միութեան տեսակէտից խիստ վնասակար: Այս դաշտերից շատերը հնում լճեր են եղել և ապա չորացել. Պարսկաստանումն էլ նոյն երկոյթն է առաջ եկել, բայց՝ այնտեղ լճերը չափազանց աղի են եղել և չորանալուց յետոյ տւել են ամուլ հողեր, այն ինչ հայաստանին աւելի անուշ ջրեր ունենալով տւել են ընտիր բուսահողով ծածկւած գետիններ:

III

Նորագոյն և հին պատերազմները, հեթանոսական հնութեան շրջանում քաղաքական բազմաթիւ գժտութիւնները, քրիստոնէական շրջանում յունական կայսրութեան քաղաքական և մանաւանդ կրօնական ազդեցութեան դէմ ցոյց տրւած ընդդիմութիւնը, հայաստանի հին և նոր

*) Այս դաշտերից ամենաբարձր կըզրումինն է (1,753 մեթր), յետոյ Ալաշկերտին (1,677 մ.), Խնուսին (նոյն բարձրութիւն). Բասենին (1525 մ.), Մանազկերտին (նոյն բարձրութիւն), Բայրերդին (1,520 մ.) Վանավ լճին (1,718 մ.), որը բիշ պակաս է երգրումից իր բարձրութեամբ, և բնականաբար աւելի մեղմ օդ պէտքէ ունենայ: (Լինչ, «Արմենիա»).

բնակիչների — առանց ցեղի խտրութեան — դեռ ևս
նահապետական և անփոյթ ոգին, օտար պետու-
թիւնների կեղեքումները, որոնք հնում իսկա-
պէս ասւած ազատամիտ էին, բայց՝ այնուհետեւ
մոլեռանդութիւնից դարձան կեղեքողներ, իսկ
վախից՝ արիւնարբուներ, վերջապէս՝ հայերի էա-
պէս խաղաղ բնաւորութիւնը, որոնք երբ տե-
սան թէ իրենց փառասիրութիւնն արդէն վնաս
ներ է բերում հոռմայեցոց ժամանակ շուտով
խաղաղւեցին և քրիստոնէական դարում ընդհա-
նրապէս ապստամբութիւնից գերադաս համարե-
ցին հայրենիքից դուրս գալը, — էական պատճառ-
ներն են այս թմրութեանը, որի մէջ խոր կեր-
պով թաղւած է այս երկիրը։ Հայերին այս թըմ-
րութիւնից դուրս քաշելու համար բաւական
է, որ մի բարձր քաղաքակրթութիւն դրդիչ դառ-
նայ ապահովելով արդարութիւնն ու կարգը,
օրինակ տալով աշխատանքի և համբերատար
իմաստութեան։ Եւ իրօք՝ հայերը նմանւելու հը-
րաշալի ընդունակութիւն ունեն. եթէ նրանք ա-
մենայն ազատութեամբ անձնատուր լինէին իրենց
սեփական ոգուն, կարող կլինէին ցոյց տալ ա-
րևելեան միւս ցեղերին թէ ինչպէս կարելի է
նմանւել, հետեւ եւրոպական քաղաքակրթու-
թեան առանց ամբողջապէս ուրիշի հետ ձուլւե-
լու, կորցնելու ազգութիւնը, որին նրանք ամե-
նից աւելի են կպած։ Հայերը այս փորձն արել են

առաջւայ մեծ քաղաքակրթութիւններից կատա-
րած իրենց բոլոր փոխառութիւններով, այժմ
էլ շարունակում են անել եւրոպական քաղա-
քակրթութիւնից անընդհատ փոխառութիւններ
կատարելով։

Այստեղ հնարաւորութիւն չկայ ուսումնա-
սիրել այն բոլոր անհրաժեշտ սկայմանները,
որոնք կապահովէին հայերի կատարեալ զարգա-
ցումը, որին նրանք ձգտում են մեծ եռանդով.
մենք այստեղ կանգ կառնենք այդ կարևորագոյն
պայմաններից մէկի վրայ միայն, որը կապ ու-
նի մեր այս գլխում նկարագրած աշխարհագրու-
թեան հետ և անհրաժեշտ է պատմութեան հա-
մար։ Դա արևեստական կերպով շինւած ճա-
նապարհներն են։ Հայաստանում բացառապէս
ցամաքային են ճանապարհները, ոչ ծովերի և ոչ
էլ գետերի վրայ չի կարելի նաւարկել ծովերը
շատ հեռու են, լճերը՝ շատ նեղ, իսկ գետերը՝
շատ խորդուբորդ ու տաք եղանակներին հա-
մարնա թէ ցամաքած։

Մեր թւականից առաջ XIV-րորդ դարում,
այսինքն՝ առաջաւոր Ասիայի կեղրոնում առա-
ջին անգամ հայերի երևալուց վեց հարիւր տա-
րի առաջ, վաճառական և ուազմական մի մեծ
ճանապարհի նախագիծ արդէն իրականացել էր
մասամբ Ասորիքի, Լիւտիայի, Ասորեստանի
բնակիչների և մասամբ «մարական պարանոցի»

և լեռնադաշտերի խառնիճաղանձ ազգաբնակիչների միջոցով, որոնք կարիք էին զգում հաղորդակցութիւն ունենալ թէ Միջերկրականի և ասիական Ովկիանոսի հեռաւոր ափերի և թէ հէնց պարզապէս իրար հետ։ Այս ճանապարհի ճիւղերը, որոնք արևմուտքում սկսում էին եգէեան արշիպեղագոսից և հարաւում՝ միջին Եփրատից, բնականաբար ամենից առաջ պէտք է յանգէին Աև ծովին, Թերմօդոնի (այժմ Դէիրման-Դերէ. փոքրիկ գետ, որի գետաբերանը Տրապիզոնի արևմտեան կողմումն է) հանքային հովիտներին և նոյնպէս Իրիսի (յունական Լուկոսը, հայկական Գայլը) հովիտներին։ Այս գիծը անց էր կենում հիտահաների երկրով։ Այս զանազան ճիւղերը հետափական թագաւորութեան մէջ յանգում էին մի կէտի և ռվերածւում մի մեծ, անընդհատ ճանապարհի, որի վրայով անց էր կենում թէ զօրքը և թէ կարաւանը։ Այս ճանապարհը Մէօնի դաշտերից դուրս գալով արևմուտքից արևելք կարում, բարձրանում էր Հերմօսի հովիտը, ապա՝ կեղը օնական բարձրավագնդակի աստիճանները մազլցում, որից յետոյ կամաց կամաց դէպի հիւսիս-արևելք ուղղելով անցնում էր Ալիւսի հուներով, երկու անգամ այս գետով անց էր կենում, առաջին անգամ հոսանքի երկու երրորդական մասում, իսկ երկրորդ անգամ՝ ակունքից քիչ հեռու. սրանից յետոյ յանկարծ

ծուռում էր Տաւրոսի վրայ և Մելիտէնում միացնում էր այն նեղ ուղիները, որոնք զնում էին Տիգրիսի վերին աւազանում գտնւած Մծբին, Սանկարա, հին Ասսուր քաղաքները. աւելի ցածր, լեռան այն կողմը և Կարկեմիսի պարիսպների (հնատիտների մայրաքաղաքը) տակ միացնում էր նաև դէպի Նեղոս և Պարսից ծոցի ափերին գտնւած քաղաքները տանող ուղիները։ Այստեղ հասնելու համար այդ ճանապարհը օգտավում էր նաև դէպի հարաւ-արևելք ուղղուղի փոքրիկ ճանապարհներից. և վերջապէս՝ աւելի փոքրիկ ճանապարհներից. և պէտութեան կեղընը դարձրեց Շօշ քաղաքը, նաև վերջանում էր այդտեղ։

Կան բնական ճանապարհներ, որոնք առաջ են եկել Փիզիքական պայմաններից. և ժողովուրդներն օգտավում էին դրանցից ձգողութեան կեղընները նետելու համար։ Հայաստանում այս տեսակ ճանապարհներ են առաջ գալիս, երբ գետերը բւաական լայն հովիտներ են ունենում և տաք եղանակին ջրերի տաշտերը չորանում են. մեծ դաշտերը պարանոցների միջոցով հաղորդակցութիւն պահպանելով նոյնպէս դառնում են ճանապարհներ, և վերջապէս՝ լեռների անցքերը ներկայացնում են այս տեսակ ճանապարհներ։ Զգողութիւնն առաջ էր եկել մի կողմից՝ երկրի սեփական հարստութեան շնորհիւ, միւս կողմից՝

Արևելքի և Արևմուտքի միջև եղած տրանզիտի կարիքների պատճառով: Այս վերջին տեսակէտից Հայաստանն ամբողջ առաջաւոր Ասիայի ամենայաջող անցքն է կազմում. Միջագետքը սկսած այն ժամանակւանից երբ արւեստական մշակութիւնները մեծ մասամբ ոչնչացան, դարձաւ դժւարանցնելի. նա եզերաւորւած է Ասորիքի անապատով, որը մեծ տրանզիտը անհնարին է դարձնում. նա գերեզման է եղել բազմաթիւ արշաւող բանակների^{*}: Գալով կովկասին նա միշտ էլ երկրորդական մի ճանապարհ է եղել. վերջին ժամանակներս միայն երկաթուղու շնորհիւ կարողացաւ տրանզիտի մի մեծ մաս խլել: Սակայն Հայաստանում դեռնս բաւական մեծ չափերով կարաւաններն են գործում, որոնք շատ դանդաղ և թանգ են, կասկած չկայ, որ եթէ մի երկաթուղի փոխարինի սրանց տրան-

*) Այսպէս՝ երբ խալդերի և Ասորիքի զարգացումը կարիք ստեղծեց հարաւային կողմից մի երկրորդ ճանապարհ ևս ունենալ՝ այդ հանապարհն անցաւ երկու զետերի միջով և չմտաւ անապատ. այդ պատճառով ճիւղեր արձակեց դէպի Տաւրոսի երկու ծայրերը, որպէսզի Հայաստանի երկարութնամբ կամ նրա միջով ուղղվի Սև և Կասպից ծովերը: Այս ճանապարհը սուրհանդակի ուղի էր բացում դէպի հիւսիսային Ասորիքի ծովափը և մի ուրիշն էլ անշուշտ դէպի Բօսփրու: Այսպէս էր Բաբելոնի մեծ պողոտան. սրա և Տիգրիսի հաղորդակցութիւնը պէտքէ քիչ կարերութիւն ունենար:

զիտի համարեա թէ ամբողջութիւնն ինքը կը ստանայ, որովհետև Պարսկաստանից Սև ծով հասնող հին, ամենակարձ ճանապարհն անցնում է Թաւրիզից, Բայազիդից, Երզրումից, Բայրեղից և Տրապիզոնից. նոյնպէս էլ Պօլսի և Բաղդադի միջև եղած ճանապարհը համարեա թէ գուգահեռական ուղղութեամբ անց է կենում միշտ էլ միենոյն տեղերով. Սվաղի վրայով Խարբերդ (Մալաթիա), Տիգրանակերտ և Մօսուլ: Միմիայն Զմիւնիայից դէպի Բաղդադ շինւող երկաթուղին կարող է բարելաւել այս գիծը. նա կվերահաստատի եթէ մի ուրիշ գիծ նոյն արագութեամբ և տրանզիտի նոյն արժէքով կմիացնի Սև ծովը Պարսից ծոցի հետ: Այսպէս Հայաստանը հրաշալի դիրք ունի հարստութեան բաժանման մի կեդրոն լինելու համար. Երզրումն ու Սվաղը դեռ ևս մթերանոցներ են, որտեղերից ապրանքներ են ուղարկում շրջակայ գաւառները. այս տեղերից նաև զլխաւոր ճանապարհն է ճիւղեր արձակում: Միւս կողմից՝ երկրի հարստութիւններն ամեն ժամանակ էլ գրգռել են և ասիական և եւրոպական պետութիւնների կողոպտիչ ախորժակը: Մեղալի հակառակ կողմըն էլ այն է, որ Հայաստանը աւար է եղել ամենազօրեղ անտրպրոնօրների համար: Սակայն նա հրաշալի դիրք ունի ինքն իրան պաշտպանելու համար. բաւական է, որ գլխաւոր անց-

քերն *) ուժեղացնի. Եթէ թշնամին նրան նեղ ձգի այն ժամանակ նա կարող է ընկճել թշնամուն դարանակալ մի դանդաղ կռւով մինչև որ ձմեռը վրայ կը հասնի և կթաղի թշնամուն։ Այս պատճառով է, որ այսօր էլ երզըումի մուտքը պաշտպանւած է թնդանօթներով, այն էլ այնքան ապահով, որ ոռւսները կովկասից գալով երկրորդ անգամ չկարողացան վերցնել։ Այսպէս էլ հայերը՝ չնայած իրենց կրած բազմաթիւ հարւածներին այնուամենայնիւ կարողացան պաշտպանւել մի այնպիսի կատաղի ուժով, որին վկայ են այս երկրում սփուած բերդերի աւերակները, որոնք ընկած են օտար ու անցաւոր տիրապետողների շինած բերդերի աւերակների կողքին։ Հայերը յաղթւեցին թէ հոռմայեցիներից, թէ բիւզանդացիներից, թէ արաբներից և թէ տաճիկներից—միշտ յաղթւած, որովհետեւ թւական քանակութեամբ քիչ էին և որ գլխաւորն է չափազանց բաժան-բաժան էին—սակայն միշտ էլ այնպէս էին յոգնեցնում իրենց տիրապետողներին, որ սրանք մի նոր պատերազմ չափազանց ծանր համարելով բաւականնում

*) Հայաստանն շուրջն էլ յաճախ միւնոյն պայմաններն են. հոչակաւոր «Կիլիկեան Դրունքը», որից անհրաժեշտորէն պէտք է անցնել Տաւրոսը. անց կենալու համար, կարելի է հեշտութեամբ կարել և կանգնեցնել այն բանակները, որոնք Աղէքսանդրէտի ծոցից դուրս գալով կուղենան համնիլ եփրատի կոր գծին Հայաստանում (Ուլլիւ):

էին անւանական հնագանդութեամբ. այս պատճառով էլ հայերը կարողացան ապրել կէս-անկախ կեանքով մինչև որ Օսմանեան կառավարութեան զօրեղ կեղրոնացումն ամբողջապէս ոչնչացրեց այդ անկախութիւնը։

Անհնարին է ըմբռնել Հայաստանի բաղդը առանց որքան հնարաւոր է ճիշտ կերպով պատկերացնելու թէ Հայաստանի լեռներն իրենց կազմութեամբ ինչպիսի ուղիներ են բաց անում դէպի դրացիները։ Մեր նկարագրած երկու մեծ ձանապարհներից մէկը, որը անցնում էր հարաւից հիւսիս, Եւրոպա էր տանում Քաղդէայի, Արաբիայի, Հնդկաստանի և կղզիների արտադրութիւնները. իսկ միւսը, որ անցնում էր արեելքից արևմուտք, նոյն տեղն էր հասցնում կեղրոնական Ասիայի բերքերը. ինչպէս այսօր, այնպէս էլ առաջ Պարսկաստանից անթիւ կարաւաններ էին անցնում Իրանի բարձրավանդակի վրայ եղած «մարտկան պարանոցից», ձգւում Ալարատի լճերի ուղղութեամբ և ապա ցրում դէպի կովկաս, դէպի Տրապիզոն կամ Զմիւռնիա, կամ վերջապէս՝ դէպի Ասորիք։ Այս վերջին ճիւղի և առաջին ճանապարհի միութեան կէտը Միլիտէն էր։ Այսպէս՝ ամեն կողմից, ամեն ուղղութեամբ ճանապարհներ ներկայացնող այս երկիրը՝ Հայաստանը ինչպէս իւր ձեռվ այնպէս էլ իւր համակեղրոն դիրքով յատկացւած էր ուղղութիւն-

ների մի մատիմաթիքական սեղան լինելու մարդկային բոլոր գործունէութիւնները դէպի ինքը ձգելուց յետոյ։ Այսպէս՝ այս առաջին ճիւղը զարգացաւ առևտրական գործերի և պատերազմական փառասիրութիւնների հետ միասին, այնպէս որ Հայաստանը շուտով ունեցաւ ճանապարհների մի կատարեալ ցանց, որը մինչև այժմ էլ մասամբ մնում է։ միայն այն ժամանակից սկըսած, երբ Սև ծովի վրայ նաւարկութիւնը ապահով և հեշտ դարձաւ, այսինքն՝ մօտ մի դար առաջ, երկարութեամբ զնացող երկրորդ մեծ ճանապարհը, երգրումի և Զմիւռնիայի միջև, դադարեց։* այժմ էլ Տրապիզոնի և Թաւրիզի միջև եղած ճանապարհի կէմն է մնացել.

Բայց այս կարճացումը ոչ մի վնաս չպատճառեց Հայաստանին։ Նա միայն կեդրոնական Ասիան աղքատացը Պոնտոսի թագաւոր Միհրդատ Եւպատորի և հայոց Տիգրան Մեծի ժամանակ (առաջին դարում Ք. ա.) այս գաւառի երկու մեծ ճանապարհներից մէկը շինւեց Պոնտո-

*) Հնում հազիւ երկու նաւահանգիստներ կային Պոնտոսում, Սինոպն ու Ամինոսը, որոնք Սև ծովի վրայ ներկայանում էին իբրև փոքր շահաստաններ։ ոչ Տրապիզոնը և ոչ էլ Պարիստրէսի ծովեղբեայ նաւահանգիստները չկարողացան ուղղակի դէպի իրենց գրաւել վաճառականութիւնը։ (Թ. Ռայնախ. Միթ. Եսպ. էջ. 233):

սի թագաւորից, միւսը՝ պարսիկներն էին թողել, որը նոյնպէս այս թագաւորը վերանորոգեց և գործածութեան մէջ պահւեց։ Առաջին ճանապարհը հիւսիսային կողմումն էր և սկսում էր Արտաշատից, հետեւում Արաքսի, Եփրատի և Գայլի հովիտներին։ Երկրորդը, որ պարսկական թագաւորական հին ճանապարհն էր, անցնելով Տիգրանակերտի վրայով (հիւսիսային միջագետքում) կտրում էր Տիգրիսը, Եփրատը և Աղիւսը։ սա Սարդից դէպի Շօշ տանող հռչակաւոր ճանապարհն էր, որը իսկապէս մի ճիւղ էր արձակում դէպի Ամինօս և Սինոպը (Հերոդոտ., 52)։ Սակայն այս նաւահանգիստը, որը կղզիացել էր Փոքր-Ասիայի ամենահիւսային հրւանդանի ծայրում և զուրկ էր Հայաստան տանող ճանապարհից, չէր կարող Հայաստանին վաճառատեղի շնորհել։ «Կօմանայի շուկայումն էր (Կապագովկիայում, Փոքր-Հայքի հիւսիսային կողմում, Անտի-Տաւրոսի արևելեան կողմը), որ Հայաստանի կարաւանները գալիս, թափում էին իրենց վաճառքի բեռները (Սարապոն), որպէսզի այդտեղից գնային կամ դէպի Սինոպ կամ դէպի Եփրատ»։ Մենք յետոյ կտեսնենք, որ այս ճանապարհի միջոցով Տիգրան Մեծը և Միհրդատը անգագարյարաբերութեան մէջ էին միմեանց հետ փոխաղարձաբար օգնելու համար թէ դրացիների և թէ հոռմայեցիների դէմ։ Հին պարսիկների

տիրապետութեան ժամանակ այդ ճանապարհը շատ լաւ էր պահպանուում։ Սարդից Շօշ գնալու համար 90 օր էր հարկաւոր և 111 ձի փոխել (Հերոդոտ)։ յայտնի է, որ այդ ճանապարհն ամբողջ Փոքր-Ասիան կտրելուց յետոյ «մտնում էր Հայաստան Եփրատի վրայով», և շարունակ դրա վրայով արքայական սուրհանդակներն էին գնում զանազան հրամաններ տանելով։ այդ ճանապարհով էին գալիս նաև սատրապների գործատարները բերելով զանազան գեկուցումներ։ սրանք բոլորն էլ գործ էին ածում կայարանական ձիեր և միշտ էլ գնում էին քառատրոփ կամ գետերից անցկացնող լաստերով։ Միաժամանակ այս ճանապարհը ծառայում էր հասարակ ճանապարհորդների և ապրանքների տեղափոխութեան համար, ուրը կատարւում էր ոչ միայն ջորիներով, այլ և ուղտերով։ Այս ճանապարհի պարսկական վերջաւորութեան մէջ, ելամում (այսթագաւորութեան մայրաքաղաքն էր Շօշը) էր կեդրոնանում Ասիայի ուտեսաւը, որի մեծ մասը տանում էին Եւրոպա։ Կարելի է կարծել, որ այս խճուղին իսկապէս ժայռերի մէջ փորւած է եղել, սակայն՝ այժմ ոչ մինչան չկայ որան։ ժամանակի երեք քառորդ մասով նրա հետքը հետեւում է բնական իջւածքներին, որոնց խորդուբորդութիւններն անհնարին են գարձնում կառքի գործածութիւնը։ Այս տեսա-

կէտից մենք ունենք այնպիսի վկայութիւններ, որոնցից կարելի է եղրակացնել, որ նախնական ժամանակներում աւելի բանուկ է եղել այդ ճանապարհը քան թէ այժմ։ Մենք յաճախ տեսնում ենք, որ խալդերը, ինչպէսնակե հետափաները, ասորեստանցիները, ասորիներն ու եզիպտացիները այս ճանապարհի վրայ գործ էին ածում պատերազմական թեթև ու դիմացկուն կառքիր։ Այս ազգերն աւելի արժանիքներ ունեցան քան թէ ուրիշները, որովհետեւ ստիպւած էին ուազմական վարժութւններ անել Ուրարտուի սոսկալի լեռների մէջ, որոնց յետոյ պէտք է հայերը տիրէին։ Արանք կառքի համար անցանելի գարցըին նաև գլխաւոր անցքերը և հարաւային գաւառը, ուր մեր օրերում կառքի և ոչ մի տեսակ չի կարող մուտք գործել։ սակայն՝ Ասորեստանի թագաւորներն այստեղի զառափայրերի վրայից ևս ցատկումներ էին գործում իրենց կառքերով։ այժմ այդ տեսակ ուժեղ ցատկում, գարձւածքներ անհնարին են։

Ուրեմն՝ մի կողմից վաճառական յարաբերութիւնները, միւս կողմից՝ երկու աշխարհի պետութիւնների քագաքական մրցակցութիւնները պէտք է Հայաստանը ճակատագրօրէն դարձնէին պատերազմի խսկական դաշտ երբեմն քաղաքակրթութեան և մրցման խաղաղ կոիւների, երբեմն էլ հակառակորդների արիւնահեղ պատե-

բաղմների համար, որոնք յաղթողներին փառք էին տալիս, իսկ ժողովուրդներին՝ դժբաղդութիւն։ Զարմանալի չէ, որ բնութիւնից օժտւած այս գաւառը լինելով անհրաժեշտ մի անցք յաճախ աւար դառնար փառասէր իշխանութիւնների և պատերազմի դաշտ՝ դրանց ե դրանց մրցակիցների կատաղի բախումների համար. պատերազմները հայաստանի աւերման մշտական պատճառներն են. պատերազմ այս ու այն կողմ ցըւած զանազան հայ ցեղերի մէջ, ինչպէս այդ անպայման կերպով տեղի է ունենում բոլոր լեռնական ժողովուրդների մէջ. աւելի ահուելի պատերազմներ ասորեստանցիների, մարերի, յոյների, պարսիկների, արաբների, թուրքերի դէմ. Դարեհի, Լուկուրկոսի, Պօմպէոսի, Խոսրովի, Բայազետի, Պատկեիչի անուններն այս երկրում տարծել են փառաւոր ու մահառիթ ցնցումներ, որոնք տուած են գալիս յաւիտենական այս մրցադաշտում հերոսների և բռնակալների, խաչակիրների և կիսալուսինի ասպետների, բենուային արջի և անապատի առիւծի բախումներից։

Մի ժողովուրդ, որ այսպէս ճգմւում է փառասիրութեան, ֆանատիզմի և քաղաքականութեան սոսկալի հարւածների տակ լինչպէս կարողանար այնքան ոյժ և միութիւն, յարակցութիւն պահպանել, որով ազատէր իւր անկախութիւ-

նը, քանի որ իւր զարգացման ամենաբեղմնաւոր շրջանում անգամ հաւանօրէն վեց կամ եօթ միլիոն հոգուց աւելի չի եղել*. միւս կողմից՝ հնագոյն ժամանակներից սկսած իւր աւանդութիւնները սովորեցրել են նրան աւելի շուտ խուսափել քան թէ ուրիշ խիզախ լեռնակների՝ ալբանների, զւիցերացիների, բերբերների նման կուել մինչև մահ կամ յաղթութիւն։ Հայերը

* Անձնական տեղեկութիւնների հիման վրայ կարող ենք բոլոր հայերի թիւը մօտաւորապէս հետեւալ կերպով որոշել.

Թրքական Ասիայում	993,600
Ռուսական Անդրկովկասում	1,128,970
Եւրոպական Թուրքիայում	200,000
Ռումանիայում, Սերբիայում, Բուլղար	21,250
Պարսկաստանում	43,000
Եգիպտոսում	10,000
Ռուսաստանի կաթոլիկ հայերը	37,000
Միացեալ-պետութեան հայկ. նոր. գաղ	30,000
Հին ծագումով հայեր, որոնք ձուլւել են իտալիայում, Տրանսիլվանիայում, Լեհաստանում, Հնդկաստանում, Ովկիանում և ուրիշ տեղերում եղած ժողովրդների հետ.	20,000
	2,484,820

Հարիւրներ և հազարներ չպէտք է նկատի առնել պաշտօնական վիճակագրութեան բացակայութեան պատճառով։ Ռուսաստանի և Բալկանեան գաւառների տեղեկութիւնները միայն ճիշտ են. դրանք քաղւած են 1905-ի հայերէն «Լոյս» օրացոյցից։

միայն կրաւորական դիմագիր ոյժ ունեն. հիանալի է հայի այն յամառութիւնը, որով կարողացաւ իրեն որդեգրող երկրում հաստատուն մնալ համարեա թէ միշտ իբրև վասսալ կամ իր գաճի վրայ օտար թագաւորներ բարձրացնելով, սակայն՝ գործնականապէս անկախ մնալով մինչև սելջուկների արշաւանքները։ Մըափոխարէն ուզմական լեզով խօսելով՝ այս «Պատմութեան» ընթացքում յաճախ կտեսնենք, որ նա թուլանում է երկրներ չգրաւելու պատճառով. նրա բնաւորութեան էական գիծն է—շահի ցանկութիւն, անտեսական կոհւների անյագութիւն, որը բնորոշ է նաև շատ ուրիշ լեռնականների համար։ Երբ հայը իմացել է, որ կարող է աւելի հարուստ գաւառների տիրապետել՝ առաջ է շարժւել, թեսալիայից դէպի կովկաս է եկել, սակայն՝ խուսափելով ընդհարումներից և օգտւելով դրացիների գաղթից կամ թուլութիւնից։ Ասիական հնութեան մէջ սա թէրես միակ ժողովուրդն է, որի պատմութիւնը դիւցազնական յիշատակարաններ չի պահպանել մինչև մեր թւականութեան մօտերքը։ Մի անգամ ընդմիշտ հաստատւելով կեդրոնական բարձրավանդակի վրայ այստեղ էլ հաստատուն կերպով ապրեց քանի կարողանում էր հեշտութեամբ լաւ ապրուստ գտնել չնորհիւ այն հանգամանքի, որ տիրապետողներն ազատութիւն էին շնորհում նրան. Դարէնից

սկսած մինչև Սելջուկները միմիայն մի գաղութ է հաստատել հայը, այն էլ ոչ հեռու, կասպից ծովի հարաւ-արևելեան կողմում, չիւրկանիայում։ Սակայն՝ երբ մօնղոլական բարբառոսութիւններն սկսեցին կեղերել հայերին, նրանք փոխանակ դիմագրելու և իրենց գերիշխանութիւնն ապահովելու — որը հնարաւոր էր — սկսեցին փախուստի դիմել, մեծ շարքերով գաղթել, որով հրէաների հետ միասին աշխարհի ամենաթափառական, ցըւած ազգը դարձան։ XII դարուց սկսած Անի մայրաքաղաքը և շատ ուրիշ կարևոր քաղաքներ կատարելապէս դատարկեցին. այնուհետև բազմաթիւ գաղութներ կազմւեցին աշխարհի այն բոլոր կողմերում, ուր կարելի է մի բան աշխատել։ Այսօր էլ Հայաստանն անընդհատ դատարկւում է, երկար ժամանակից սկսած հայերի կէսը իւր տանը չէ, հայրենիքում մնացողները շատ քիչ մասն են կազմում. հայը կասկածու է, ընդհանրապէս վախկուտ, հազուագիւտ դէպերում միայն ընդունակ է համաձայնութեան գալու բոլորը միասին մի իներժիք գործ կատարելու համար։ Նա ունի բոլոր պակասութիւններն ու առաւելութիւնները մի խաղաղ ժողովրդի, որն ուզում է նստակեաց լինել, միշտ էլ համգաստութեան մի վայր ուրոնել առանց կարողանալու այդ տեղում վերջնականապէս բնակւել։ Նրանք նման չեն քրդե-

ըին, արաբներին կամ աֆղաններին, որոնց համար շարժական վրանը միակ օջախն է և անծայր անապատը միայն արժանի նախանձի. հայերն ուզում են հաստատւել հողի վրա մշակութեան միջոցով և մասամբ իրենց տալով հովւական կեանքին. Նրանք ստեղծում են քաղաքներ, որպէսզի կարողանան գործադրել իրենց վաճառական և ինդուստրիէլ ճարպկութիւնները: Նրանք շինեցին հարիւրաւոր բերդեր պաշտպանուելու և հազարաւոր քրիստոնէական մենաստան ներ—հեթանոսական տաճարներից յետոյ—իրենց միստիքական բնաւորութեան բաւարարութիւն տալու համար: Եւ սակայն՝ որանք յաւիտենական թափառականներ են, որոնք բասքերի և սավուացիների նման չեն հեռանում իրենց հայրենի բարձունքներից փող աշխատելուց յետոյ վերադառնալու նպատակով, այլ՝ միշտ էլ տեղափոխում են իրենց ընտանիքն ու ունեցւածքը օտար գաւառում հաստատւելու համար մինչև որ մի ն ը դէպք կթելադրի դարձեալ նոր տեղ որոնել:

Ընդհանրապէս վերցրած Հայաստանը մի շատ դաժան երկիր է բաւարարութիւն տալու համար մի ժողովրդի, որը ձգուում է բարիքի կամ առնւազն անկարող է ստեղծել ինդուստրիական անհրաժեշտ միջոցներ այդտեղ թագնւած աղբիւրներից օգտելու համար: Հայերը նախաձեռ-

նողներ չեն (initiateur): Նրանք օժուած լինելով նմանւելու, իւրացնելու հրաշալի ընդունակութեամբ իսկապէս ասած ոչինչ օրիգինալ բան չեն տւել. նոյնիսկ նրանց քրիստոնէական ճարտարապետութիւնը, որը այնքան հետաքրքիր է, ծագում է բիւզանդականից, իսկ վերջինս էլ պատւաստել է պարսկականի վրայ: Հայն երբէք չկարողացաւ ոչ հին յոյների և հովմայեցիների և ոչ էլ նոր դարում արևմտեան ազգերի նման ձևափոխել բնութիւնը արւեստի սաեղծագործող յանդուգն աշխատութեամբ. իր հայրենիքը մնացել է իր ձեռքում այնպէս ինչպէս բնութիւնից ստացել էր. նա հաւաքել, ստացել է այն հարստութիւնները միայն, որոնք իրենք իրանց են ներկայացել կամ քիչ աշխատանք են պահանջել: Այսպէս՝ այս լեռնադաշտը և ըրջակայ հարուստ հովիտները, ուր կարելի էր շատ խիտ մի ազգաբնակութիւն ապրեցնել, մի քառակուսի քիլոմետրի համար 6 բնակիչ ունի: Չնայած որ կլիման շատ առողջ է, սակայն՝ վարակիչ հիւանդութիւնների բոլոր տեսակները—օրոնցից տիֆօիտ տաքութիւնը, սիֆիլիսը և բկուռոցքը տեղական են — անընդհանունչացնում են այդ բեղմնաւոր, շատ շուտ բազմացող ազգը. իսկ այդ՝ մի կողմից այն զըզւելի կեղտոտութեան պատճառով, որի մէջ ապրում են գիւղացիները և միւս կողմից՝ այն ան-

հոգութեան համար, որով ձիւնի հալւելուց կազմ ւած չափազանց մաքուր ջուրը փիթած փայտերի միջոցով են բերում քաղաքները։ Դարեր շարունակ այս բոլորը տեղի են ունենում, բայց՝ ոչ ոք չի մտածում դարման տանելու մասին։ Հիմքեր կան ենթադրելու, որ հնում առողջապահութիւնը զարգացած չի եղել, սակայն՝ բարգաւաճումը աւելի էր ինչպէս նաև բնակիչների խտութիւնը. այս անկման գլխաւոր պատճան իսկապէս քաղաքական է։ Հայերն ինիցիատիվ չունենալով կարիք էին զգում զօրեղ կերպով կազմակերպող մի պետութեան դըրդման և բարեխնամ մի կառավարութեան պաշտպանութեան։ Առաջ պարսիկներից սկսած մինչև սելջուկները նա այդ ունէր։ Այսօր ամեն բան փոխած է...

Սակայն՝ հայերն իրաւունք չունեն շարունակ ամենից և ամեն բանից դժգոհելու ընդհանուրապէս վերցրած թուրքերն այնպիսի արտօնութիւններ են շնորհել հայերին, որ ոչ մի տիրապետող չի կարող պարծենալ աւելին տալու մէջ։ Հայերի համար հեշտ կլինէր նմանել Օսմանեան կայսրութեան մէջ եղած յոյների խելօք համակերպութեան, այն յոյների, որոնք

* Տես այս գրքի հեղինակներից մէկի. Նօէլի նըկարագրութիւնը հայերի արդի կենցաղի. տպւած «Պառոյտ աշխարհի շուրջ» թերթում։

անընդհատ ջանքեր թափելով կարողացան տէր դառնալ տնտեսական և սօցիալական մթնոլորտներում։

Մենք չենք կարող երկար կանգ առնել արդի հայերի բնաւորութեան վրայ, մեզ հարկաւոր էր միայն մի քանի գծերով լիշել ամենահին ժամանակներից սկսած նրանց ցոյց տւած յարատևութիւնը, դիմացկանութիւնը։ Հայի բնաւորութեան գծերից մէկը, որն ամենից աւելի է աչքի ընկնում և եղակիորէն պատիւ է բերում այդ ազգին, ազգային աւանդութիւնների մէջ յարատելու յամառութիւնն է հակառակ անչափ խոչընդոտների։ Յամառ, պնդագլուխ, համբերատար լեռնականը, որն անկարող է կործանելու, պահել է իր բարքերը, իր լեզուն, իր կրօնը, իր պատմական յիշովութիւնները. նա իր անցեալի պաշտամոնքն ունի, որը, իսկապէս ասած, արգելում է նրան ներկան հասկանալու. նա մնում է մեր աչքի առաջ իբրև աշխարհի ամենահին ցեղերից մէկը. անշուշա ժամանակի ընթացքում նա շատ է խառնակւել, սակայն՝ նախնական տարրը մնացել է տիրապետող նրա մէջ. նա ուրիշներին այնպէս է կուլ տւել, որ դժւար է այդ բանի հետքը գտնել նրա լեզւի, նրա ֆիզիոգիական կազմութեան կամ ինստիտուցիաների մէջ։

Բ. ԳԼՈՒԽ

Հայ ազգի կազմակերպութիւնը.

I

Քանի դեռ հայ գաղթականութիւնը տատանում էր իսկական Փոքր-Ասիայում հայերը նոյնպէս փոխգիտական կամ օտար ծագում ունեցող բազմաթիւ այլ տոհմերի (tribu) հետ չափազանց խառնակած մի տոհմ էին ներկայացնում։ Նրանք առաջին անգամ առանձին, անջատ խումբ կազմեցին այն ժամանակ, երբ հաստատւեցին Ալիւ գետի արևելեան կողմում, որի հովիտը բռնում է Սև ծովի և Կիպրոսի ծոցի միջև գտնող պարանոցի մեծ մասը։

Արդեօք ո՞ր գարում հայերը գրաւեցին լեռնադաշտի արեւմտեան տերրասները, որոնք յետոյ դարձան նրանց առաջին հայրենիքը ՓոքրՀայք անունով և որոնք ընկած են Կապաղովկիայի և Պոնտոսի միջև։ Մենք հաստատ կարող ենք ասել, որ դա 1100 թւականից, մօտաւորապէս Թուկլատբալասարի մահւան շրջանից առաջ չէր կարող լինել. Ասորեստանի այս աշխարհակալի տարեզրութիւնների մէջ ոչ մի հայ

անուն չի յիշւում, ոչ էլ այն արձանագրութիւնների մէջ, ուր յիշատակւած է նրա յաղթութիւնները, որոնք տարածւեցին Նախրի վրայ, Եփրատի և Ալիւսի միջև, կլանեցին նոյնիսկ Եփրատի և Տիգրիսի ակունքները և սահմանափակւեցին միայն Արարատի զանգւածով. ոչ մի նետք չկայ նաև իսկապէս ասած քիչ ծանօթ, բայց՝ աչքի ընկնող քաջագործութիւնների մէջ, որոնք կատարւել են սրա յաջորդների օրով, նինվէական Պասէ հարստութեան վերջում, Խ-րդ գարու կիսում։

Սակայն՝ այս հարստութեան թագաւորները թոյլ տւին, որ իրենց նախորդների անհանգոյն կայսրութիւնը լուծւի, քայքայւի. ասորեստանցոց նման մի փոքրիկ ժողովուրդ չէր կարող այսքան հեռաւորութեան վրայ պահպանել իւր տիրապետութիւնը. նա այդ բազմաթիւ, այլասեռ, հնագանդութեան ոչ այնքան տրամադիր ժողովրդներին իւր հետ հաշտեցնելուց, միացնելուց առաջ անհրաժեշտաբար պէտք էր կառավարելու գիտութիւնը սովորէր։ Այսպէս՝ Ասուրիրբայի մահից մի քանի հարիւր տարի յետոյ, այսինքն՝ IX-րդ դարու կիսում, կիլիկեցինները՝ Ասորիքի հիտուիտների ազգականները, գրաւեցին Ասորեստանի թագաւորութեան արևմտեան նահանգները. հիտուիտները սրանցից նեղւելով փակւեցին թէ Ասորիքում և թէ Եփրատի միջին գաւառում.

սրանք տիրեցին նաև ամբողջ Միջագետքին։ Այս կերպ զբաղւած լինելով հարաւային հարուստ դաշտերը՝ ձեռք ձգելով հիւսիսային բարձրավանդակն իւր դաժան ձմեռներով նրանց չգրաւեց։ Նրանց համար այդ տեղի հովիտներն ու դաշտերը շատ նեղ թւացին, իսկ լեռնոտ արօտավայրերը՝ տաժանելի, ուստի ազատ թողեցին այդ երկիրը աւելի համեստ ազգերի առաջ. այս համեստ նորեկներն եղան խալդերը լեռնագագաթի արեւելեան կողմում, յետոյ արևմտեան կողմում՝ հայերը, որոնք անշուշտ պատահեցին այդտեղի հին բնակիչների մի մասին։

Առաջին փաստաթուղթը, որով ապացուցվում է հայերի ներկայսւթիւնը Կապադովկիայի հարաւայն կողմում, Մալաթիայի մօտ է գտնւել. դա խալդերի մի արձանագրութիւն է, ուր յիշատակւում է հայի անունը Ուրարտուի թագաւոր Մենուազի օրով, 828.-ից 784.-ին։

Փաստաթղթեր չունենալու պատճառով չենք կարող գիտենալ թէ արդեօք այս խառն ժողովուրդը, որ գլխաւորապէս բաղկացած է փոկւգիտիների հետ ազգական հնդկա-եւրոպացիներից և այսուհետև կազմակերպւած է հայ անունով—իր նոր հայրենիքում առաջին քայլերից բաւական երկար ժամանակ մնաց և սերտ յարարերութիւն ունեցաւ հիտութիւների հետ, որպէսզի գոնէ մի քիչ կարողանար համաձուլւել

նրանց հետ։ Այս պաաճառով մենք ստիպւած ենք մերժել այն ենթադրութիւնը, որն այս երկու ժողովրդի լեզուն նոյնացնում է։ Այս նոյն բանը չի կարելի ասել միւս ժողովրդների վերաբերմամբ, որոնք երկար ժամանակ հայերի հետ միասին բնակւեցին Փոքր-Հայքում. նոյնիսկ ամեն տեսակ դրական փաստերի բացակայութեան դէպքումն էլ պէտք է ենթագրել, որ այս երկարատև բնակակցութիւնը խառնակել է սրանց արիւնները, ինչպէս այդ միշտ էլ տեղի է ունենում ամուսնութեան, առևանգումների, ստրկացման և պատերազմների միջոցով։

Սկիւթացիներն իրենց Մատիէս թագաւորի օրով ազատեցին Սարտանապալին (626—606), որին մարերի առաջին հերոս Կիաքսարը պաշարել էր Նինվէում. այս հանգամանքից օգտւելով սկիւթացիներն ասպատակեցին Բաբելոնը և այնուհետև քսանեութ տարի արևմտեան Ասիան ընկրմեցին սարսափների մէջ, ինչպէս Հերոդոտն է վկայում (500—428 Ք. ա.): Կամաց-կամաց նրանք վերջում խաղաղ ժողովուրդ դարձան. Ստրաբոնի ժամանակ (I. դար. Ք. ա.) այլևս չի խօսւում սրանց քաջագործութիւնների մասին. Ստրաբոն սրանց յիշատակում է Սաքս անունով ցըւած Հայաստանում, Կապադովկիայում և Պոնտոսում։ Այսպէս՝ հաւանականօրէն բարի դրացիներ լինելով այս երկրների միւս ժողովուրդ-

ներին կարելի է կարծել, որ երկար ժամանակի ընթացքում կարողացան մասն ունենալ հայի ֆիզիոգիական կազմակերպութեան մէջ։ Հայերը կարողացան կիմմերեցիներից ևս մի քանի տարբեր փոխ առնել, սկիւթացիներն իրենց արշաւանքների սկզբից սկսած քշեցին կիմմերացիներին, որոնք «Լուտիայում և Տաւրոսի վրայ ունեցած պարտութիւններից յետոյ համարեա թէ կեղրոնացըին իրենց զարմի (clan) մեծ մասը կապադովկիայում, ինչպէս նաև Ալիւսի և Թերմօդօնի գաւառներում»։ *) Սակայն՝ որ կիմմերներն ու սկիւթացիները լաւագոյն կանտօններին տիրեցին. դա դրացի ժողովրդների համար մի մեծ բարիք չէր, այլ՝ թւում է, որ նոր բարբառոսութեան պատճառ դարձան և բաւական նպաստեցին նրանց քաղաքակրթութեան յետաֆացութեան։ Եւ իրօք՝ ինչպէս ուրիշտեղերում այստեղ էլ ամեն ինչ տակնուվրայ արին։ Ստրաբոն սըրանց դատապարտում է յատկապէս Հայաստանի համար։

Ուրիշ վայրենի տոհմեր ևս եկան խոչընդուռ յարուցանելու այսպէս կոչւած հելենական տարրի զարգացման դէմ, որի սաղմերն էին կըրում Արմենի որդիները։ Ինչպէս որ սկիւթա-

*) Մապերօ Հին պատմութիւն Արևելքի հին աղբերի. III, 474

ցիներն ամեն ինչ տակնուվրայ անելուց յետոյ անկարող եղան մի բան հիմնել՝ սրանք էլ լաւ համարեցին վերին Եփրատի և Ալիւսի աւազաններից քշել մօսկոններին և տաբալներին նրանց տեղը բնակւելու նպատակով. վերջիններս գաղթեցին դէպի հիւսիս-արևելք, սակայն՝ երևում է, որ բոլորը չթողեցին իրենց հայրենի օջախը, որովհետև շուտով յոյները սրանց ճանաչում են Մօսք և Տիբրացի անուններով Սև ծովի եղերքների լեռնաշղթայի վրայ. միւս կողմից՝ սրանց յետելից համող հայերը պատահեցին որոշ մնացորդների։ Եւ իսկապէս՝ սրանք ոչ միայն սկիւթացիներից են հալածւել, այլ և կիմմեր հրոսակների բեկորներից, փոխգիտական ժողովուրդներից, որոնց թւում նաև հայ տոհմը։ Այսպէս՝ «վերին Ալիւսի աւազանն ու Միլիտոնը շուտով կոչւեցին Արմենիա (Հայաստան)»։ *)

Այսպէս՝ հէնց սկզբից սկսած բազմաթիւ այլասեռ փակտօրներ աղաւաղել, այլափոխել են նախնական տիպը. չնայած որ չգիտենք թէ ինչ չափով է այս աղաւաղումը, սակայն ճիշտ է այն հանգամանքը, որ հայկական «ցեղի» անճիշտ անունը կըող ամենահին կմախքները ակնայայտնի կերպով ներկայացնում են ցեղազրական բազմաթիւ տարրերի մի զուգորդութիւն, մի խառնուրդ. սակայն՝ ի՞նչ բնոյթ ունի այն

*) Մապերօ. վեր. յիշ. էջ 520—521.

արիւնը, որն այդքան խառնկւել է հայերի երակներում. երկար ժամանակ կարծում էին, որ մեծ մասամբ սեմիտական պէտք է լինի այդ արիւնը. իսկ այդ կարող էին տալ միայն հիտափները, որովհետև հայերը գալիս էին Մակեդոնայից, իսկ սկիթացիներն ու կիմմերները՝ Սև ծովի հիւսիսային ափերից. Արդ՝ չնայած որ մինչև հիմա յայտնի չէ հիտափների ծագումը, սակայն՝ ընդհանրապէս համաձայն են ընդունել, որ դրանք սեմիտներ չեն, այլ անծանօթ ցեղերի մի խառնուրդ:

Ուրիշ տեսակէտներով հիտափները կարող են մի գաղափար տալ մեզ նախնական հայերի կենցաղավարութեան ձևի մասին։ Սօցիալապէս հիտափները հովիւներ էին. նոյնիսկ կարծում են, որ Եգիպտոսի «հովիւ թաղաւորները» սրանք են տւել. այն ենթադրութիւնը, որ հիւքսօս հարստութեան հիտափնական ծագում է վերագրում, մնում է միակ ճշմարտանման ենթադրութիւն այս օտարների կառավարութիւնը բացադրելու համար եղած բոլոր ենթադրութիւնների մէջ։

Հիտափները տիրեցին Եգիպտոսին—այդ արդէն ցոյց է տալիս, որ դրանք այլևս բարբառուսներ չեին—զինւորական մի ցեղի յատուկ եռանդով. նրանք նախ՝ անգութ էին, բայց՝ յետոյ, երբ տէր դարձան, արդէն սկսեցին տեղացի

հարստութիւնների (dinastie) չափ խելօք և հաստատուն կերպով կառավարել։ Այս ազգի մեծ մուսը մնացել էր իւր օջախում. արկածախնդիր խմբերն էին յամենայն դէպս, որ կարող էին ուղարկւել Եգիպտոս, ինչպէս այդ սովորութիւն է բոլոր հովիւ ցեղերի մէջ։ Եգիպտացիները չկարողացան ընկճել Ասորիքի և Փոքր-Ասիայի հիտափներին՝ չնայած որ դրանք նոր էին ազատւել խալդերի արշաւանքից. «և ինքը՝ Տութմօզիս Գ. նրանց սահմանները կոխելուց և շատքաղբներ ասպատակելուց յետոյ էլ լուրջ կերպով նրանց իւր հպատակների թւում չհաշւեց»*։

Այսպէս էր եղել ուրեմն հայերի գրութիւնն այն ժամանակ, երբ Կապադովկիայում գտնւող հիտափնական մնացորդների հետ սկսեցին ընակւել։ Քաղաքական մի նմանութիւն մեզ թոյլատրում է ենթադրել, որ սրանք բաւականին սերտ յարաբերութիւն են ունեցել միմեանց հետ։ Ինչպէս որ հիտափները միշտ իրենց թագաւորներին անւանում էին «Թագաւոր Մեծ Հատիկ» այնպէս էլ հայերը «Մեծ Հայքի Թագաւոր» կոչումն էին տալիս իրենց թագաւորներին. այս կոչումը նրա համար չէ, որ թագաւորները կառավարում էին միմիայն Հատիկի կամ Հայստանի մեծ մասը. նրանք իշխում էին նաև

*.) Մապերօ. վեր. յիշ. հ. բ. էջ 351, 352. ըստ Ե. Ռուժելի,

Փոքր-Հայքի և Փոքր-Հատիկի (Ենթարկւած Ասորիքի իշխանութեան) վրայ. սա մի տիտղոսէ, որ Արևելքի ոչ մի ուրիշ թագաւոր իրան չի վերագրել:

Փոքր-Ասիայի բոլոր բնակիչները, առանց ծագման խտրութեան, իրենց ապրուստն ստանում էին մասամբ մշակութիւնից, մասամբ անասնապահութիւնից, որովհետև ապրում էին մի երկրում, որը լաւ ոռոգւած էր, որտեղ արօտատեղիներն ու դաշտերը հաւասարապէս առատ էին և որտեղ, արևմտեան նահանգներում, փոխազիացիները երկրագործութեան բոլոր ճիւղերը չափազանց առաջ էին տարել: Նոյնիսկ նորագոյն շրջանում հայերը մնացել են կէսմշակ, կէս-հովիւ ժողովուրդ: Որքան որ նրանք աւելի էին առաջ գնում դէպի Քիւրդիստանի լեռները այնքան անասնապահութիւնը աւելի պէտք է շեշտած լինէր: Սրանք որոշ չափով պահել են «նահապետական» բարքեր, թափառելու ախորժակ, գերադասում են վրանային կեանքը: Մրանք ունին նաև ուրիշ շատ գծեր, որոնք դիտողին ապացուցում են կէս-հովիւ ժողովրդի կենցաղի արմատացած սովորոյթի ճշտութիւնը: Գալով հիտութների սօցիալական կազմակերպութեան և ներքին քաղաքականութեան՝ թւում է, որ ֆէօդալական պէտք է լինին: Սրանք թագաւորներ ունէին, որոնցից ամենազօրեղը Ասպա-

լուլուներ. այդ թագաւորներն ընդհանրապէս շատ թոյլ էին նահանգական տէրերին հնազանդութեան մէջ պահելու համար. սրանից էր առաջ գալիս կառավարչական անկարգութիւնները և անմիութիւն բանակների մէջ, որոնք սակայն քաջ էին և կառքերով լաւ զինւած: Կարելի է ընդունել, որ հայերն իրենց ազգակից փոխազիացիների պէս լաւ հեծեալներ էին և այս անվահան ու անզրահ զօրքելի մէջ աչքի էին ընկնում յարձակողական զէնքի յանկուգն գործածութեամբ, չնայած որ ոչ մի դօկումենտ ցոյց չի տալիս թէ սրանք զինւորական որոշ գործողութիւնների մասնակցել են այդ շրջանում. սակայն՝ հաւանական է, որ այս բոլոր ժողովրդների նման հայերն էլ ունեցել են իրենց արկածները, յամենայն դէպս չի կարելի չճանաչել հայկական տիպի դիմագծերն այնպէս ինչպէս դեռ այսօր էլ երբեմն երևում են «հիտութնական»—անշուշտ ընդհանուր կոչում է սագլուխների վրայ, որոնց պրօֆիլները շատ ցայտուն կերպով ցոյց են տալիս եգիպտական արձանները: Թէև մեզ ոչինչ չի թոյլատը ու դրականապէս պնդել, որ հայերը սօցիալապէս միացած կամ քաղաքականապէս կապւած են եղել իրենց դրացիների հետ, բայց նրանք էլ պէտք է հնդկա-եւրոպական ցեղերի մեծամասնութեան համար ընդհանուր ֆէօդալա-

կան կազմակերպութիւնն ունենային կամ առնւազն պէտք է ստորաբաժանւած լինէին տոհմերի (tribus) հիմք ունենալով ընտանեկան ժառանգութիւնը, որից յետոյ հեշտութեամբ կդառնային ֆէօդալներ երբ մի գլխաւոր կարողանար իբրև գերիշխան տիրել ուրիշ զարմերի (clan) վրայ։ Մենք տեսնում ենք, որ հայերը իրենց պատմութեան ընթացքում այս տեսակ կազմակերպութեան մէջ են յարատեել։ Արդեօք սրանք ընդունել են հիտափաների գրութիւնը, որը թւում է թէ կապ ունի խալդէական պատկերագրութեան և կիպրիական այբուբենի հետ և որի մէջ Պ, Ենզըն հայոց պատմութիւնն յիշեցնող շատ մարամանութիւններ է տեսնում։ Բայց՝ մենք այդ բանը չգիտենք. հիտափաները չէին կարող յիշատակարաններ թողնել այդ դարաշրջանում, երբ միմիայն բարձրագոյն կառավարութիւնները խեցիի, բրօնզի կամ հատաքարերի վրա արձանագրել էին տալիս իրենց գլխաւոր գործերը և քաջաքագործութիւնների յիշատակը։

Որ հայ անունը IX դարուց առաջ ոչ մի յիշատակարանում չի յիշւում, դա մի պարզ հետեւութիւն է, որը հիմնած է հէնց հայի բռնած այն դիրքի վրայ, որով նա համբերութեամբ և անշեղ կերպով հետեւում էր իւր դանդաղ վերելքին դէպի Արևելք։

Եթէ այս ենթադրութիւնները ընդունւեն այն ժամանակ հասկանալի կլինի թէ ինչպէս հայերը բնականօրէն ընկնում են մարերի իշխանութեան տակ հէնց որ վերջիներիս նորածին կայսրութիւնը տարածւեց դէպի Փոքր-Ասիա։ Մարերը Լուտիայի Ալուատ թագաւորի հետ ընդհարւեցին Ալիւս գետին տիրապետելու համար. Կիաքսարը յաղթեց այս թագաւորին Պտերիայում, Ալիւսի արևելեան ճիւղի հովտում։ 585 թուի դաշնագրութեամբ լուտիացիներն ու սրանց հետեւ կարողացող յոյները յետ մղւեցին գետի այն կողմը, իսկ հայերը, ինչպէս նաև գետի միւս կողմում եղած ժողովուրդները, դարձան մարերի վասալներ։ Հայերը շարունակեցին տանել այդ լուծը մինչև Աժդահակի ժամանակ, որից յետոյ մարերի ամբողջ ունեցւածքի հետ անցան պարսիկների ձեռքը, երբ Կիւրոսը գահընկեց անելով Աժդահակին հաստատեց պարսիկների գերիշխանութիւնը.

Ահա թէ ինչու հայերն եղել և մնացել են արևելեան ձգտումներով մի ժողովուրդ. հայոց պատմութեան ամբողջ ընթացքում տեսնում ենք որ նրանք յաճախ յետ են մղել—լինի դա ի մեծ վնաս իրենց—հոռվմի կամ Բիւզանդիայի քաղաքական և կրօնական ազդեցութիւնները. նըրանք ընդհանրապէս չեն հաւատացել հելլենական քաղաքակրթութեան, որը հայի դրացինե-

ըլ, ինչպէս Պոնտոսի թագաւորը, ագահութեամբ էին ընդունում. նրանք կատարելապէս տոգոր-
ւում էին պարսկական գաղափարներով ու բար-
քերով, աւելի ու աւելի էին տարածւում դէպի
կովկասն ու իրանը. և նոյն իսկ բրիստոնեայ
դառնալուց յետոյ էլ քրիստոնէական վարդապե-
տութեան էական կէտի վերաբերմամբ* ոչ միայն
եւրոպական մտքի էվոլուցիայից գերադաս էին
համարում ասիական պարզ հաւատալիքնե-
րի սովորոյթը, այլ նոյն իսկ աւելի հեշտու-
թեամբ տանում են մահմեդական լուծը քան
թէ օրթօդօքս միջամտութիւնները։ Այսպէս է
ահա հետեւանքները պարսկիների տիրապետու-
թեան, որը կայծակի արագութեամբ տարածւեց
ամբողջ Փոքր-Ասիայի, Միջագետքի և կովկա-
սեան պարանոցի վրայ։ Ահա այսպէս է սկսում
իրանցիների երկարատև գերիշխանութիւնը. և
այն ժողովուրդները, որոնք Ասիայում կարող

*.) Հայաստանում ընդհանուր առմամբ քրիստո-
նէական փիլիսոփութիւնն ու դաւանաբանութիւնը
համաձայն են Արևմտաթքին շորերիւ այն հանգաման-
քի, որ մի կողմէց՝ IV և V դարերում հայոց եկեղեցին
տարածայնութիւն չունեցաւ ընդհանուր եկեղեցու հետ
և միւս կողմէց՝ յունական բոլոր եկեղեցական հայրե-
րի գրւածքները թարգմանեցին հայերէն ինչպէս նաև
շատ յոյն փիլիսոփաներ։ Սակայն մեզ թւում է, որ
կոնստիտուցիօննել հակառակութիւն կայ հելլինուատի-
նական նախաձեռնող, նոյնիսկ քրիստոնէութիւնն ան-
ընդհան բարեփոխող ոգու և հայկական աւանդապահ, ո-
գու մէջ, որը մեծ նեղութեամբ է քաշ տրում առաջինից։

կլինէին հելլենիզմը տարածել, յետ մղւեցին Ա-
լուատի քեռորդու կրեսոսի պարտութեամբ, ո-
րին յայները օգնեցին, պաշտպանեցին, Լուտիացի-
ները այս ժամանակից սկսած միմիայն վաճառա-
կան յարաբերութիւն կարողանում էին պահել Ա-
լիւսի այս կողմում եղած իրենց սարկակից ըն-
կերների հետ։

Քսենոֆոնը բերում է կիւրոսի և կիաքսարի
մէջ եղած մի խօսակցութիւն, երբ վերջինս դեռ
աթագաւորների թագաւորաւ էր, իսկ կիւրոսը՝
նրա պալատի մի օֆիցիեր. թագաւորը կամենում
էր Նինվէի վրայ արշաւել, սակայն՝ հայերը, որ
հարկադրու և դաշնակից էին մարերին, հրաժար-
ւում էին մատնակցել; Կիւրոսը Տիգրանի—սա մի
հայ թագաւորի որդի է, որի անունը չգի-
տենք*—հետ կապած բարեկամութեան վրայ հիմ-
նած՝ առաջարկում է իւր տիրոջ օգտւել այդ
բարեկամութիւնից և դաւաճանութեամբ հնա-
զանդեցնել հայերին։ Այս բանի համար կիւրո-
սին հարկածոր էր հեծելազօրք. նա այդ ստա-
նում է և գալիս Հայաստան։ Այս երկրի թա-
գաւորը գլուխ ընկնելով այդ ծրագրի մասին՝
պատրաստում է դիմադրելու, կիւրոսը, որ լեռ-

*) Այս արձանագրութիւնը մեկնութիւնը զանազան
վարիանտերի տեղի է տւել, ուստի մենք հետևել ենք
պ, իւստիին, որի երկրորդ պատմութիւնը ամբողջա-
ցնում և ուղղում է առաջինը։

ները ճանաչում էր, բռնում է կիրճերը և բանտարկում իւր բարեկամի հօրը։ Տիգրանն այդ ժամանակ որսի էր գնացել և լսելով իւր հօր բանտարկութիւնը խնդրում է Կիւրոսին ազատել իւր բանտարկեալին խոստանալով փող և զօրք տալ, բացի այդ՝ ծառայելնրա հրամանների տակ։ Այդպէս էլ եղաւ. և Կիւրոսը հայկական զինւորներով բազմապատկեց նինվէի վրայ արշաւող զօրքի թիւը։ Հայ թագաւորի որդի Տիգրանը հայկական հեծելազօրքի գլխաւորն էր։ Այս արկածը ցոյց է տալիս թէ ինչ աստիճանի հայերն ենթարկւած էին պարսիկներին։ Կիւրոսը վերջապէս յիշեցնում է հայ թագաւորին, որ նա Աժդահակին պարտաւոր էր հարկ տալ, բերդեր չշինել և գերիշխանի զինւորական գործողութիւններին մասնակցել։ Այս ժամանակից սկսած հայերը կապւած մնացին Կիւրոսի հետ։ Երբ Կիւրոսը Բարելոնը գրաւեց իւր բանակի մէջ հեծելազօրքի մի ընդհանուր հրամանատար ունէր Իամբաս (yambas) անունով։ Կիւրոսի և Տիգրանի բարեկամութիւնը մնաց անաղարտ մինչև առաջինի մահը։

Ո՛չ Կիւրոսի որդի Կամբուսի թագաւորութեան ժամանակ—որը Եգիպտոսին տիրելուց յետոյ զբաղւած էր հնազանդութեան մէջ պահելով այդ երկիրը—և ոչ էլ ըմբռստ Կօմատայի կարձատե արկածի ժամանակ, որը Կամբուսի

ժահւան ժամանակ փորձեց ձեռք բերել իւր յաջորդութիւնը, իւր գահը,—այլև չի խօսւում հայրի մասին։ Սակայն՝ հայերն սկսեցին դեր խաղալ Դարէհի թագաւորութեան (521—485) հենց սկզբից, երբ այս միմիայն Կօմատային սպանելով, առանց ուեէ իրաւունքի, պարսից գահը բարձրացաւ։ Քանի որ Կօմատան կարողացել էր ժողովրդի համակրութիւնը վաստակել, ուստի Դարէհն ստիպւեցաւ մաս առ մաս նորից նւաճել, հաստատել իւր իշխանութիւնը։ Երբ Դարէհն զբաղւած էր Բարելոնը նւաճելով ապստամբութիւն ծագեց երկրի բոլոր կողմերից։ Հայերի ապստամբութիւնը, ինչպէս և մարերին ամենավտանգաւորն էր, որպինետև չնայած որ Դարէհ քիչ զօրք ունէր խալդէական ուժի առաջ այնուամենայնիւ ստիպւած եղաւ երկու զօրամասեր ուղարկել և մէկը պարսից Վիտարնայի հետ դէպի-Մարաստան, միւսը՝ հայ Դադարշիսի ղեկավարութեամբ դէպի Հայաստան։ Արանից երեսում է, որ միմեանց օգնելու քիչ տրամադիր հայերը Դարէհի ժամանակ, Կիւրոսի բարեկամութեան շնորհիւ, պահպանել էին կարևոր պօստերը։ Հայերը միայն կարող էին օգտագործել թագաւորների սիրալիրութիւնը եթէ յետագայում իրենց մեծ դժբաղդութիւններ պատճառող ինտրանսիժան ազգասիրութիւնը չմղէր անմիտ ապստամբութիւններ առաջ բերելու։ Հայաստանի սատրա-

պը թերեւս դեռ Հիտարնէմն էր, առաջինը՝ որ
մենք ճանաչում ենք և որի մասին Ստրաբոն
ասում է, թէ 521-ին, Դարէհի թագաւորութեան
հէնց առաջին տարին է նշանակւել։ Աս Դարէհի
նիզակակիցն էր։ յոյն պատմիչը սրան թագաւոր
տիտղոս է տալիս. այս կոչումը յետոյ էլ հան-
դէս է գալիս. և դա այն պատճառով, որ կամ
գերիշխանները ոչ մի անյարմարութիւն չէին
գտնում դրանով շոյել իրենց կայսրութեան հետ-
միացած ժողովուրդների ազգային սնափառու-
թիւնը, կամ սատրապութիւնը Ժառանգական գառ-
նալով աստիճանաբար անկախանում էր։ Դադար-
շիսը հանդիպեց ապստամբներին սահմանից ոչ
հեռու մի գիւղի կամ փոքրիկ քաղաքի մօտ (Ճ:
vahana) Զուզա անունով, որը սահմանից հեռու
չէր։ Աս տեղի է ունենում Թուրավահարա ամ-
սի 8-ին (531, ապրիլ 19), Բեհիստունի արձա-
նագրութիւնը, որից այս տէկստն է վեցըւած,
մեզ թոյլ է տալիս ենթադրել, որ այս հանդի-
պումը նպաստաւոր էր հայերի համար։ *)
Սակայն՝ երկու շաբաթ յետոյ պարտութիւններ
կրեցին Տիգրայի արկելեան ամրոցի մօտ, որը
այժմ կոչւում է Տիլ և գտնուում է Տիգրիսի մօտ
(այստեղից ճիւղաւորում է Բիթլիսի ճանապար-
հը). սա միևնոյն ամսի 18-ին էր (29 ապրիլ)։

*) Ֆ, Խւստի. Պատմութիւն հին պարսիկների.
Եր. 53

Թափկրաչի 9-ին (մայիս 20) մի երրորդ հարւած
տեղի ունեցաւ Հայաստանում գտնւած Ուշուա-
մա զինւորական քաղաքի մօտերթում։ Դարէհի
հրամանատարն այստեղ հաստատեց իւր բանակը
թագաւորական ճանապարհը կտրելու յայտնի
նպատակով. այդ ճանապարհը Հայաստանից գա-
լով անցնում էր այդտեղից։ Յայտնի չէ թէ հայ-
երն էին արդեօք չափազանց վախեցել և չէին
դիմադրում թէ իրենց հակառակորդն էր չափա-
փազանց թուլացել այդ յաղթութիւններից. ի-
րողութիւնն այն է, որ Դարէհի թշնամական
գործողութիւնները կարողացան վերսկսել միայն
յաջորդ տարւայ ակզբին։ Նա Դադարշիսին փո-
խարինեց Վահումիզայով, որը Անամաքա ամսի
15-ին (520, յունվար 18) հանդիպեց ապստամբ-
ներին ասորեստաննեան մի գաւառում, որի ա-
նունն արձանագրութեան մէջ ոչնչացած է,
բայց շօշական աւանդութիւնը պահել է Իզզիլա
անունը։ Այդ ժամանակ պարսիկները առաջ մը-
ղւեցին մինչեւ Անտիկարա (Տիմարի, Քիւրդստա-
նում), ուր տեղի ունեցաւ մի ճակատամարտ,
որից յետոյ միևնոյն հրամանատարը նորից կար-
գի բերեց, վերահաստատեց իւր բանակը սպասե-
լով Դարէհին, Թուրավահարայի 30-ին (Լ. յու-
նիս, 520)։ Վահումիչային յանձնաբարւեց կտրել
Ռուանտիզ կիրճը, որն Աստրօպատէնից տանում
էր դէպի Ասորեստան։ Աւրիշ կոփւներ ևս տեղի ու-

Նեցան Նինվէի հիւսիսային հողերի վրայ։ Այս
դէպերը պատմւած են Դարէհի սեպածն ար-
ձանագրութիւնների մէջ։ *) Դարէհը փորագրել
է տալիս իւր պատկերը Բեկիստանա (Բեհիս-
տուն) անցքի ժայռերի վրայ. այս անցքը կը-
տրում, անցնում է Տիգրիսը Իրանի հետ միաց-
նող գլխաւոր ճանապարհը. այստեղ Դարէհի մօտ
են բերւած ապստամբութեան ինն գլխաւորնե-
րը. սրանցից եօթերորդն մի հայ է. այս հայի
հայրենակիցներն անւանւած են «արմինիա»ներ.
սրանք է, որ մի դար յետոյ Հերոդոտն անւա-
նում է Արմարա (Արմէններ) **):

Մի տարօրինակ արկածից երևում է թէ
ողքան ճարպիկ են եղել հայերը ամեն մի առ-
թից օգտւելով իրենց առաջին կարգերը ձգելու
գործում։ Բաքերոնն առնելուց և պարիսպները
կործանելուց յետոյ Դարէհը կարծում էր, որ
արդէն կարող է հեռանալ մարերին ընկճելու հա-
մար. բայց հէնց այդ ժամանակ, Կօմատայի օրինա-
կին հետեւելով—որը իրան՝ Դարէհի ձեռքով սպան-
ւած Կամբիւսի եղբօր Սմերգիսի տեղն էր դրել— մի
հայ, Արախա անունով, ներկայանում է խալդե-
րին իբրև Նարունայդի որդի և իրան թագաւոր
հրատարակում 519-թւի դեկտեմբեր ամսին. սա-

*) Շպիկը, Պարսկական սեպագրեր.

**) Հիւպշան, Հայ Քերականութիւն, էջ 402

կայն՝ վեց շաբաթից կամ մի ամսից յետոյ գա-
հընկեց է լինում մար Ուխնդաֆրայի ձեռքով։
Այս Արախան էլ միւս թագապահանջների հետ
շղթայւած է Բեհիսդունի քանդակի մէջ, որը
Դարէհն է փորագրել տւել։

Այսպիսի խստութեամբ ապստամբութիւնը
ձնշելուց յետոյ՝ թւում է, որ հայերը կատա-
րեալ անկախութեան բոլոր ցանկութիւնները մի-
կողմ դրին քանի դեռ Աքիմենիան թագաւորու-
թիւնը հաստատուն էր. հայերին հնագանդու-
թեան մէջ պահելու համար՝ յատկապէս հաւա-
տարիմ մարդկանց էին ընտրում կառավարիչ։
Քսենոֆոնի ասելով, 401-ին Արտաքսերքսէս
Բ.-ի դէմ Կիւրոս Երիտասարդի մղած պատե-
րազմի պատմութեան մէջ Ռերիքազը հանդէս
է գալիս իբր արևոտեան Հայաստանի հիւպարք
(այսինքն՝ ոչ թէ մի հասարակ սատրապ) և Արտա-
քսերքսէսի փեսայ Օրօնտասը՝ իբրև արևելեան
Հայաստանի փոխարքայ։ Աքիմենիտեանների իշ-
խանութեան ժամանակ ժառանգաբար այս
վերջին ընտանիքին էր յատկացւած այդ պաշ-
տօնը։

Յայտնի չէ թէ արդեօք միմիայն պարու-
կական մի պատերազմում՝ յոյների դէմ Քսիր-
քսէսի կատարած արշաւանքում միայն հայերն
առանձին զօրաբանակ են կազմել, որ Դարէ-
հի փնուայ պարսիկ Արտօխմէս զօրավարի հրա-

մանատարութեան տակն էր։ Հայերի անունն այլ ևս յաճախ չի յիշւում նրա համար, որ այս ԱՐՁԱՆՈՒՄ միայն զինւորական մեծ քաջադութութիւններն էին արժանի յիշատակութեան, այն էլ իշխանական անունները փարաւանելու համար միայն. միւս կողմից՝ Դարէնի այդ աստիճան ճնշւած, սեղմւած կառավարութեան մէջ մի փոքրիկ, անկուլտուրա, սեփական առաջնորդներ չունեցող, փայլուն կեղրոններից հեռու ընկած իր լեռներում ապրող ժողովրդի գերը շատ համեստ պէտք է լինէր, իսկ քաղաքականագէս՝ կարելի է ասել ոչինչ, չնայած որ միւսների նման երբեմն հայն էլ տալիս էր յանդուգն արկածախնդիրներ, որոնք պատրաստ էին առիթը բաց չթողնել փառք վաստակելու համար։ Ընդհանրապէս սրանք էլ միենոյն վիճակն ունէին ինչ որ բոլորը, թէ՛ Դարէնի հաւաքածքանակների մէջ—սրանք նման էին խառնիճաղանձ հօտի. սրանք արշաւեցին Սկիւթիայի ու Թըւսակիայի վրայ 514 թւին և յաղթութիւն տարան—թէ 494—493-ին Փոքր-Ասիայի յունական գաղութներն ընկառող Դարէնի վաշտերի մէջ, և վերջապէս՝ յոյներից Մարաթօնի պարտութեան վրէմը լուծելու համար հսկայական զինւորագրութեան մէջ, որը՝ 487—486-ին եգիպտոսի ապստամբութեան պատճառով դադարեց, հաւանո-

րէն հայերը կամայ թէ ակամայ ունէին իրենց բաժին ընկած զօրքը, որը պիտի կռւէր իր հին եղբայրների՝ եւրոպացիների դէմ, որոնց հետ ցեղակից էր, բայց՝ բոլորովին մոռացել այդ մասին, Յայտնի չէ թէ սրանք ինչ չափով են մասնակցել այս ձեռնարկութիւններին. գուցէ այդ մասնակցութիւնը մեծ էր երբ Քսերքսէսը 800,000 մարդկանցով արշաւեց Սթէնքի վրայ և Հելլատան աւերելուց յետոյ՝ Սալամինի մօտ նաւատորմիղին հասած մեծ աղէտի պատճառով ամօթահար յետ քաշւեց. ենթադրելով, որ այս դէպքից յետոյ հայ զօրքը միացըրեց երեք շարք թիավարներ ունեցող 300 նաւերից բաղկացած նաւատորմին (escadre) և 60,000-անոց բանակին, որ Քսերքսէսը յանձնեց Մարտոնիուսին, չգիտենք թէ Պատէի մօտ ունեցած պարտութիւնից յետոյ—որտեղ սպանւում է Մարտոնիուսը—տուն վերագրձող 40,000-ից որքան հայեր կարողացան վեռադանալ հայրենի օջախը. Կայսրութեան կեդրոնական նահանգները, որոնց թւում նաև Հայաստանը, յոզնեցին այս հեռաւոր արկածներից, որոնք վերջում վերածւում էին յետադրձ կոիւների և խառնիճաղանձ ընդհարութեների. այս պատճառով էլ հրաժարւեցին մասնակցել Միջերկրականին զրացի սատրապների յարձակումներին, որոնցով գեռ շարունակում էին (476—465) ուժասպառ անել Աթէնքի

դրդմամբ Դելօս լիգայի ջանքերով միացած յունական գաղութները:

Յայտնի է թէ հայերն ինչպիսի զէնքեր էին կրում Քսերքսէսի բանակում, Փոքր-Ասիայի համարեա թէ բոլոր ժողովուրդների նման և յատկապէս փոխգիացիների, որոնք հայերի կողքին կանգնած էին կռւում, հայերն ունէին պղնձեայ հիւսւած սաղաւարտ, մի նեղ վահան, մի կարճ նիզակ, մի տէգ և մի երկար ու բարակ դաշոյն (dague). Նրանց ոտները պաշտպանւած էին երկարափող կօշիկներով. հայերի հրամանատարն էր Արտօխմէսը:

Արտաքսերքսէս Ա. (465—424) իւր թագաւորութեան սկզբին միայն զբաղւեց Եգիպտուսի նոր ապստամբութիւնն ընկճելով. սրանից յետոյ թագաւորութիւնը խաղաղ անցաւ և հայերը հանդէս չեն գալիս. Պետութեան ապագան ապահովելու համար այս չափազանց թոյլ միապետի մահով թագաւորութիւնն անիշխանութեան մատնւեց: Սրա հարազատ որդին Քսերքսէս Բ. քառասուն և հինգ օրից յետոյ սպանւեց իւր հարազատ եղբայրներից մէկի ձեռքով. այս եղբայրասպանը սպանւում է իւր եղբայրներից մէկի՝ Օխօսի ձեռքով.

Օխօսը կարողանում է գրաւել պարսիկ աղնւականութեան, շատ սատրապեաների և յատկապէս Հայաստանի սատրապ ներքինի Արտաք-

սերքսէսի սէրը ու թագաւոր դառնալ Դարէհ Բ. անունով (424—404). այս Արտաքսերքսէսը թագաւորի ամենամեծ մինիստրներից մէկը դարձաւ:

Հելլենական աշխարհի դէմ Դարէհ Բ.ի արած ձեռնարկութիւնները և գահը ժառանգելու համար ըստ սովորութեան եղած դաւերը գրգըռեցին, առաջ բերին Տաս Հազարի արշաւանքը. այս արշաւանքի շէֆ Քսենոֆոնը իւր «Անաբազիս» գրւածքումնկարագրում է թէ այս Տաս-Հազարը իւր նահանջի ժամանակ ո՞ր երկիրներից անցկացաւ հիւսիսային բարձրավանդակները մագլցելուց յետոյ, ինչպէս այդ ցոյց է տալիս գրքի «անաբազիս» վերնագիրը: Յոյնի և Պարսկի այս դաշնակցութիւնը բացատրւում է ժամանակի հանգամանքներով: Իօնական ծովեզերեայ քաղաքները մէկը միւսի յետեկից ընկան Սարդայի սատրապ Տիսաֆերնէսի հարւածներից, և այդեղ Աթէնացիների ձեռքին մնացին միայն երկու նաւահանգիստ՝ Հալիկարնաս, Նօտիօնը և երեք կղզիներ, Աթէնացիները վրէժինդրութեան առիթ էին որոնում, նամանաւանդ որ Դարէհի կրտսեր որդի Կիւրոսը (Երիտասարդ), իւր անագրոյն և զօրեղ մօր՝ Պարիսատիսի միջոցով Փոքր-Ասիայում մի իսկական թագաւորութիւն ձեռք ձգելով, իւր Արտակէս եղբօրը գերազանցնելու համար դաշնակցել էր Լակեդեմոնացիների հետ, որի շնորհիւ Սպարտան Աթէն-

քի դէմ ունեցած երկարատև հակառակութիւնից յետոյ էկօս-Պօտամօում յաղթութիւն էր տարել (405). Կիւրոսը չյաջողւեց զրաւել Արտակէոի տեղը—վերջինս իւր հօր մահից յետոյ Արտաքսերքսէս Բ. անունն էր կրում (404—358)՝ ուստի Սարտայում 13,000 հելեններ հաւաքեց, չհաշւած 100,000 բնիկներին (401), և դրանց գլուխն անցնելով գնաց Կիւնաքսա—Բարելոնի մօտ—ուր ևսպանւեց. Ահա այս ժամանակ է, որ Տաս Հազար յոյները ազատւելով վերադառնում են Ասորեստանի և Հայաստանի վրայով Մեծովն անցնելու։ Սրանց ճշգրիտ ուղեգիծը (itinéraire) մեծ վիճաբանութեան առարկայ է դարձել. սակայն՝ կարելի է ասել առոյգ է, որ նըրանք անցել են Եփրատի ակունքների մօտով և յաճախ պատահել հայերին։ Քսենոֆոնը հայերի մասին խօսում է իրեն նստակեաց մի ժողովրդի և բաւականին մանրամասն նկարագրում է նրանց բնակարանները և բարքերը։

Այս Տաս Հազարը Միջագետքից դուրս գալով հասնում է արևելեան Տաւրոսի ստորոտի մօտ գտնւած վերին Տիգրիսի հովտին. Նրանք գետի ձախ ափին էին երբ իմացան, որ լերան վրայ Քիւդերն են (Kurde, Garduque) ապրում, իսկ այն կողմը հայերի երկրին կպատահեն։ Սրանց առաջ Հայաստանը նկարագրում են իրեն մի ընդարձակ և բարդաւաճ երկիր, որտեղից իրենց

ընտրած ուղութեամբ կարող են առանց գժւաբութեան ճանապարհորդել։ Քիւրդերի այս ասհմանի վրայ—այդ ժամանակ քիւրդերն անեկախ էին Արաաքսերքսէս Բ.ից— սրանք անցնում են Վանայ լճի հարաւային զառիվայրերից իջնող Կենտրիտէս (այժմ Բօդան-Սու)՝ գետը, անշուշտ ոչ հեռու սրա և Տիգրիսի միացման կէտից. Տաս Հազարին իմաց են տալիս, որ այդ գետի հիւսիսային կողմում գտնւում են պարսից հպատակ և սատրապ Օրօնդով կառավարուող հայերը։ Ապկայն՝ Տաս Հազարն ստիպւեց ուժով ճանապարհ բաց անել, որովհետև հայերից, մարտերից և խալլերից բաղկացած մի բանակ դիմագրում էր Օրօնտասի և հրամանատար Արտուրասի առաջնորդութեամբ։ Տաւրոսի հարաւային իջւածքի զառիվայրին հասնելով արդէն Հայաս-

*) «Անաբազիս», IV, 3, I—Յաճախ Կենտրիտէսը կամ Բօդան-Սուն նկատում են իրեն Տիգրիսի «արեւելեան եղջեւը»։—Այն լեռները, որոնք սրան բաժանում են Վանայ լճից, գեռևս հայկական Տաւրոսն են կազմում և ոչ թէ Նիֆատէս ինչպէս շատ աշխարազըներն են կարծել. այս վերջինը ոչ թէ Վանայ լճի հառաւումն է, այլ՝ հիւսիսում, ուր գեռ ալաօր էլ կայ մի լեռ, որին հայերն անւանում են Նիֆատ։ Թող իսկական Տաւրոսը բաժանւի հայկական Տաւրոսից Բիթլիս-Սուի հովտով, դարձեալ այս բարձունքի միննոյն զիծը չի կազմի։ Վերջապէս՝ այս Բիթլիս-Սուն, որին Քսենոփոն անւանում է Տելեբաս, Կենտրիտէսի մի ճիւղն է և ոչ թէ Տիգրիսի եղջեւը ինչպէս երբեմնակում են։

տանումն էին գտնուում. նրանք մագլցում են մի բարձրավանդակ, որը մեզմ զառիվայրերով իջնում է մինչև Տիգրիսը։ Այստեղ այլ ևս գիւղեր չկային քիւրդերի դէմ հայերի մղած պատերազմի պատճառով։ Քսենոֆոնը նկարագրում է մի աւան, որը յոյները գտնում են. հինգ փարսախ (37 քել. 1/2) ճանապարհ անցնելուց յետոյ յայտնի չէ թէ որ կէտում բանակ դրին։ Այս աւանը մի կարևոր կեդրոն էր, սատրապների բնակութեան համար կար մի դղեակ, իսկ գլխաւոր տները զարդարւած էին աշտարակներով։ Այստեղից երկու իջևան անելով անցնում են տաս փաբսախ և բարձրանում դէպի Տիգրիսի ակունքները։ Այստեղ մի կողմից թշնամին ընդդիժացւ լեռն անցնելուն, միւս կողմից՝ հաւաքած տեղեկութիւններից երեաց, որ այդ լեռն արդէն ճանապարհ չունի Տիգրանակերտը Խարբերդին միացնող անցքից այն կողմը, ուստի լեռնաշըդթայի երկարութեամբ վերադարձան և այդպիսով գտան բարձրավանդակն անցնելու և Սև ծովին հասնելու համար ամենահեշտ ճտնապարհ։ Այդ ճանապարհը սկսւում է Տելեբօս (Բիթլիս-Սու, կամ Մուշ գետակ) գետի հովտից։ Այդտեղ հասնելու համար պէտք եղաւ երեք օր գնալով անցկենալ 15 փարսախ (112 քել., 5)։ Տաս Հազարի առաջնորդը պատմում է, որ այդ գետը այնքան էլ կարևոր չէր, բայց՝ շատ հաճելի էր և ափերը

ծածկւած էին բազմաթիւ գիւղերով։—այն տարածութիւնը, որի միջով այս գետն է հոսում, կազմում է «Արևելեան Հայաստանը»։ Նա Տարօնի նահանգ անունն էր կը կըում։ և այս անունը հայոց պատմութեան ամբողջ ընթացքում միշտ էլ պահւել է Մշի գաւառի համար։ Այդտեղի սատրապը պարսից թագաւորի բարեկամ Տերիբազն էր. թագաւորը այս սատրապին մի այն թոյլ էր տալիս, որ իրան օգնի ձի հեծնելիս։ Տերիբազնը, որ բացի իւր սեփական գօրքից իւր իշխանութեան տակն ունէր նաև վարձկան խալիքներին և տափներին, «հեծելազօրքով գալիս է յոյների առաջ, մի թարգման է ուղարկում նրանց գլխաւորի մօտ յայտնելու, որ ինքը ցանկանում է նրանց հետ խօսել։ յոյները վճռում են բանակցել ու գուրս են գալիս սրա դէմ, մօտենում ձայն լսելի դառնալու չափ ու հարցնում, թէ ինչ է ցանկանում Տերիբազը։ սա առաջարկում է դաշն կապել, որի ուժով ինքը պարտաւորւի ոչ մի արգելք չյարուցանել, իսկ յոյները՝ չայրել բնակութեան տեղերը և բացի պաշարից ուրիշ ոչինչ չփերցնել։ Յոյներն ընկունում են այս առաջարկութիւնը և դաշն են կապում։ Այս ժամանակ Տերիբազի լսնկերակցութեամբ, որը իւր գօրքերով տաս ասպարէզ (stade) հեռաւորութեամբ հետևում էր յոյներին, երեք օրւայ ընթացքում (գօրքի գնացքով) տասնուհինգ փարսախ անց-

նում են դաշտի միջով, հասնում թագաւորական դղեակներին, որոնց շուրջը կռւակւած էին պաշարեղէնով լիքը բնակարանները: Դիշերը երբ քնած էին, սաստիկ ձիւն եկաւ. առաւօտեան վճռեցին, որ զինւորները իրենց առաջնորդների, իրենց գլխաւորների հետ ցրւեն գիւղեր, որովհետեւ այլ ևս ոչ մի թշնամի չէին տեսնում և առաջ ձիան պատճառով իրենց ապահով էին համարում: Այստեղ նրանք ապրուստի համար հարկաւոր եղած ամեն ինչ գտան—մորթելու համար կենդանիներ, հացահատիկներ, հին անուշահոտ գինի, չամիչ, բանջարի ամեն տեսակ բռնւածքներ: Զանազան կարկածելի նըշշանների պատճառով ստիպւցին զօրքը կերպունացնել. սակայն՝ այն գիշերը, որ այսպէս անցկացրին ահագին քանակութեամբ ձիւն եկաւ այնպէս որ զէնքերն ու քնած մարդիկ թաղւեցին ձիան տակ. լծկան կենդանիներն անգամ այնպէս էին խրեել, կաշկանդւել, որ շատ մեծ դժւարութեամբ հագիւ կարողանում էին ձիան միջից դրւս դալ: Աւելի վեր, բարձրանալով մինչև ջրերի բաժանման գիծը—անշուշտ այն լեռնաշղթայով, որ կարինը բաժանում է լինուսից և վերջանում Բինգէօլ-Դադով—ամբողջ երկիրը ծածկւած էր մի բազկաչափ ձնով: Այստեղ հազիւ կարողանում էին փայտ ճարել ամբողջ բարակը պաքացնելու համար, որը ցըտից

մեծ կորուստներ էր ունեցել. ապա՝ հետեւալ օրերում շատ զինւորներ քաղցից ընկան կամ ճանապարհին կորսւեցին, որովհետև ձիւնը դըրանց կուրացրել էր կամ բժիշմատերը տարել. ոտնամաններն ու խրացքները խրւում էին կաշու մէջ և ոտքից գուրս գալիս, քանդում: Յետ մնացած զինւորները եթէ մինչև գիշեր վրայ հասնելլ չէին կարողանում մի գիւղի հասնել՝ այն ժամանակ քնում էին ձիան տակ. որանցից շատերը այստեղ էլ թաղւած մընում էին զրկւելով պաշարից, որովհետև թշնամին յարձակումներ էր գործում և յետ մնացած կենդանիներին յետ դարձնում, խլում: Մի օր միքանին ուղեւորւեցին մի տեղ, որը սկ էր երկում, հաւանօրէն ջերմուկը ձիւնը հալեցնելու պատճառով. առաջնորդը թախանձում էր, որ չգնան զգուշացնելով, որ թշնամին կարող է վրա հասնել և բոլորին սպանել, սակայն՝ նրանք այլևս չէին կարողանում դիմանալ ցրտի հասցրած տանջանքներին:

Նրանք անցան մի գետ, որը հաւանօրէն եփրատի մի ձիւղն էր և կըում էր Պարսիս կամ Թազիս անունը: Այս բանը սակայն առանց դըրւարութիւնների չանցաւ. Բասենի ժողովրդները Տարօնի դաշտեցոց նման օտարից չէին վախենում, նրանք միանալով Տայրի և Խալուբների (հաւանօրէն խալդեր) խմբերի հետ Տաս Հազա-

ըի յետևից ընկան, յարձակումներ գործեցին,
բայց՝ յաջողութիւն չունեցան:

Այնուհետև հասնում են Խնուսի դաշտին
անց կենալով Արսանիազը (Արևելեան Եփրատ,
այժմ Մուրադ—Սու.) իր ակունքի մօտ: Այստեղ
Քսենոֆոնը տեղեկանում է, որ դեռ Հայաս-
տանումն է և հիւսիսում կգանի խալդերին: Աշ-
խարհագըները այս կէտից սկսած հոչակաւոր
նահանջի ուղեգիծը զանազան ուղղութեամբ են
տանում դէպի Սև ծովը: Երկու կէտեր սակայն
դուրս են կասկածից. Հայաստանը թողնե-
լուց յետոյ Տաս Հազարն անցնում է վերջին
հետեւալ ժողովուրդների միջով—նախ՝ տայբեցի-
ները (Տաօք. Տառւի), խալուքները, սկիթացինե-
րը, մաքրօնները (Մաքրեր) և ապա՝ կօլխիտները.
այս վերջինները գտնուում էին Տրապիզոնի մօ-
տերում, հետեւաբար՝ Դէյիրման-Դէրէյի գետաբե-
րանի մօտ: Սակայն՝ այս ժողովուրդներն ինչ
ուղղութեամբ էին յաջորդում միմիանց. արդեօք
հարաւից դէպի հիւսիս-արևելատք՝ հետեւով
Երզրումից Տրապիզոն տանող բնական ճանա-
պարհին, թէ նախ՝ հարաւից դէպի հիւսիս-ա-
րևելք ապա՝ արևելքից դէպի արևմուտք-հիւսիս-
արևմուտք՝ բարձրանալով Ճորոխի և այնուհետև
Դէյրմէն-Դէրէյի հովտով: Մեղ համար անկաս-
կած է, որ յոյներն այս վերջին ճանապարհն են
ընտրել չնայած որ դա ամենից երկարն ու ա-

մենադժւարն էր: Եւ իրօք՝ հալերն այժմ էլ
Տալք են անւանում մի գաւառ, որը Երզրումի
հիւսիս-հիւսիս-արևելեան կողմում ոռոգւում է
Ճորոխի մի ճիւղից՝ Թորթում-Սուից, որը գըտ-
նուում է այժմեան ոռւսական Օլթիի և տաճկա-
կան իսպիր գազայի միջն: Բացի այս՝ յայտնի
է, որ մակրօնները բնակւում էին Պարիատրէսի
վրայ այն տեղում, ուր այժմ լազերն են գտն-
ուում: Վերջապէս՝ Քսենոֆոնի բնագրում եր-
կար օրեր են թւած, որի համար անհրաժեշտ
է առնւազն կրկնակի ճանապարհ ենթագրել քան
թէ հարկաւոր է հիւսիս արևմուտքից Տրապիզոն
հասնելու համար: Գալով խալուքների և կօլ-
խիտների ներկայութեան՝ դա որևէ ցուցմունքներ
չի կարող տալ, որովհետև այդ ժողովուրդի
հայրենիքը Տրապիզոնի շրջակայքը չէր. այդտեղ
նրանք միայն գաղութներ կարող են ուղարկած
լինել: Ուրեմն՝ երկում է, որ այն ժամանակ
Հայաստանը հասնում էր մինչև Պոնտական
երկրորդ Ալպերը. այս լեռնաշղթան այժմ կոչ-
ուում է Դումլի-Դաղ և Գեաւուր-Դաղ. նա հի-
սիսային կողմից փակում է Երզրումի դաշտը:
Սրանից զատ՝ այս գնացքն այդ դարու հայոց
քաղաքական և սոցիալական դրութեան մասին
հետաքրքիր ցուցմունքներ է տալիս: Չնայած
որ հայերը պարսիկների վասալներն էին, այնու-
ամենայնիւ կատարելապէս տէր էին իրանց երկ-

ըում, որտեղից դուրս արին իրանցից առաջ եղած բնակիչներին, այսինքն՝ խալդերին, որոնք մասամբ ապաստան գտան Սև ծովի եղերքի լեռնաշղթայի վրայ. հայերն երբէք յետ չմղւեցին ոչ սկիւթացիներից, որոնք խալդերի նման միևնույն աքսորին էին դատապարտւել, ոչ քիւրդերից, որոնք ընդ միշտ տեղաւորւած մնացին վանայ լճի հարաւային կողմում գտնւած իրենց լեռներում, ոչ էլ մարտերից, որոնք ապրում էին այս լճի և Ուրմիոյ լճի միջև։

Այս ընդհանուր ակնարկից յետոյ՝ նոյնպէս հետաքրքիր կլինի մէջ բերել Քսենոֆոնի պատմութիւնից մի քանի մանրամասնութիւններ, որոնք հայի տնտեսական դրութեան պատկերը կներկայացնեն. այդ պատկերից կտեսնենք, որ որոշ տեսակէտներով Հայաստանն այդ ժամանակ աւելի բարգաւաճ դրութեան էր հասել քան թէ այժմ։ Սակայն՝ ոչ մի հիմք չկայ կարծելու, որ հայերն իրանց մասնաւոր կեանքով աւելի առաջ գնացած են եղել քան թէ այն ժողովուրդները, որոնք նոյնպէս հեռու են ընկած թէ իօնական կամ պոնտական ափերից և թէ իրանական մեծ կեդրոններից։ Յոյները փախցրին Տերիքաղին, որը նրանց խափում էր. նրա մարդկանցից միայն մի քանիսին սպանելով խլեցին մօտ քսանի չափ ձիեր և մի աւար, որը ցոյց է տալիս սատրապների առապելական մեղկու-

թիւնը, շռայլութիւնը։ այդ աւարը Տերիքաղի վրան էր, որի մէջ կային արծաթեայ բաժակներ, արծաթեայ ոտներով մահճակալներ և մի քանի մարդիկ, որոնք մատուալիներ և հացթուլիներ էին կոչում իրանց։ Պատմաբանը մի քիչ հեռու յիշում է, թէ ինչ գտան Եփրատի մօտ շինւած զիւղերում, երբ յոյները անսպատ բարձրավանդակների ձիւնի սպառնացած մեծ աղէտից ազատելով հասան այդտեղ. այն զիւղում, ուր ինքը՝ Քսենոֆոնը պատահմամբ բանակ դրեց, տեսաւ բոլոր բնակիչներին իրենց առաջնորդի, գլխաւորի հետ. «այդ զիւղից պակասում էր միայն տասնութեօթ մարուկներ (poulains), որոնց մի կողմ էին դրել թագաւորին տուրք տալու համար. բացակայ էր նաև առաջնորդի աղջիկը, որն ինն օր առաջ ամուսնացել էր. ամուսինը գնացել էր նապատակ որսալու. այդ կինը մօտակայ ոչ մի տեղում չգտնւեց։ Հողի տակ թաղւած բնակարաններն երկու մուտք ունեին, այդ մուտքերից մէկը մարդկանց համար էր, որը նման էր ջրհորի բացւածքի. հողի երեսին հաւասար մասը շատ նեղ էր, իսկ ցածը՝ շատ լայն, ուր իջնում էին աստիճաններով, երկլուրդ մուտքը կենդանիների համար էր և զինւած էր զառիվայր» *). Այսօր էլ Հայաստանում ամեն տեղ չափազանց ցած

*) Անաբաղիս. IV, 5.

դոներ կան և դեռ պատահում են այս ողորմելի նկուղներից, որոնք փորւած են լեռների լանջերի մէջ, կամ գտնւում են նոյնիսկ քաղաքների աղքատ թաղերում։ Սակայն՝ երկար ժամանակից ի վեր արդէն գիւղական համարեա բոլոր բնակարանները դարձել են գետնի վրայ շինւած տներ։ Սրան հակառակ միայն հարուստները կարողանում են մի բարձր տեղ ունենալ շինւած տաւարների վերև կամ մի առանձին սենեակում։ Ճեռը, համարեա բոլոր գիւղերում, ամբողջ ընտանիքը, տասնունինգից քան հոգի, միասին է քնում մի նեղ, կովերի բարձրութեամբ շինւած մի սարահարթի վրայ։ սրանք վառելիքի պակասութեան պատճառով միշտ էլ այսպէս ստիպւած են եղել տաւարներին կից ապրել։ «սակայն՝ աւելացնում է Քսենոֆոնը, այդ միենոյն տան մէջ են գըտնուում այծերը, ոչխարները, կովերը, թռչունները իրենց ձագերով ու փոքրիկներով։ բոլորը կերակրուում են վարի ախոռից, ուր պահուում է անունգը։ Այստեղ նոյնպէս կարելի է գտնել գարեջուր, լցւած հողէ ամանների մէջ, ցորեն, գարի և չամիչ։ Այս անկերպարան ամանների մէջ գարին հաւասարուում էր բերանին, դրանց մէջ ընկղմւած էին եղեգնայ ծակ խողովակներ։ Խմելու համար բերանը դնում էին խողովակի վրայ և վեր քաշելով ծծում։ Այս խմիչքն առանց ջուր խառնելու շատ թունդ էր, բայց՝ վար-

ժւածների համար խիստ հաճելի»։ Քսենոֆոնն այս գիւղի շէֆին իւր մօտ ճաշի է հրաւիրում և նրան սիրելի դառնում ապահովեցնելով, որ իւր որդիներին չի վերցնի ծառայութեան համար։ Այս երախտագէտ մարդը ցոյց է տալիս թէ ուր էին թագցրել գինին։ Այս պատմութիւնից կարելի է եզրակացնել, որ բանակը գտնւում էր ոչ հեռու Թորթումի հովտից, որը հիւսիսային կողմում միակն էր իրեն խաղող հասցնող վայր։ այժմ այլևս գինի չեն շինում այդտեղ։ Գալով գարեջրին, այժմ ոչ մի տեղ չի գտնւում, թւում է որ XVIII-րդ դարուց ի վեր—երբ Նիերուրը այս կողմերում գտնում է մի տեղ, ուր դեռ նոյն ձեռվ խմում էին այդ խմիչքը—կատարելապէս ոչնչացել է։ Նոյնպիսի մի օրինակ է խոզի ոչնչանալը մահմելականների բռնութիւնների պատճառով։ Քսենոֆոնն այս կենդանուն յիշում է հայերի պաշարեղէնները թըւելիս։

Հայերը պարսկերէն կիտէին, որը սակայն նրանց լեզուն չէր։ Եւ իրօք՝ Քսենոֆոնը պարսկերէն թարգմանող մի մարդու միջոցով հարցնուում է վերոյիշեալ շէֆից, գլխաւորից։ «Ի՞նչ է այս երկը անունը»։ սրան պատասխանում են։ «Հայաստան»։ «Ի՞նչո՞ւ համար—շարունակում է հարցնել—վերցրել են այս ձիերը»։ «Դա տուրք է թագաւորի համար»։ Սրանից յետոյ Քսենո-

Փոնն իմանում է, որ մօտակայ գաւառը խաւ-
լուբներինն էր. Մեր օրերում հայերն երբէք
չեն համարձակւում ասել, որ իրանք հայաստա-
նումն են, որովհետև այդպիսիներին նկատում
են իրեւ յեղափոխականներ. բայց և այնպէս դա
էլ ճիշտ չէ, որովհետև ամեն տեղ բնակչութեան
մեծամասնութիւնը մահմեդականներ են: Այստեղ
քրիստոնեաները լաւ խօսում են տաճկերէն, սա-
կայն՝ իրենց այդ լեզով խօսող դրացիների հետ
ամենօրեայ յարաբերութեան համար, այնինչ հին
ժամանակներում պարսկերէնը սովորում էին ամե-
նաբարձր քաղաքակրթութեան ցանկութեան հա-
մար. այս նահանգներում պարսիկները շատ հազ-
արգիւտ էին: Մի խօսքով՝ քաղաքակրթութիւնը
աւելի շուտ յետ է գնացել:

Դարէնի իշխանութեան ժամանակ քաղաքա-
կրթութիւնը բաւականին առաջ գնացած պէտք
է լինէր: Պարսից կայսրութեան միւս նահանգ-
ների նման Հայաստանն էլ կառավարւում էր
սատրապներով, որոնց այս թագաւորն ստեղծեց
մի հրաշալի քաղաքական նորութիւն մտցնելով:
Դարէնը չշարունակեց Տիկլատբալասար Բ.ի ա-
սորեստանեան սիստեմը, որը համարեա թէ բա-
ցարձակ իշխանութիւն էր տալիս իւր պաշտօ-
նեաներին և դըանց, իսկապէս ասած, դարձնում
էր փոխարքաներ, որոնք ենթարկւում էին տի-
րոջ տւած ուղղութիւններին. ընդհակառակն՝ նա

հասկացաւ, որ այդքան տարբեր-տարբեր ժողո-
վրդները հեշտութեամբ հնազանդ չեն մնայ եթէ
որոշ ազատութիւն չեն վայելի. միւս կողմից՝
դրանց հնազանդ պահելու համար հարկաւոր համա-
րեց նշանակւած առաջնորդներին միշտ հսկողու-
թեան տակ պահել: Այս պատճառով էլ հոգս տարաւ,
որ իւրաքանչիւրը պահապանի իւր սեփական
հարստութիւնը (dynastie), իւր լեզուն, իւր գը-
րութիւնը, իւր բարբերը, իւր կրօնը, իւր մաս-
նաւոր օրէնսդրութիւնը, իւր առաջնորդների ա-
նունով փող կտրելու իրաւունքը: Դեռ աւելին՝
յոյների խոռվութիւնները վերացնելու համար
նրանցից պահանջում էր բոլոր նախնական հար-
կերը (charge antérieure), այն ինչ Տաւրոսի և
Կիարօնի լեռների վրայ ապրող բարբառոսների
մեծամասնութեան ազատեց դրական հարկից
(chagee positive), բացի որոշ տուրքից (tribut):
Այսպիսով սրանց ազգային փառասիրութեան
բաւարարութիւն տալով պահանջեց հնազանդու-
թիւն, խաղաղութիւն, կարգ ու կանոն, իրենց
երկրի միջով անց կացող սուրհանդակների և կարա-
ւանների համար յարգանք, ապահովութիւնները պահպա-
նելով պահանջում էր հնազանդութիւն, յարգանք
ընդհանուր օրէնքների: Ահա այսպէս էր Հայաստա-
նում ինչպէս նաև միւս տեղերում: 519 և 515
թւականների միջև Հայաստանը վերածւած էր

սատրապութեան. սակայն՝ քանի որ հայերի ապստամբութիւնը ցոյց էր տւել, որ նրանք օգտառում են իրենց ինքնավարութիւնից կատարելապէս ազատագրւելու համար, ուստի՝ ընդհանրապէս սատրապ էին ընտրում ոչ թէ հայ իշխաններից մէկին, այլ՝ թագաւորին անձնւէր պարսիկներից։ Ինչպէս միւս նահանգներում, այնպէս էլ այստեղ սատրապի կողքին կային թագաւորական ուրիշ երկու պատւիրակներ—քարտուղարը և հրամանատարը։ Դարէն անձամբ ինքն էր ընտրում իւր սատրապներին, ռազգի բոլոր դասերից, հարուստից և աղքատից, օտարներից և պարսիկներից (Հերոդոտ, I, 153 և IX, 107, յիշատակութիւն երկու օտարների, մէկը լուտիացի, միւսը՝ յոյն)։ Սակայն՝ կարեոր սատրապութիւնները յանձնում էր աքիմենիտների ընտանիքի հետ ամուսնութեամբ կամ արիւնով կապւած անձնաւորութիւններին միայն։ Կարելի է կարծել, որ խաղաղութեան ժամանակ Դարէնը Հայաստանի համար միենոյն կարգ ու կանոնը հաստատեց ինչ որ յոյներինն էր. «Նապահանջեց, որ սատրապութիւնների մէջ ամեն տեղ իշխանութիւնը յանձնւի ազնւական պաշտօնատարներին և ընտրովի կամ ժառանգական տիրաններին, որոնք անձնական շահից դրդւած հաւատարի կմուային թագաւորին»։ Սակայն՝ քանի որ հայերը բոլորից աւելի էին աչքի ընկնում

իրենց ըմբոստ ոգով, ուստի՝ ինչպէս տեսանք, յաճախ սատրապ էին նշանակում սրանց վրայ պալատին սիրելի պարսիկ իշխաններից կամ ներքինիներից։ Թագաւորը սրանց նշանակում կամ յետ էր կանչում իւր ցանկութեան համաձայն։ «Սատրապներն ունէին քաղաքական կատարեալիշխանութիւն, մի արքունիք, թիկնապահ գօրք, պալատներ, պատէզներ, ահագին տարածութեամբ որսատեղեր... սրանք էին բաժանում տուրքը իրանց ցանկութեան համաձայն (Հերոդոտ, VI, 42, յիշատակումէ միօրինակ Սարգիայի համար)։ Նրանք էին հսկում արդարադատութեան վրայ և կեանքի ու մահւան իրաւունք ունէին։ Հայաստանն այս հիմունքով կառավարողների ոչ անունը գիտենք և ոչ էլ ծագումը։ Սակայն՝ այս մանրամասնութիւններից աւելի հետաքրքիր է ընդհանուր դրութիւնը, որից հաստատ կարելի է եղրակացնել, որ այս ժամանակից սկսած հանգստութիւնը, ապահովութիւնը, արդարութիւնը թագաւորում էր. գործառնութիւնը (transaction), մշակութիւնը, տարրական ինդուստրիան, քաղաքակրթութեան բոլոր գլխաւոր գործօններն ազատօրէն կարող էին զարգանալ այդտեղ. *) սատրապների հետ միասին թագաւորա-

*) Սատրապները «ոչնչացնում էին աւազակութիւնները, ծովահենութիւնները, քաղաքների մէջ եղած մըր-

կան քարտուղարը—որը «առերես գիւանատան պէտքերի համար էր ուղարկում, սակայն՝ իսկապէս սատրապի վարմունքի վրայ հսկելու և մինիստրներին տեղեկագրելու պաշտօնն ունէր» լրացնում էր քաղաքական ադմինիստրացիայի մեխանիզմը՝ իւր վերահսկողութեամբ գաւառի ազգային ձգտումներից և շէֆերի փառասիրութիւններից բարձր պահելով ընդհանուր շահերը։ Վերջապէս՝ կարնակ մի ընդհանուր հրամանատար, որը թագաւորի հայեացքների համաձայն առաջնորդում էր պարսիկ զինւորներին, տեղական միլիցիային և օտար, վարձկան զօրքին։ Շատ յաճախ այս հրամանատարները սատրապի և քարտուղարի թշնամիներն էին լինում։ «Աւելի մեծ նախազգուշութեան համար թագաւորն ամեն տարի պաշտօնաւորներ էր ուղարկում, որոնց անւանում էր իր աչքեր կամ ականջներ։ Սրանք յանկարծ

ցակցութիւնները, տեղական պատերազմները, այն խընդիրները, որ առաջ զէնքով էին լուծում այժմ դատարաններում էին վճռում և պէտք եղած դէպքում կատաղի ուժով այդ վճռին էին ենթարկում երկու կողմերին էր։ Սպարապները պահում էին ճանապարհները և հսկում էին, որ զիշերցերեկ ապահովութիւն լինի. նրանք պաշտպանում էին ինդուստրիան, երկրագործութիւնը, և իրենց կրօնի սկզբունքների համաձայն՝ պատիւ էին համարում անմշակ դաշտերը մշակել տալ և մերկ տեղերում անտառներ տնկել։ (Մասպերօ. հ. III. երես 692)։ Ահա առաւելութիւններ, որ այժմ չկան:

երկում էին, երբ ամենակին չէին սպասւում, քըննում քաղաքական կամ ֆինանսական դրութիւնը, ադմինիստրացիայի զեղծումների առաջն առնում, յանդիմանում կամ պաշտօնից հեռացնում պաշտօնատարներին. սրանք իրանց հետ բերում էին մի գունտ զօրք, որի ուժով իրագործում էին իրենց վճիռները... Բաւական էր մի վատ հաղորդագրութիւն, մի թեթև անկանոնութիւն, նոյնիսկ մի հասարակ կասկած, որ սատրապը պաշտօնանկ լինէր։ Երբեմն սատրապներն պաշտօնից զրկում, յաճախ մահամն էին դատապարտում առանց դատարանի» (Մասպերօ), Զհաշւած այս վերահսկիչները, այս քննիչները—սրանք այժմ էլ նոյնքան անհրաժեշտ կարող են լինել, որքան առաջ—այժմ Օսմանեան տիրապետութեան տակ Հայաստանը կառավարում է նման մի սիստեմով և հաւանական է, որ միւս տիրապետողները՝ հռոմէացիները, բիւզանդացիները, արաբները այս միենոյն տրադիցիան պահպանում էին հայերի վերաբերմամբ։ Նոյնիսկ կարելի է ասել, որ եթէ Հայաստանը ազատում էր այդ տրադիցիայից, կամ եթէ նրա անկախութեան ցաւը վերակենդանանալիս ձախողաբար նրան ազատում էին, դա նրա կորստեան պատճառներից մէկն էր լինում. մենք յաճախ տեսնում ենք իսկական հայ սատրապներ—սրանց երկրի թագաւորներն էին ընտրում տէրերի և

իշխանների միջից, կամ աւելի շուտ սրանք իշխանց ուժով և պատռով ստիպում էին թագաւորներին, որ իրանց ընտրեն—որոնք ի չարն էին գործադրում, շահագործում էին իրանց կամայական իշխանութիւնը և միմիանց դէմ մըրցակցելու պատճառով երկիրը մատնում էին ան իշխանութեան, կամ հայրենիքին դաւաճանելով անցնում էին թշնամու կողմը։ Զնայած որ Դարէհի այս սիստեմի զլիսաւոր նպատակը տուրքեր հաւաքելն էր, և սատրապներն ամենից առաջ այս պաշտօնի համար էին, սակայն՝ կարելի է ենթադրել, որ այն կանոնաւորութիւնը, որով սրանք գործում էին, և հաստատւած կարգ ու կանոններից առաջացած առաւելութիւնները հնարաւորութիւն տւեցին հայերին արդիւնաւէտ կերպով աշխատել իրենց նիւթական բարգաւաճման համար.—թւում է, որ դեռ առ այժմ խօսք չի կարող լինել գիտական, զրական կամ գեղարւեստական կուլտուրայի մասին։ Մի ուրիշ մասնաւոր առաւելութիւն ևս, որից կայսրութեան բոլոր կողմերի նման հայերն էլ կարող էին օգտագործել, դա տեղական փող ունենալու ներմուծութիւնն էր։ Ոսկի կամ արծաթ դարէհական դրամը երբէք հարիւր երրորդականից աւելի խառնուրդ չի ունեցել. սակայն՝ դրա գործածութիւնը ստիպողական չլինելով միմիայն միջերկրականեան նահանգներումն էր չնթացիք.

Կեդրոնի նահանգները շարունակում էին կշռել ծոյլերը (lingots) և սեփական դրամ կտրել (Հերոդոտ, III, 96). և այս ցոյց է տալիս, որ այդ նահանգները հաւասարապէս չէին գնահատում առաջադիմութիւնը։ Տուրքի բաւական մի խոշոր մաս կազմում էր պարբերական բնական տուրքից, որը յատկացրւած էր արքունիքը կերակրելուն և զինւորական պէտքերին։ Հայերը հարկ էին տալիս 30,000 մտրուկներ։ սրանից զատ՝ սատրապներն ապրում էին բացառապէս իրենց նահանգի ծախքով. իսկ զրանց և իրենց սվիտայի պերճ, շուայլ կեանքը պակաս ծանր հարկ չէր դառնում։ Արտաքսերքսէս Բ-ի ժամանակ (406—358) Հայաստանը կազմում էր կայսրութեան տասերեքերորդ սատրապութիւնը. հայը մինչև Սև ծով եղող դրացիների հետ միասին 400 տաղանտ փողով տուրք էր վճարում։ Սա մի գումար էր, որ տատանւում էր Բաբելոնի վրայ գրւած 1,000 տաղանտ տուրքի և Արախոչի նահանգի 170 տաղանտի մէջ (արդի Աֆղանիստանի նահանգը). Տաս հազարի նահանջի ժամանակ Քսենոփոնն իրերն այս դրութեան մէջ է գտնում։

Կարճ ասած՝ երկում է, որ պարսից տիրապետութեան ժամանակ հայերը բաւական ազատ մի բէժիմով են կառավարւել։ Հնդկա-եւրոպական ժագում ունեցող մեծ ազգերի մեծա-

մասնութեան նման պարսիկներն էլ ունէին մի սահմանադրութիւն, որը խիստ կերպով որոշում էր իրենց ազատութիւնը, ճշգրտորէն սահմանում ժողովրդի և իշխանի փոխադարձ իրաւունքները*: Մի բնական անալօգիայով սրանից կարելի է եղրակացնել, որ միենոյն սկզբունքները գործադրում էին նաև վասալ ազգերի վերաբերմամբ: Հայերն այս իշխանութեան տակ միւս բոլոր ազգերից աւելի մեծ յարմարութիւններ ունեցան իրենց սեփական ոգով ապրելու. նրանք նոյնիսկ ի վնաս իրենց դրացիների կամացկամաց սկսեցին մեծանալ և պատրաստել մեր դարուց առաջ լ դարում յանկարծ և վաղանցուկ կերպով տիրելարեմտեան Ասիայի մի մեծ մասին:

«Սելեկեանների իշխանութիւնն երբէք չըկարողացաւ հաստատուն կերպով հիմնւել այս լեռնոտ նահանգում, ուր պարսկականութիւնը (persisme) աւելի խոր արմատներ էր ձգել քան թէ կապադովկիայում**»: Այս դատողութիւնը, գնահատութիւնը մեզ կասկածել է տալիս, որ Փոքր-Հայքի—սա շատ հեռու էր և կարող էր մասամբ խլւել տիրոջ ճանգերից—և աւելի անմիջապէս պալատի հետ կապւած արևելեան Մեծ-Հայքի բեժիմներ կարող են տարբեր եղած լինել:

*) Թ. Խւտիք. Հին. պարսիկ. պատմ. էջ. 36.

**) Թ. Ռայնախ. Միթրադ. Եւպատ. էջ 101.

Սակայն՝ այս վերջինն է կատարել պատմական այն մեծ դերը, որը մենք պէտք է ուրեւագըծ ենք: Այս բանի պատճառը պէտքէ ուրիշ տեղ ուրունել. արևելքում հայերը թւով գերակշռող դարձան, տիրապետող իրանց երկրում, այն ինչ եփրատի և Ալիւսի միջև շարունակ խառնւած մընացին բազմաթիւ ուրիշ ժողովրդների մնացորդների հետ, որոնց մասամբ հալածեցին, քշեցին. այդ ժողովրդները հետեւելներն են՝ Գատաօնները, որոնք բնակւում էին Եփրատի երկու ճիւղերի միջև Ասիլիզէնում (այս նահանգի այժմեան կեդրոնը Երզնկան է), Զօֆէնի (այս նահանգը հայերէն կոչւում է Մոփք, սրա կեդրոնը Խարբերդն է); Օգոմանտիդի, Անգիտէնի (Տիգրիսի ակունքների մօտ, Ամիդայի և Դիարբէրի շրջակայքում), Արգամէնի փոփոխական, գանազան ժողովրդները, ասորեստանցիները, որոնք արևելեան Եփրատի ակունքների հովիտներում գաղութներ էին հաստատել (Տարօնիտիտ, Տարօնի երկիրը, այժմ Մշի գաւառը), խալուբները (սրանց Սրատրօն նոյնացնում է խալդերի հետ) և մօսունէսները (յետոյ կոչւեցին Մոշի, Մօսին, երբ խալուբների նման գաղթեցին Սև ծովի եղերքները), որոնք գանւում էին արևմտեան Եփրատի մօտ (կարենիտիդ, հայերին կարին, այն նահանգը, ուր յետագայում հիմնեց Թէօդոսիոպոլիսը, հայերէն Կարնոյ քաղաք, արդի

Երգըումը, — Դէրքզեն, Բէրջանը, Ասիլիսէնի հիւս—արևմտեան կողմում), Իբերները, որոնք բնակւում էին Պարիադրէսի հանդիպագոտիների վրայ և Կուրի վերին հօվտում (Խօրդէն, որը չպէտք է շփոթել մեր տեսած միւս Խորդէնի հետ, արդի Դերսիմում. Գօգարէն, Թիֆլիսի և Ալէքսանդրոպոլի միջն, այժմ Կազախ և Բօրչալու):

Երկրի արևելեան կողմում, որին հայերը տիրում են, այսինքն՝ Եփրատի ակունքների վրայ և Վանայ լճի աւազանում, գուցէ նոյնպէս փոփոխական ժողովրդների պատահեցին հայեր, որոնք մեծ մասամբ խալդ անունն էին կրում և բաւական միատարր աղքագրական մի այնպիսի կրուպապա էին կազմում, որը ընդունակ էր յետագայում ամբողջ Ուրարտուին տիրապետելու: Այս թագաւորութիւնն իւր անունն ստանում է Արարատ նահանգից, որը ընկած էր այժմ միենոյն անունը կրող, բայց հնում Մասի կոչւած հսկայ լեռան ստորոտում: (Չպէտք է հրէաների նման շփոթել այս Մասին կամ Մասիօսը Միջագետքի Մասիօսի հետ): Սակայն՝ այս թագաւորութիւնը տարածւում էր նաև դէպի հիւսիս՝ Արաքսի հովիտը, դէպի հարաւ՝ Վանայ լճից այն կողմը մինչև Ուրմիոյ լիճը. Խալդ բառի յունական թարգմանութիւնը լինում է Խալձաւ: Այս գաւառներում բնակւող գլխաւոր ժողովրդներին յոյն գրողները միաժամանակ անւանում են

Ալարօծօն, Եւ քանի որ յոյները չեն ճանաչել երկու այդպիսի փոքր ինչ ծանօթ, տարբեր ժողովուրդներ, ուստի դրանից եզրակացը ել են, որ այդ երկու անունները մի ազգի են վերաբերում: Այժմ այս կարծիքը ընդհանրապէս ընդունւում է, չնայած որ որոշ պատմաբաններ*) ձեռնպահ են մնում նկատելով, որ չկան բաւականաշափ ճշգրիտ փաստեր ուրարտացիներին, խալդերին և ալարուցիներին նոյնացնելու համար: Այստեղ դժւարութիւն են առաջ բերում միայն վերջին երկու անունները. ուրարտացի կոչումը երբէք չի կարող ազգագրական նշանակութիւն ունենալ, նա նշանակում է Ուրարտուի բընակիչ, որն և լինի այդ բնակինչը: Արդ ստոյգ է երևում և այն, որ այս տեղի ժողովրդներից գլխաւորը յոյների կոչումով ալարուցիներ է, իսկ իրենք իրենց անւանել են խալդեր: Հայերը քաղաքականապէս բռնելով այս ժողովրդների տեղը խաղաղ ապրելու համար համաձայնութեան եկան այն մեծ մասի հետ, որին հեռուն չէին քշել, ուստի շատ ճիշտ է, որ Փիզիօզիական այս նոր տարբն ևս կաւելանար շատ ուրիշների վրայ հայի վերջնական տիպը կազմելու համար: Սակայն սխալ է խալդերին համարել իրեւ «Պրօտօ-Արմէններ»: Այժմ

*) Հիւրշման. Արարատ նահանգի մասին.

մենք գիտենք, որ սրանց մէջ ծագման ոչ մի արիւնակցութիւն չկայ, որովհետև խալդերը հնդկա-և ռոպացիներ չեն եղել: Զուլումը յետոյ է առաջ եկել և վերջին ժամանակի տարրը իւր անունը տւել է միւսներին, այնպէս ինչպէս որ ֆրանկներն աւելի կամ պակաս չափով խառնւել են կելտերի և լիկուրների հետ, որոնց հետ ոչ մի ազգակցութիւն չունէին և ստիպմամբ վերջիններիս տւել են իրենց անունը: Աւելի շուտ կարելի է ընդունել խալդերին նախահայեր տիտղոս տալը՝ եթէ դրանով ուզում են ասել, որ հայերից նախ, առաջ են եղել այդտեղ, հող են պատրաստել հայերի համար և նրանց իբրև ժառանգութիւն թողել են իրենց սեփական քաղաքակրթութիւնը: Եւ իրօք՝ հայկական քաղաքակրթութեան համար էական դործօն է դառնում խալդական քաղաքակրթութիւնը:

Քանի որ մենք հասել ենք այն դարին, երբ հայերն անցան Ուրարտու, ուստի՝ անհրաժեշտ ենք գանւում ամփոփել այստեղ խալդերի պատմութիւնը: Հայերի այս գաղթականութեան համար մի թւական որոշել չենք կարող, որովհետև նա զէնքով, յանկարծ ներս չի խուժել, այլ արդիւնք է մի դանդաղ ներմուծման, ինչպէս աւանդաբար կատարել է այդ մշակ և հովիւ ժողովուրդը, որին տակաւին չենք տեսել և դեռ երկար ժամանակ չենք տեսնի զինւորական մի դոր-

ծողութիւն ձեռնարկելիս. մենք միայն այն գիտենք, որ այս երկոյթը կատարւում է Հեղողոտիկ «Պատմութիւնը» Քսենոֆոնի «Անաբազիսից» բաժանող վաթսուն թէ ութսուն տարիների միջնէ: Առաջինը Եգիեան ծովից մինչև Իրանի բարձրավանդակ հասնող Ասիայի բնակիչները թւելիս արևմտեան կողմումն է տեղաւորում մարերին և ալարօդներին, որոնք ուրեմն՝ դեռ առանձին մի ազգութիւն էին կազմում, չնայած այն հանգամանքին, որ Ասորեսատանի հետ ունեցած պատերազմները սպառել, կազմալուծել էին դրանց ինչպէս շուտով կտեսնենք: Զի կարելի ենթադրել, որ հայերը սրանց հետ խառնւած էին, որովհետև Հերոդոտը հայերին տեղաւորում է կիլիկեցիների արևելեան և մատիէնների արևմտեան կողմում: Նա աւելացնում է, որ առաջին երկուսի մէջ սահման էր կազմում Եփրատ գետը. և Հայաստանը կտրելու համար հարկաւոր էր 15 օթևան, Ուրարտացիները երբէք այդքան հեռու չեն անցել դէպի Արևմուտք: Ամէն բան փոխւած է երբ Քսենոֆոնը իր Տաս Հազարն առաջնորդում է Վանայ լճի աւազանով: Մենք տեսանք, որ Քսենոֆոնը անցկենալով այն երկրից, ուր առաջ խալդերն էին բնակւում, ամէն տեղ էլ նրան ասում էին, որ ինքը Հայաստանումն է գտնում. և նա այլևս չի յիշատակում Հերոդոտի Ալարօծու: Որեմն՝ հայերի

Ուրարտուին տիրապետելը վերջանում է խաղաղ կերպով, պարսից* տիրապետութեան ժամանակ. և այդ լինում է հետեանք նախ՝ դէպի արևելք և ապա դէպի հիւսիս եղած մի մղումի:

Ոչ մի հիմք չկայ ենթադրելու, որ հայերը խալդերին բռնի ուժով են դուրս քշել. սակայն՝ հայերը ստիպեցին պատերազմից սպառւած այդ ժողովրդին նահանջել այնպէս՝ ինչպէս շատ ուրիշ մշակ ժողովուրդներ վրնդել են պատերազմասէր այն ցեղերին, որոնք նախ քան հողին կպչելը, նստակեաց կեանքին վարժւելը կորցնում էին իրենց կորովք: Յամենայն դէպս նորեկներն ընթացել են իրենց նախորդների հետքով: Եւ իրօք՝ խալդերը նախ՝ գտնւում էին Վանայ լճի հարաւային կողմում, յետոյ՝ բարձրացան այդ լճի աւազանի հիւսիսային կողմը դէպի Արարատ: Այստեղ նոյնպէս հայերը գալիս են սրանց տեղը բռնելու և Վանայ լճի, Արաքսի ու Եփրատի միջև Մեծ-Հայքը կազմելու: Վերջապէս՝ աւելի ուշ հայերը նոյնպէս բռնում են խալդերի տեղը ամբողջ Արաքսի հովտում մինչև կուր գետը: Սակայն՝ անհրաժեշտորէն ամեն տեղ էլ հին բնակիչներից որոշ չափով մնացած կլինէին, որոնց նորերը կձուլէին իրենց հետ: Միւս կողմից՝ Դարէհի ժամանակ Մեծ-Հայքը

*) Հիւբշման. Հայ Թեր. էջ. 402.

կազմում էր տասերեքերորդ սատրապութիւնը, որը սակայն՝ չէր անցնում վերին Տիգրիսի և Եփրատի աւազաններից—Տաւրոսի և սաորին Արսանիասի (արևելեան Եփրատ) միջև. այն ինչ ուրարտացիները միացած մատիէններին ու սասպիրներին (Ճորոխի հովտում, Իսպիրի հովտի բնակիչները) կազմում էին տասնութերորդ սատրապութւնը միենոյն դարում, միենոյն ժամանակ: * Այս միենոյն սատրապութիւնը, «ուրըստ հերոդոտի ալարողցիներն էին բնակւում, Քսենոֆոնն (Անաբազիս. IV, 4) անւանում է արևելեան Հայաստան»: Սակայն՝ այն ելքիրը, որ պարսկերէն Արմինա անունն էր կրում (Շօշիբառառով հարմինիայ), Բաբելոնի լեզով կոչւում էր Ուրարտու (Ուրարտուձնից կազմած): Քաղաքանապէս գոնէ՝ ալարօղցիների տեղթիտորիան միացել է Հայաստանի տեղթիտորիայի հետ, իբրև մեծ հայկական թագաւորութեան, միմիայն յոյների ժամանակ, Ք. ա. 189-ին մօտերք, հայոց Արտաշէս (Արտաքսիաս) թագաւորի ձեռքով (Ստրաբոն, 551). սրանից յետոյ արդէն ալարողցիների ազգայնութիւնն ամբողջապէս ոչնչանում է^{*)}: Սակայն՝ դրանց հետքերը գտնւում էին Տրապիզոնի գաւառներում խալդիներ

*) Բելք և Լըման, Հետազօտութիւններ Խալդերի Պատմութեան.

*) Մեյք. Հնութեան պատմութիւն. 1. էջ 297.

անւան: տակ մինչև XV դար Ք. յ. և Վանայ լճի աւազանում՝ խալդէներ անունով, ուր գեռ մինչև հիմա էլ մի խումբ քրիստոնեաներ այդ անունով են ապրում*:

II.

Թւում է, որ խալդերի մէջ քաղաքակրթութիւնը նոյնքան փայլուն էր, որքան ասորեստանցիների ժամանակ Առաջաւոր Ասիայի ամէնից առաջալդէմ ազգերի մէջ. բայց՝ որովհետև ասորեստանցիները թէկ դժւարութեամբ, սակայն՝ այնուամենայնիւ կարողացան ընկճել խալդ թագաւորներին, որոնց գլխաւորները Արդիստիսներ և Մինուադներ էին. միւս կողմից՝ գուցէ մարերը կամ յամենայն դէպս պարսիկները հեշտութեամբ հպատակեցրին, իսկ հայերն էլ առանց ընդդիմութեան հեռու մղեցին սրանց, — ուստի խալդ հարստութիւնը, «որը գերակշռութեան համար մրցել էր ասորեստանցիների հետ, նսեմանում է և ժողովուրդը — որին երբէք չէր կարողացել կա. տարելապէս խորը թափանցել այս հարստութիւնը — արագքայլերով դիմումէ դէպի իւրբնական կոպտութիւնը, վայրենութիւնը. Սակայն՝ մի քանի բան պէտք է մնար սրանց անցեալ փառքից, որի յիշտակը քանդակած է Վանի հրաշալի ժայռի

*) Մասպերօ, վեր. յիշ. հ. Գ. էջ 520.

վրայ: Թէ ինչ դրութեան մէջ էր ալս ժողովուրդը պատմութեան մէջ առաջին անդամ հանդէս գալիս, այդ մասին եղած տեղեկութիւնները լաւ կերպով կարող կլինենք ամփոփել եթէ պ. Մասպերօից քաղենք. սրանից զատ՝ դարձեալ այդ գիտնական հեղինակից պէտք է վերցնենք այս ժողովրդի համառօտ պատմութիւնը մինչև այն ժամանակ, երբ հայերը տէր դառնալով սրանց երկրին սկսում են ազգագրորէն ձուլւել սրանց հետ և քաղաքական յիշատակարաններում հայ անունով վոխարինել խալդանունը:

Մենք անհրաժեշտ ենք համարում դեռ միքանի նախնական գիտողութիւններ անել: Դեռ ապացուցած չէ, որ այս ժողովուրդն իրան խալդ անուն է տւել. պ. Բելլը կարծում է, որ այդ անունը կարդացել է Վանի խալդական անձանագրութիւնների մէջ (տես. Zeitschr. für Ethnol. Բելլին, 1899, էջ 116): Պ. Սէյսն ընդհակառակը հաւատացնում է, որ այդ աղբիւրների մէջ երբէք չի պատահել այդ տեսակ անւան, և որ ասորեստանցիների Խալդիա (Խալձիա) անունը նշանակում է Խալդիս աստւած: Այս անունից ամենայն իրաւունքով կարելի է Խալդիսի որդիներին, այսինքն՝ այս աստուծուն պաշտող ժողովրդին անւանել խալդեր, ինչպէս Ասսուրի

աստծուն երկըպագողներին կոչել են Ասսուրիներ .
(Ասորեստանցիներ*):

Դեռ սրանից աւելին՝ Ուրարտու անունը,
որ տալիս են այս ժողովրդի գրաւած երկրին,
աւելի յարմար չէ քան Բիայինա. որովհետև խալ
դերն աւելի շուտ Վանայ նահանգումն են բնակ-
ւել քան թէ Արարատի. սրանք Վան են եկել
իրենց կառավարութեան աթոռը հաստատելու
համար՝ ինչպէս աւելի յետագայում միենոյն
բանը հայերն են անում: Վան Բուանա ձեւ
միջնորդութեամբ Բիայինայից առաջացած մի
ձեւ է:

« IX.րդ դարու կիսում Ուրարտուն բա-
ժանւած էր շատ մասերի»:

Կարծում են, որ Ուրարտուն գտնւում էր
Արարատի և Արաքսի կողքերի վրայ, ... Ուրար-
տու միակ անունն է, որ ասորեստանցիներին
ծանօթ է Վանի թագաւորութեան համար. ա-
սորաբնական (assyriologique) ուսումնասիրու-
թիւնների հենց սկզբին իմացան այդքանը, ինչ-
պէս նաև եփրայեցիների Արարատի և Հերոդո-
տի ալարողցիների հետ նըա ունեցած նոյնու-
թիւնը**...: Մաննայցիներին սկզբում նոյնացնում

*) Հ. Բ. Լինչ. Արմէնիա. II հատ. 56 և 57 եր.

**) Այս արտայայտութիւնը չպէտքէ այնպէս հաս-
կանաւ որ խալդերը հայերի նախնիքներն են եղել,
այլնրանք առաջուց բնակւած են եղել այն երկրում,

էին Վանի ժողովրդի հետ. սակայն՝ Սէյսն ա-
ռաջին անգամ իմացաւ, որ դրանց տեղը պէտ-
քէ Ուրմիոյ լճի մօտերքը լինի: Դրանք երեմիա-
մարգարէի Միննիներն են. ըստ մի աւանդու-
թեան համաշխարհային ջրհեղեղից յետոյ սրանց-
երկրում՝ Մինուասումն է տապանը կանգ ա-
ռել.... Հաւանօրէն այստեղ ազգաբնակութիւնը
չափազանց խառնակւած պէտք է լինէր. որով-
հետև այստեղի լեռները միշտ էլ ապահով ա-
պստարան են եղել բոլոր տարագիրների համար.
և առաջաւոր Ասիան տակն ու վրայ անող գաղ-
թականութիւններից իւրաքանչիւրը այստեղը հարւել
հարւել է դրացի ժողովրդների բեկորների հետէ
Այստեղի ժողովրդների գլխաւոր տարրը՝ դալդիա-
կանը իւր արիւնով պատկանում է Տաւրոսի եր-
կարութեամբ դէպի և Միջերկրականի-
եղեցները տարածւող տոհմերի՝ խալուքների,
մուսխունների, տաբանների, խատինների (կամ հիտ-
տիտ) մեծ ընտանիքին: Այստեղացիներին խալ-
անուն տալը պ. Լըմանն է ցոյց տւել՝ և մինչեւ

ուր յետոյ հայերն են գալիս, բնակութիւն հաստատում:
Մենք տեսանք, որ ինքը Մասպերօն ընդունում է, որ
հայերը գալիս են Փոփոքիայից: — Հետեւեալ տողը, որ
համեմատութիւն է գնում Խալդերի և Քսենոֆոնի ժա-
մանակւայ հայերի մէջ, ամենաշատը կարող է այն
միտքը ծագացնել, որ արդէն ձուլելու սկիզբն է դը-
րւել:

հիմա էլմիայն Ենգէն է առարկութիւններ արել
այս նոյնացման դէմ։ Այս տոհմի լեզւից մեզ
հասած մի փոքր մասը ազգակից է Արզասպի կամ
Միտանի (հիւսիսային Միջագետքում) բնակիչ-
ների խօսած բարբառներից այն փոքր մասին,
որին մենք ծանօթ ենք. և կրօնից նոյնպէս ո-
րոշ նմանութիւններ կարելի է գտնել հիտա-
տական հին պաշտունքների հետ (Ենգէն)։ Բայց
և այնպէս յիշատակարանները, յուշարձանները
այս նախնական հայերի մէջ* ցոյց են տալիս
արդի հայերին բնորոշող գծերից շատերը։ Այս-
տեղից երկում է, որ դրանք բարձր հասակ են
ունեցել, ուժեղ, ծանր, դիմացկուն են եղել,
կուի և աշխատանքի մէջ դաժան, խիստ, իրենց
անկախութեան համար հպարտ. ահա թէ Քսե-
նոֆոնն ինչ է ասում իւր ժամանակւայ խալ-
դերի մասին—Ելέγοντο δέ οἱ Χαλδαῖοι ἐλεύθεροι τέ καὶ
ձλαιμοι εἰναῖ. և նա նկարագրում է (Կիրոպետի)
սրանց ուազմական բարքերը. Սրանց մի մասն ապ-
րում էր խաշնարածութեամբ, տարւայ լաւ ե-
ղանակներին թափառում էր իւր հօտերի հետ,
նայած եղանակներին անցնում էր հովտից անտառ-
ներ, լեռներ խոտ ճարելու հտմար, ապա՝ ձմեռ-
ան ցրտերից ստիպւած սողոսկում էր կէս

*) Մենք տեսանք, որ Ստրաբոնը Խալդերին և
Խալուբներին ազգակից չէ դարձնում, այլ դրանց նոյ-
նացնում է։

ստորերկրայ այն բնակարանները, ուր այժմ էլ
սրանց յաջորդներն են բնակւում (Ե. Ռըկիւ.
Աշխարհ, հ. IX. էջ, 355): Երբ հողը յարմար էր
լինում նրանք հազւագիւտ ճարպկութեամբ մը-
շակում էին և առատ հունձ կորզում։ Նրանք
հնարք էին գտնում առուներ փորելու, սիստե-
մով տիրապետելու ակունքներին և ջրելու ի-
րենց արտերն ու պարտէզները (Բելկ և Լըման)։
Հայկական աւանդութիւնը համաձայն կլասիքա-
կան աւանդութեան հետ այս ջրանցքների շի-
նութիւնը վերագրում է Շամիլամին։ Նրանք
միաբանում էին պատեր քաշելով պահպանել
բուսահողը, որը միշտ պատրաստ էր փուլ կա-
լու իրենց խիստ զառիվայրերի վրայ։ Ինդուս-
տրիան սրանց մէջ քիչ էր զարգացած, գուցէ
բացի մետաղագործութիւնից. արդեօք սրանք բա-
րեկամ չեն պոնտական խալուբներին, որոնց
հանքերն ու դարբնոցներն երկաթ էին մատակա-
րարում յունական աշխարհին։ Սրանց թողած
աւերակների միջից հաւաքել են փոքրիկ ար-
ձաններ, խմելու ամաններ, նուիրական վահան-
ներ, որոնցից ոմանք քանդակւած, փորագ-
ւած են, ոմանք շրուստովին շինւած. սրանց
վրայ կան կենդանիների, անձնաւորութիւն-
ների համակեղրոն գօտիներ, Ասորեստանի
ճաշակով, սակայն՝ հիանալի, գեղեցիկ ոճով և դուշի
աջողակութեամբ, ճարտարամտութեամբ։ Սրանք

բնակւում էին այնպիսի փոքրիկ գիւղաքաղաք-ներում, որոնք մեծ մասամբ ամրացւած էին կամ շինւած հեղտութեամբ պաշտպանւող բարձրութիւների վրայ, ինչպէս օրինակ Վանի և Տօպլաղ-Կալէի բուրգատները։ Սրանց քաղաքները փոքր էին, նոյն իսկ թագաւորական քաղաքները և չէին կարող համեմատւել Ասորեստանի կամ Արամէի քաղաքների հետ։ Այդ քաղաքները սովորաբար փոքրիշատէ ճշտութեամբ գծւած երկար քառակուսու ձև էին ներկայացնում։ Պարիսպները շինւած էին մեծ քարերից, որոնք կոշտ կերպով քառակուսի էին կտրտւած և դըրւած կանոնաւոր շարւածքով, առանց շաղաղի կամ ունէ կապի, պարիսպների գլուխները ժանիքաւորւած էին, կողերը որոշ տարածութեան վրայ ունենում էին քառակուսի աշտարակներ, իսկ ստորոտների ամենավտանգաւոր մասերը ծածկւած էին առանձին շերտով։ դռան հասցնող ճանապարհը նեղ և վտանգաւոր էր լինում, (Բեկ-Լըման)։ Մասնաւոր տները բաւականին պարզ շինւածքներ էին, նման քարից կամ աղիւսից շինւած ուղղանկիւնի տուփերի. արտաքինը մերկ էր, ունէին ցած դռներ, որոնց վրայ երբեմն լինում էր բաց գալերիաներ յենւած կարճ սիւների վրայ. մի տեղը պասակում է բոլորը, կամ յաճախ երկու զառիվայր ունեցող կառւը, որը տեղրատից աւելի յարմար էր ձմռան ձիւնե-

րին և անձրւներին դիմադրելու համար։ Իշխանական տները մասնաւոր բնակարաններից տարբերում էին իրենց մասերի տարածութեամբ և շարւածքի աւելի մանրակրկիտ խնամատարութեամբ, հոգացողութեամբ։ Երբեմն սրանք ունենում էին սիւնազարդ մի ճակատ (Փասաղ), քանդակւած մետաղեայ վահաններով կամ դիսքերով զարդարւած։ սրանների ներսի պատերը զարդարւած էին քարէ սալերով, որոնք ծածկւած էին արձանագրութիւններով։ այս արձանագրութիւններից որոշ չէ թէ արդեօք թագաւորներն իրենց նւիլաբերութիւնների և տարած յաղթութիւնների պատմութեանը կցում էին քանդած միջնաբերդերի և մղած ճակատամարտերին կարագրութիւնն ևս։ Տան շարժական իրերը նմանւում էին նինվէականին առանց առկայն նրա ճոխութեանը, և գուցէ ամենից թանգագին կտորները բերւում էին Ասորեստանից կամ արամէական վաճառատներից։ Տաճարները թւում է, որ շատքիչ էին տարբերւում պալատներից, առնւազն արտաքինը դիտելիս։ Որմնագրութիւնն աւելի կանոնաւոր էր և շարակարգութիւնն աւելի խելօք. գաւթում լիքն էին անագապղնձից, թուճից շինած գինու ամաններ, արձաններ. այս շինքը ամբողջացնելու համար, պէտք է յիշել նաև սեղանները, ընծայաբերութեան, զոհի քարերը՝ կենդանական կամ մարդկային կուռքերը, կըա-

կարանսեր, որոնք նման էին եփրատեան սրբարաններին. սակայն՝ չգիտենք սրանց պաշտամունքների բնաւորութիւնը և մանրամասնութիւնները: Մի բարձրագոյն էակ, Խալդի անունով, կարելի է ենթադրել երկնքի աստւած, պաշտպանում էր ամբողջ ազգը և նրան տալիս իւր անունը, այնպէս ինչպէս Ասսուրը՝ ասորեստանցիներին, կասուն՝ կօսսէցիներին, Խատուն՝ խատիներին. այս աստւածը ներկայ էր լինում երբ օդի աստւած Տէփաբասը և արևի աստւած Արդինիսը կառավարում էին Տիեզերքը. այս գերիշխան երրորդութեան շուրջը պտտում են երկրորդական աստւածների խմբեր. միայն մի արձանագրութիւն դրանցից 46 հատ է հաշուում, որոնցից շատերը միմիայն մի որոշ վայրում էին պաշտուում: Թւում է որ այս պանթէօնն ունէր նաև տեղական աստւածուհիներ. մինչև հիմա միայն մի հատ են գտել, որի անունը Սարբս է և հաւանօրէն Նինվէի կամ Արքելների հշտարի մի փոփոփակն է (variante) յետագայ ժամանակներում ասորեստանցիներից փոխ առնւած (Սէյս, Վանի սեպ. արձանագ.):

Ասորեստանի Ասսուրնազիրաբալ թագաւորն առաջինն էր, որ 379-ից մինչև 870-թւականը կարողացաւ Ուրարտուին ձեռք տալ, նրանից մի մասը խլել. նրանից առաջ նինվէական կայսրութիւնը

*) Մասպերօ. Արև. էին. ազգ. պատմ. հատ. III. էջ. 54—613

չէր անց կհնում արևելեան Տաւրոսն ու Զագրօշը: «Նա գրաւեց այն պարանոցները, որոնք տանում էին դէպի Սրսանիասի (արևելեան Եփրատ, բարձրավանդակի կեդրոնում) Կիրըուրիի (արդի Սասունի լեռները, Վանայ լճի արևմուտքում) և կիլզանի (այժմ Բիթլիս-Սու կոչւող գետի հովիտը) եզերքները»: Ուրարտուի թագաւորութիւնը Շնրան հաւատարմութիւն և հարկատութիւն էր երգելու: Նա ասորեստանցի մարդիկ էր ուղարկում Կիրըուրիում և գրացի երկրներում բնակւելու դրանց լրտեսելու համար: Սրանցից տուրք էր վերցնում զինի, կենդանին եր և պղինձ (Ասսուրնազիրաբալի տարեզրութիւնները. հաւաք. I, 1. 56, 67. հաւաք. II, 1, 15): Ինչպէս իւր բոլոր ստացւածքներում այնպէս էլ այստեղ, «շինում է խնամքով ամբացրւած թագաւորական քաղաքներ... որոնք պաշտօնաւորների համար ամբարներ էին, ուր պէտք է հաւաքէին տուրք ստացած պաշարեղէնները». այսպէս էր Դամդամուսա քաղաքը, շինւած Տիգրիսի արևմտեան եղջիւրի ակունքներից ներքեն. նոյնպէս և նաիրումն էր շինել: Նաիր անորոշ անունով էին անւանում ամբողջ բարձրավանդակը*: Ասսուրնազիրաբալի որդին Սաղմանասար Գ. չբաւականանալով այդքանով աւելի առաջ

*) Մասպերօ. Վեր յիշ. հատ. III. էջ 42 և 49

գնաց դէպի Ուրարտուի խորքերը և ինչպէս երեւում է առանց լուրջ գիմաղբութեան հանդիպելու:

Երեւում է, որ այս երկիրը, ուրայսպէս զանազան ժողովուրդներ էին բնակւած, և որոնցից գլխաւորները և տիրապետողները խալդերն էին, միշտ էլ միկնոյն Ուրարտուանուն չի կրել, Երբ ասորեստանցիները այստեղին տիրեցին Նախը անունով ճանաչեցին. և այս երկրի առաջին թագաւորներից մէկը, Արամէ անունով, իրան անւանում էր թագաւոր Նախը: Սա ուժեղ կերպով կենդրունացած մի պետութիւն չէր, այլ՝ անթիւ փոքրիկ թագաւորութիւնների մի կազմութիւն, որի երկպառակութիւնները նպաստեցին, որ նինվէական կայսրութիւնը վերջնականապէս յաղթութիւն տանի, տիրապետի: Սակայն՝ Խ-րդ դարում Ուրարտուի թագաւորութիւնը կարողացաւ իւր գերեշխանութիւնը հաստատել իր բոլոր դրացիների վրայ, որոնք գտնուում էին Նախը արևմտեան կիսում. այսպիսով Ուրարտուն իւր գիրկն է առնում Արարատ գաւառը, Բիախնա կանտօնը և Արսանիասի կամ արևելեան Եփրատի (Մուրատ-Սու) ամբողջ աւագանը, Կարձում են, որ Խալդերի գրաւած մայրաքաղաքներից մէկը՝ Արգաղունը, որը թագնւած էր մի խիտ անտառի ետև, պէտք է այս գետի ակունքների մօտ շինւած լինի: Ասսուրբանիպալը նոյնքան էր

վախենում Ուրարտուի թագաւորութիւնից որքան Դամասկոսից (Բելկ. «Մաննային թագաւորութիւնը»). Մաննացիները իշխում էին Նախը արևելեան կիսի վրայ). Թուում է, որ Ասսուրբանիպալի իշխանութեան սկզբում կուտիպրիի որդի Սարդուրին կառավարում էր Ուրարտուի ժողովուրդներին. այս միկնոյն թագաւորի իշխանութեան ժամանակ Սարդուրին իրան իբրև յաջորդունեցաւ մեր յիշած Արամէին, որը ամբողջ Նախը թագաւոր տիտղոսն էր կրում: Սա մինչան է, որ երկրի ուժեղը կենկրունացել են. և այդ ուժը խորտակելու համար Ասորեստանի միապետը իւր իշխանութեան 18-րդ տարում ըստիպւեցաւ կոիւ մղել Արամէի դէմ, սակայն՝ առանց համարձակելու Ուրարտուի խորքերը մտնել: Նա անցկացաւ Եփրատը, այրեց կուբը ուն, յետոյ՝ իշաւ Դամդամուզա (գուցէ շինւած էր արդի Տիգրանակերտ և Խարբերդ քաղաքների միջն): Չնայած որ նա անողոք կերպով սարսափ էր տարածում, սակայն՝ այնուամենայնիւ չկարողացաւ ընկճել Ամիտին (Դիարբէքիր): Նա մտածեց գոնէ թուլացնել Միջագետքի այս սահմանագիծը, դրա համար էլ պատերազմի դաշտից 6,000 գերիներ վերցրեց, ուրոնց իրքև մշակ գաղթականներ բնակցրեց Նինվէի մօտ: Ահա սրանք են այն քաջագործութիւնները, որոնցով Ասսուրբանիպալը պարծե-

նում է իւր տարեգրութիւնների (Annales) մէջ։
Սակայն՝ այդտեղ պարծենալու բան չկար, որովհետեւ իւր մեկնումից յետոյ ապստամբութիւնն աճեց՝ հաւանօրէն Արամէի ղեկավարութեամբ։
Ենթադրում են, որ այս Արամէն է եղել Սաղմանասար II ից Կորաիների (Կարդուք, Քիւրդ) և Եփրատի Արամէների արտօնութիւնները, թեթևութիւնները Խողը (Լըման. Sehar. Kischschati)։
Սաղմանասարը կարողացաւ սրան պատժել. նախ՝ ամայացրեց Նրա արևելիան գաւառները և ասլա՝ Սուկունիայի գաւառները. նա հասաւ Վանայ լճին և իւր պատկերը մի ժայռի վրայ փորագրել տւեց։ Քիչ ժամանակից յետոյ՝ երեսում է, որ Սաղմանասարը մի ճակատ ևս մզում է մի ուրիշ Արամէի դէմ, որին չպէտք է շփոթել Ուրարտուի Արամէի հետ. վերջինս հիւսիսային Ասորիքի վրայ էր իշխում։ Այս միենոյն անունը գտնւելով արամէական ժողովրդի երկու ծայրերում հասկանալի է դարձնում այն ազդեցութիւնը, որը յետագայում արամէական քաղաքակրթութիւնը պէտք է գործէր, միւս կողմից՝ հասկանալի է դարձնում թէ ինչպէս Դարէնի պետութեան մէջ պարսկական սեպածն արձանագրութեան հետ միասին արմէական գրութիւն ևս պաշտօնական դարձաւ։
Կարելի է ընդունել, որ հիւսիսային կողմում եղած արամէները շփման մէջ էին հայերի հետ,

երբ վերջիններս յաջորդեցին հիտախտներին։
Յամենայն դէպս Սաղմանասար Բ. իրօք չկարողացաւ հպատակեցնել հայերին, որոնք գեռ ևս Արամէի երկրում չէին *): Տիգրիսի ակունքների կողմերում գտնւած իափափ բնակիչներին պատժելուց յետոյ՝ 845-ին իւր պատկերը փորագրել տւեց Նախում գտնւած այն ժայռի վրայ, որտեղից ժայթքում է Տիգրիսի ակը. սրանից յետոյ գրաւեց Ուրարտուն և աւերեց մինչև Եփրատի ակունքները, ուր, ինչպէս տեսանք, արամէներն էին բնակւում։ Այսպէս էր վերջին պատերազմը, որին Սաղմանասար Պանձամբ էր առաջնորդում։ Սակայն՝ Ուրարտուն ոչ միայն չընկճւեց, այլ և այնպիսի կորովով շարունակեց ապստամբութիւնը, որ մեծապէս ցընցեց գերիշխան մեծ կայսրութիւնը։ Ուրարտուն դիմադրում էր մի արժանաւոր թագաւորի, Սարգուրի Բ.-ի առաջնորդութեամբ, որին Վանայ արձանագրութիւնների մէջ Սէդուրի անունն է տրւած (Սէյս. Վանայ. սեպ. արձանագ.։ Բելկ և Լըմանը ցոյց են տւել, որ այս Սէդուրին կուտիպրի որդի Սարդուրին չէ, որին մենք յի-

*) XIX-րդ դարու վերջին Պ. Մասպերօն կալորդ էր տատանւել այս խնդրի առթիւ։ Այժմ այլա ոչ ոք չի համաձայնւի նրա հետ թէ Ուրարտուի Արամէ թագաւորը հայ է եղել։ Հայերը գեռ այս երկրի հիւսիսում չէին հաստատւել։

շել ենք, այլ՝ մի ուրիշ Սարդուրի է, հաւանօրէն Արամէի որդին): Զնայած որ Սարդուրին Սաղմանասարի Դիանասսուր կոչւած «տարտան»-ից յարձակում կրեց, սակայն՝ յաջողւեց յետ մղել նրան և արգելել յաջորդ տարին վերադառնալ՝ սրա դէմ դուրս բերելով պատինիներին, չհաշւելով դեռ Մասիսի (Միջագետքում) և Բիտքամանի (Ամիտի գաւառ) ժողովրդներին, որոնք հենց սկզբից էին միացել իր հետ: Սակայն՝ 830-ին Դիանասսուրը մոխիր է դարձնում Զապարիան և Մուզագիրի (Ուրմիոյ և Վանայ լճերի միջև) միւս 56 քաղաքները. ապա՝ քանդում, աւերում է բուն Ուրարտուն: Այնուամենայնիւ միշտ էլ ապստամբութիւնը վերածնուում էր. նա խեղդւեց միայն Սաղմանասար Դ-ի մահից երկու տարի յետոյ. այդ մահը տեղի ունեցաւ 824-ին: Ապստամբական խմորումը դեռ ևս շարունակւեց մինչև Սաղմանասար Բ-ի որդի Շամշիրամման Դ, որը ստիպւեցաւ պատերազմ մղել ոչ միայն կայսրութեան ժողովրդների դէմ, այլ՝ նաև արմէնական *) և արամէական սահմանների (marche) ժողովրդների» դէմ, առանց սակայն յաջողւելու ամբողջ երկիրը նորից ձեռք ձգել:

*) Այստեղ նոյնպէս «Արմէնական սահմանագիծը» անձիշտ կերպով գրւած է Ուրարտուի սահմանների փոխարէն:

Որպէսզի այս ապստամբութեանը վերջ տայ 820-ին, իւր «ըաբսաքէ» Մուտարրիզասսուրի ձեռքով 300 քաղաք կործանել տւեց Ուրարտուում: Վանայ արձանագրութիւնները պարունակում են նաև Շամշիրամմա Դ-ի որդի Ռամմանիրարի Գ-ի Ուրարտուում *) տարած յաղթութիւնների պատմութիւննը. այս յաղթութիւններով Ռամմանիրարիի մահից առաջ, 811-ին, Ասորեստանի գերիշխանութիւնը հաստատւեց այնտեղ: Դեռ սա էլ մի գերիշխանութիւն էր, որի դէմ յաղթւածը չէր դադարում բողոքելուց: Ասորեստանը յարմար համարեց 808-ին և 807-ին երկու արշաւանքներ կատարել և նորից գերիներ և աւարներ վերցնել այս երկրից. Ասորեստանը պարծենում է այս յաղթութիւններով, իսկ սրա դիմաց խալդերն իրենց ժայռերի վրայ, իրբեյ յուշարձան, փորագրել են տալիս դէպի վերքարձրացող իրենց միշտ աւելի ու աւելի փառաւոր

*) Այստեղ նոյնպէս պէտք է նկատել, որ Պ. Մասպերօն սխալում է ասելով, որ այս շրջանի դէպքերին վերաբերող գլխաւոր դօկումէնտները մեզ հասել են Ասորիքից և «Հայաստանից»: Պէտք է ասել «Ուրարտուից», Խնդիրը Վանայ գաւառի արձանագրութիւնների մասին է: Այստեղ գեռնս հայեր չէին հաստատւել: Գոնէ մինչև հիմայ ոչ մի հետք չի գտնւել հայերի ներկայութեան: Այս արձանագրութիւնները թարգմանել է Սէյսը. «Վանայ սեպածե արձանագրութիւնները»:

գնացքի խրոնիկը. կարծում են, որ կարելի է նոյնացնել Ուսպինային, որին Շամշիրամման Դ. յիշել է Նախրի յաղթւած թագաւորների շարքում, Սարդուրիս Բ-ի որդի Խսպուխիսի հետ. սա թշնամու նախանձը ամենից աւելի զրգուղ նահանգին՝ Բիանիային դիմագրութեան համար օգնելու նպատակով՝ իւր իշխանութեան աթոռը հաստատեց այդտեղ՝ Տուսպանան (հայերէն Տոսպ՝ Վան) դարձնելով իւր սիրելի աթոռանիստը (Բելկ և Լըման. Chald. Forech.). Յատկապէս սրա որդին Մինուասը, որը հէնց իւր հօր կենդանութեան ժամանակ դահակից էր, Ուրարտուի գօրութիւնը իւր գագաթնակէտին հասցրեց, այնպէս որ գրանով մեծ հոգ պատճառեց ասորեստանցոց, որոնք վճռեցին միանգամ ընդ միշտ իրենց հաշիւը մաքրել: Բազմաթիւ յաղթական մենակոթողներ (stele), որոնք ունին խալդական և երբեմն էլ դեռ ևս ասորեստանեան սեպաձև արձանագրութիւններ, պատմում են սրա յաղթանակները, որոնցից ամենահոչակաւորներն են՝ Կիլիմինի (Զակրոշ լեռների մէջ) և Թօուանտէղ անցքին (Նինվէի հիւս.-արևելք): Հաշւած դեռ Վանայ ժայռի վրայ փորագրւածները, նա աւերեց և հպատակեցրեց Ուրմիոյ լճի, Քիւրդստանի, վերին Զաւի (ըստ Թօուանտիզի մենագրների. թագմ. Սէյսի) գաւառները:

Զնայած Ռամմաննիրարի Գ-ի մղած երեք

պատերազմներին, 802-ին, 792-ին և 785-ին, այնուամենայնիւ ուրարտացիներն միշտ էլ շարունակում էին առաջանալ. նրանք գրաւեցին ստորին Զաւը, Խուբուշմիան (Զակրոշի մէջ, Նինվէի և Ուրմիոյ լճի միջև), այնուհետև Արանիասի ամբողջ հսկիտը. նրանք նոյնիսկ տուրք վերցրին Մելիտէնից (Պալուի արձանագրութիւնից): Յայտնի չէ թէ ինչ է արել Մինուասը արևելքում, սակայն՝ իւր տիրապետութեան հետքերը թողել է հիւսիսում և արևեմուտքում Արմաւերի (Արարատի հիւսիս-արևի.) և Էրզրումի յուշարձանների վրայ: Այս վերջին քաղաքը հին ժամանակներում գոյութիւն չունէր, սակայն՝ նրա պտղաբեր գաւառը միշտ էլ լիքն էր գիւղերով. Մինուասը ալստեղ մի պալատ է շինել: Վերջապէս՝ նա հպատակեցնում է Էտիառասը (Արարատի հիւսիսային սահանքը) և Մաննաին (Ուրմիոյ լճի աղևմտքում). այս տեղերում շինումէ քաղաքներ, դղեակներ և գաղութներ հաստատում: Արա թագաւորութիւնը տարածութեամբ հաւասար էր Ասորեստանին, իսկ ընակչութեամբ պէտք է նրանից գերազանցէր: Նա նմանւեց իւր մեծ հակառակորդին վերցնելով նրանից արևեստները, նրա ճոխութիւնը և աղմինիստացիան. միւս կողմից՝ այդ հակառակորդի առաջ բերգերի մի շղթայ քաշեց, որը համարեա թէ անընկճելի էր: Յատկապէս Վանը

իւր ոյժն այս թագաւորին է պարտական, որը կարողացաւ լճի եղերքում կղզիացած հրաշալի ժայռից օգտւել։ Ռամմաննիրարիից քիչ առաջ մեռնում է սա. որա մահւան թւականը 784-ն է համարում։ Սրա Արդիստիս որդին իւր արժանիքների պատճառով յաջորդ է դառնում և իւր նշանաւոր գործերը փորագրել տալիս վանայ ժայռի վրայ («Սէյս»). Արդիստիսի արձանագրութիւնները Վանայ ժայռի վրայ)։ Այստեղ պատմւած է իւր իշխանութեան առաջին տարիներում մղած տասնուշորս պատերազմները. ամենից առաջ պատերազմում է Արաքսի հիւսիսում գտնւած լեռների ժողովրդների դէմ այս կողմից իւր հօր ջանքերը պսակելու համար. ապա՝ աւերում ապստամբ Եղիառուը, ինչպէս նաև Ուրմին (հաւանօրէն Արաքսի ձախ ափին և ոչ թէ Ուրմիոյ լճի մօտ. ըստ Սէյսի. Վանայ սեպագիր արձանագրութիւնները. հատ. XIV. էջ 611). այս արշաւանքներից գլխաւորները կրում են 784-ից 782 թւականը և վերջանում Ասորեստանի դէմ մի կատաղի պատերազմով։ 782-ին Սաղմանազար Դ. յաջորդել էր Ռամմաննիրարին. սա Բաբելոնի արամէներին համարեա թէ ընկճելուց յետոյ անհրաժեշտ գտաւ ճարպիկ կերպով կազմակերպւած մի արշաւանքով սկիզբ դնել Ուրարտուի դէմ պատերազմելուն։ Սրա և Արդիստիսի մէջ եղած կոիւր երկարեց

782-ից մինչև 778 թւականը։ «Արդիստիսն իսկապէս յաջորդեց. և իր առաջադիմութիւնը թէկ միշտ դանդաղ էր, սակայն՝ երբէք կանգ չէր առնում»։ Նա սկսեց Ասորեստանին վասալ հիստիտական իշխանութիւնները ապահովել մինչև Միլետէն (Արդի Մալաթիա գաւառը), յետոյ 780-ին Բիթլիս գետի աւազանում պատերազմ մղեց, այսպէս որ 779-ին նա շնորհակալութիւն յայտնեց իւր աստւածներին, որոնք Ասսուրի քաղաքները և բնակիչներին իր ձեռքն էր մատնել (Սէյս. ibid. էջ 582—685). սա. յետոյ Ուրմիոյ աւազանի նահանգները ասպատակելով 778-ին Սուրիզիդասում կատարելապէս յաղթեց ասորեստանցիներին, այսպէս որ սրանք մի տարով ստիպւեցան յետ քաշւել: Երբ սրանք 776-ին նորից եկան փորձելու իրանց ուժը՝ նորից յաղթեցին և Արդիստիսը քշեց սրանց դէպի Ամանուսը (հիւսիսային Ասորիքում), որպէսզի ասորեստանցիների բացակայութիւնից օգտւելով իրան ենթարկի Ուրմիոյ լճի հարաւային և արեւելեան կողմերում սեղմւած բոլոր պետութիւնները. վերջապէս՝ Նամրիում, 774-ին, յետ մղեց Սաղմանազար Դ-ի վերջին յարձակումը։ (Սէյս, նոյն. էջ 602—609): Արդիստիսը սրանից քիչ աշխատանք չուներ իւր թագաւորութեան ժողովրդներին ընկճելու համար։ 771-ին Մաննուի ոյժը կոտրելուց յետոյ՝ իւր ամբողջ զօրութիւնը

կեդրոնացրեց Եղիառւսի դէմ, որը Արաքսի հիւսում ապստամբ ժողովրդների գլուխն էր անցել։ Սրանց ճանաչել տեսց իրենց պարտականութիւնները աւարի առնելով իշխեկուլուսը (Արդի Ալեքսանդրովի գաւառը) և դրացի նահանգները (Սէյս. նոյն. էջ 616—631) *):

Ուրարտուի այս հերոսների քաջագործութիւնների համառօտ պատմութիւնը մեզ հետաքրքիր երևաց նրա համար, որ այդտեղ մենք տեսնում ենք հայերի տիրապետութեան հեռաւոր մի պատրաստութիւն։ Հայերը, որոնք երբէք պատերազմի չէին բռնւել, չպէտք է կարողանային ընկճել այդ հազարաւոր փոքրիկ իշխաններին, եթէ դրանք մինչև հայերին հանդիպելը անկախ մնային։ Նահանգի միութիւնը կատարեալ դարձաւ ոչ թէ խալդ թագաւորների շընորհիւ, որոնցից այսուհետեւ շատ քչերը կհամեմատւեն իրենց նախնիքնների հետ, այլ՝ ասուրեստանցիների, որոնք Տիկլատբալազար Գ.ի ժամանակ նոր կորով էին ստացել։ 734-ին և 733-ին Ասորիքին ու Պաղեստինին տիրելուց յետոյ՝ այս զօրեղ միապետը մտածեց ապահովել իւր յետելի կողմերը, դրա համար էլ նախ՝ Մարաստանը հնազանդեցրեց և ապա՝ արդէն իրան ձեռնահաս համարեց արշաւել Ուրարտուի

նեցաւ. տաս տարուց յետոյ Եփրատի և Միջերկրականի միջև տարածւած բոլոր արամէներն ու հիտափիտները հնազանդուում էին Սարդուրի Գ.ին՝ չնայած որ Տիկլատպալազար Գ. դրանց վրայ նայում էր իբրև Ուրարտուի գաշնակիցների։

Ասորեստանցիներն անհանգիստ լինելով այս դրացիութիւնից և աւելի հեշտ համարելով Ասորիքում կուել քան թէ Ուրարտուի լեռներում, ուստի՝ գալիս են Որոնդէս գետի աւազան Սարդուրիսի վրայ յարձակելու և աշխատելու այդպիսով Սարդուրիսի գաշնակիցներին ևս ընկճել։ Անսպասելի էր այս յանկարծակի հարւածը, Սրպատ մայրաքաղաքն առնւեց, ապա՝ Սարդուրիսը պարտութիւն կրեց մի ճակատի ահեղ իրարացման ժամանակ, որը տեղի ունեցաւ եփրատից ոչ հեռու, Կիստանի և Խալալիի միջև գտնւած կումմուխի կեդրոնում։ Մատակ ձի նստած—ծիծաղելի, անարգական էր այսպիսի ձի նստելը—փախչում է Սարդուրիսը պատերազմական կառքը և բանակը թշնամու ձեռքը թողնելով։ Այստեղ Սարդուրիս կորցնում է 73,000 մարդ, գերի ընկած կամ սպանւած, չհաշւելով դեռ ծառաներին և բանակի կարգ ու սարքը։ Տիկլատպալազարը տեղն ու տեղը այրեց յաղթւած թագաւորի կահ կարասիքը, բացի անկողնուց, որը նւիրեց իշխար աստւածուհուն։ Սա-

*) Մասպիծո. վեր. յիշ. հատ. III. էջ 99 110.

վրայ, որը համարեա թէ Ասորեստանի չափ գօրեղ էր դարձել: Եւ իրօք՝ այս երկրի թագաւորը, Սարգուրի Գ, իւր իշխանութիւնը տարածել էր մինչև հիւսիսային Ասորիքը. սակայն՝ նա սխալւեց երբ Մինուազների և Արդիստիսի յաղթած երկիրների կազմակերպութեան վրայ հոգս չտարաւ, չնայած որ երբ դեռ ինքը ժառանգ էշխան էր Եղիառուսի և Մաննայի կառավարիչ տիտղոսով՝ մասնակցում էր այդ յաղթութիւններին՝ իւր բնակավայր Լուսունիսից (արդի Արմավիրը) ընկճելով Արաքսի և Կուրի միջև հաստատած բարբարոսներին. 760-ին թագաւոր գառնալով՝ Արաքսի և Ուրմիոյ լճի միջև հաստատած ժողովրդներից հարուստ աւար և մեծ թւով զօրք վերցրեց: Նա խոհեմութիւն համարեց չյարձակւել Ասորեստանի սահմանի վրայ, այլ՝ աւելի առաջ գնալ դէպի արևմուտք և Մելիտէնի վրայ յարձակւել, որի շատ քաղաքներ և յատկապէս Միլետ (Մալաթիա) մայրաքաղաքը գրաւեց 758-ին: Հաւանօրէն յետագայ 766-ի կամ 755-ի մօտերքն իջաւ Ասորիք: Այստեղ իրան դաշնակից դարձրեց Բիտ-Ակուսի թագաւորին, որի մայրաքաղաք Արպատը Ասորեստանի դէմ դաշնակիցներ էր որոնում: Ասորեստանցիների գլխաւորը՝ Ասուրնիրարին 754-ին ջանաց իւր գերիշխանական իրաւունքները ճանաչեցնել սակայն՝ յաջողութիւն չու-

կայն՝ այս թագաւորն էլ համարեա թէ նոյնքան վնասսեց այս մեծ հարւածից, որքան Սարդուրիսը: Ասորիքի բնակիչները հաւատարիմ մնացին այս վերջինին և քաշւելով իրենց լեռները վրէժխնդրութեան էին պատրաստւում: Ակուսի յաղթւած թագաւոր Մատիլուն վրէժխնդրութեան յուսով դեռ երեք տարի էլ դիմադրեց ասուրեստանցիներին, սակայն՝ օգնութիւն չստանալով 740-ին ստիպւեց անձնատուր լինել, որից յետոյ գահընկեց եղաւ: Սարգուրիսի այս անգործութիւնն իրա համար կորստաբեր եղաւ: Ուրարտուի դաշնակիցները կորցրին իրենց վատահութիւնը դէպի Սարդուրիսը: Ասորեստանցիները նախ՝ 739-ին խլեցին նախը մի մասը և այստեղ մի բերդ շինելով՝ 736-ին գրաւում են նալ կանտօնը նախը մուտքը պահպանելու համար...: Տիկղատպալասարը պատրաստ էր ամենաբարձր մասն ևս գրաւելու փորձն անել. 735-ին գալիս, պաշարում է Սարդուրիսին իւր Տուսպանա (նշանակում է Վանայ բերդ) մայրաքաղաքում: Այսօրւայ նման այդ քաղաքը կրկնակի էր և որովհետև հայերը պէտք է դրան պատահեն այնպէս ինչպէս որ կար, ուստի օգտակար ենք համարում բառացի մէջ բերել բնագրի նկարագրութիւնը: «Դուսպանան իսկապէս երկու միմիանց հետ միացած քաղաքներից է բաղկացած. սրանցից մէկը տարած-

ւում է դաշտի մէջ Ալախի ափին և լծի ուղղութեամբ. նա շրջապատւած է պտղաբեր պարտէզներովկելիլաներով, ամառը ժողովուրդը գնում է այստեղ ուրախ կեանք անցկացնելու: Այս քաղաքն իւր թիկունքով յենւում է փոքրիկ խեցիներից առաջացած կրային մի զանգւածի վրայ, որը կղզիացած է և սպիտակ ու կարմիր գոյն ունի. այս զանգւածի պատերը ճեղքւածներ ունին, փորւած ծակեր կամ ուղիղ մինչև ամբողջ բարձրութիւնը հասցնող այսեր: Այն բարձրավանդակը, որով այս քաղաքը վերջանում է, իւր ամենաբարձր կէտում հարիւր մեթը բարձրութիւն ունի. նա երեք հարկ առաջացնող գլխաւոր տերրասներից է բաղկացած, որոնցից իւրաքանչիւրը կատարելապէս կղզիացած է միւս երկուսից և կարիքի դէպքում կարող է ծառայել իբրև մի առանձին բերդ: Սերնդից սերունդ իսպուխիսը, Մենուասը, ինքը՝ Մարդուրիս Գ. աշխատել են անասիկ դարձնել այս բարձրավանդակը և յաջողւել են: Սա մատչելի է միայն արևմտեան կողմից, որտեղից մի տեսակ նեղ կածան անդունդի վրայով աստիճանաբար ստորոտից բարձրանում է մինչև զագաթը: Այսթագաւորները մի քիչ կանոնաւորում են բարձրավանդակը նրա կողքին պարիսպներ քաշելով և աշտարակներ շինելով, որոնք իշխում էին ամբողջ երկարութեան վրայ. ապա՝ պլատ-ֆօրմե-

ըի վրայ բարձրանում են մի միջնաբերդ, մի պալատ, տաճարներ, վաճառանոցներ, ուր կիտում էին այնքան գէնքեր ու պաշարներ, որոնք բաւական էին սովորական մի թշնամու համբերութիւնը հատեցնելու. միայն մատնութիւնը կամ երկարատև, ահոելի մի ոմքակոծութիւն կարող էր ընկճել սրանց: Տիկլատբալագարն անհնարին համարեց այդ բերդի գրաւումը և բաւականացաւ դաշտավայրը աւարի տալ ու նինվէ վերադառնալ հարուստ աւարով: Մրանից յետոյ Մարդուրիսը մնաց պահպանողական այս դիրքի մէջ:

Յաղթողը տեսաւ, որ անհնարին է Ուրարտուն վերածել վածսալութեան: Մինչև այս թագւորի և Մարդուրիս Գ.ի մահը, 730.ին, Ասորեստանը հրաժարեց այդ մտադրութիւնից: Նոյնպէս էլ վերջինիս որդի Ռուզասը զգուշացաւ Սաղմանասար Դ.ին անհանդստութիւն, կասկած պատճառել: Սակայն՝ երբ Մարկօնի, նինվէի գահը բարձրանալով տեսաւ, որ ստիպւած է ուժով ընկճել իւր աւատառուներին՝ գերազանց համարեց կռիւները, յաղթութիւններ տանելը. մանաւանդ որ իրան ցոյց տիւած ընդդիմութիւնները Ուրարտուում սրտեր էին վառում, մտքեր պղտորում: Ռուսասը Զիկարդուի (Հերտոտի Սակարդացիները, այն երկրում, ուր շուտով պէտք է առաջ գային մարերը) մաննաւերկարութեան վրայ.

իցիների, տաքալների և նոյնիսկ Ասորիքի խատիների (հիտափ) հետ միասին գաւաղրութիւններ սարքեց. նրան յաջողւեց սահմանի վրայ գտնւած շատ բերդեր ասորեստանցիների հպատակութիւնից դուրս քաշել: Սարկօննկատելով, որ այս շարժումը կապ ունի սկիւթների և կիմմերցիների արշաւանքի հետ, յարձակւում է այս վերջիններիս վրայ և մի այնպիսի թափով յետ մղում նրանց, որ Ռուսասը այլ ևս չը համարձակւեց նրանց օգնել: Սակայն Ռուսամն սպասում էր աւելի լաւ պատրաստելու նպատակով: Սրան հարկաւոր էր մաննախցիների աջակցութիւնը, որը վերջապէս՝ 716-ին ձեռք բերեց. նա սրանց թագաւորին սպանել տւեց, որպէսզի մի վստահելի մարդու, ծագմամբ օտար թակադատատիի հրամաններին ենթարկւեն: Այս ինքնակոչ միջամտութիւնից չարիքներ ծագեցին: Սարկօն թակադատատիին ծեծեց և կենդանի մեխեց: Այս անարգանքը զրգուեց Ռւբարտուի և զրացի երկըրների իշխանների մեծամասնութիւնը, որոնք միացան Ռուսասի հետ: Սարկօնը ճարպկութեամբ երկուսի բաժանեց սրանց ուժը Մաննային այնպիսի անսպիռութեամբ աւերելով, որի բնակիչները սարսափահար եղած հպատակութիւն խոստացան: Սրանից յետոյ՝ մնում էր դէպի հիւսիս գնալ և դաշնակիցներին մէկը միւսի հետեւց ջախջախել: Սակայն՝ հիւսիս արեմուտքը դեռ

շարժւում էր, ուր Սարկօն ստիպւեցաւ յաջորդաբար քսաններկու բերդեր ընկճել. սակայն՝ այս բերդերը վերականգնեց ի նշան Ռուլուսումութագաւորի հետ խաղաղութիւն հաստատելուն. և այս խաղաղութիւնը յանձն առաւ Ռուլուսումուն այն պատճառով, որ գիտէր թէ հսարք չկայ այս թագաւորի իշխանութեան լծից ազատւելու: Սարկօն ուղում էր նաև միւսներին հասկացնել, որ իր իշխանութիւնից անհնարին է դուրս գալ, դրա համար էլ 714-ին ընկաւ Ռուսասիսի ետեից, որին հասաւ Ռւապուշ (տեղը անորոշ է) անցքերի մօտ, ջարդեց նրա բանակը և ստիպեց իւր հօր Սարդուրիսի ամօթաբեր օրինակին հետևել, այսինքն՝ մատակ. ձի նստած փախչել: Ամբողջ երկիրն առանց ընդդիմութան հնազանդեց, քացի Մուզազիրից, ոըը նոյնպէս ստիպւած, եղաւ շուտով հպատակւել: Ռուսասը բոլորից լքւած լինելով դաշունահար է լինում, իսկ Սարկօն՝ այլևս ոչ ոքից վախ չունենալով կանգ առաւ: Արդիստիս Բ. իրօք իւր հայրական թագաւորութիւնը վերանորոգելու փորձը չարեց. զգում էր, որ իւր վասալներն ու դրացիներն ընկճւել են և ծարաւի են խաղաղութեան: Առանց ձեական դաշնագրի կարիք զգալու՝ Ռւբարտուն Ասորեստանին հանգիստ թողեց: Ռուսասի ամբողջ գործը այն եղաւ, որ ամրացաւ Եփրատի ակունքների վրայ և Վանայ գաւառում: Եթէ այս իշխանի կողմից յարձակ-

ման որոշ գործեր եղած լինեն, դրանք պէտք է սահմանափակւած լինեն Միջագետքի հիւսիսը թալանելով՝ առանց նպատակ ունենալու այդտեղ հողեր գրաւելու։ Սարկօն Գ. մեռաւ առանց կասկածելու ապստամբութեան մասին. նա 706-ին Մաննաիի և Ուրարտուի վերահսկողութիւնը յանձնեց իրան յաջորդող որդուն՝ Աէռախէիր բախն (Մեննաքերիթ)։ «Սարկօն Ուրարտուն և Ելամը անզիթօրէն աւերակ գարձեց համոզւած լինելով, որ այդ ազգերը երբէք չեն ձուլուի յաղթողի հետ. այնինչ նա չափազանց հոգս էր տանում այն ազգերի բարեկեցութեան համար, որոնք կարող կլինէին Ասորեստանի հետ ձուլել»*.

Մրանից յետոյ արդէն Ուրարտուն մի փոքրիկ, անզօր թագաւորութիւն էր. նրա վերջին թագաւորներն այնքան թոյլ են եղել, որ համարեա թէ ոչ մի տեղեկութիւն չկայ նրանց իշխանութեան դէպքերի մասին։ Յայտնի է միայն, որ VIII դարու վերջին, Արդիստիս Բ.-ի ժամանակ (714—685), սկիւթացիները գրաւեցին Արաքսի արեելեան աւազանը և նոյնիսկ Մաննայիի որոշ կանտօնները։ Մրա յաջորդները՝ Ռուսաս Բ.-ը և երիմենան աւելի բան չարին սրանց աւազակութիւնները արմատախիլ անե-

*). Մասպերօ. վեր. յեշ. հատոր. III. էջ. 247-250 և 251. 272

լու, վերջացնելու համար։ Մրանք բաւականացան անընկճելի բարձունքների վրայ պալատներ շինելով և ապրելով այդտեղի պարտէզներում, որոնք ոռոգւում էին մեծ ծախքով շինւած ջըրանցքներով։ Բաւական է յիշել վերջին թագաւորներին՝ Ռուսաս Գ.-ին, Սարդուրիս Գ.-ին, իրկուասին և վերջացնել այս թագաւորութիւնը, որը նոյնքան ընկած էր, որքան նիսվէին, որի անկումը տեսաւ իրկուասն առանց կարողանալու օգտւել այդ զրութիւնից։ Ուրարտուցիներն իրենց կրած սարսափների ազգեցութեան տակ դեռ ևս երևակայում էին, որ իրենց յաղթողը գեռ կենասունակ է, որովհետև Սարդուրիս Գ. ակնածութեան մի ակտ է կատարում յայտարարելով իւր գահ բարձրանալը Ասսուրբանիպալին*։ Այս երկու աշխարհներն էլ քայլքայման մէջ էին և պատրաստ էին ենթարկւելու նորեկ ների արշաւանքին։ Այս նորեկները մարերն էին, որոնք քաղաքականապէս տիրապետեցին, երբ հայերը գաղութներ էին հաստատում Ուրարտուում։

Ուրարտուի և Նիսվէի թագաւորների համեմատական ցուցակը:

*) Հստ Ա. Վերերի, Կաթոլիկ եկեղեցին հայաստանում. էջ. 6.

Արամէ . . .	860-843	Ասսուրնազիրհաբալ	883-860
Հուտիպրիս . . .	843-835	Սալմանասար	Դ. 860-825
Սարդուրիս Ա. . .	835-820	Սամսի-Ռաման	Դ. 825-812
Իսպուխիս . . .	820-800	Ռամաննիրարի	Դ. 812-783
Մենուսա . . .	805-780	Սաղմանասար	Դ. 783-772
Արդիստիս Ա. . .	780-755	Ասսուրդան	Դ. 772-754
Սարդուրիս Բ. . .	755-730	Ասսուրնիրարի	Գ. 754-745
Ռուսաս Ա. . .	730-714	Տիկղատպալազար	745-727
Արդիստիս Բ. . .	714-685	Սաղմանասար	Ե. 727-722
Ռուսաս Բ. . .	685-675	Սարկոն Բ. . .	722-705
Երիմենա . . .	675-670	Մինսաքերիբ	. 705-681
Ռուսաս Գ. . .	670-645	Ասսարհադոն	. 681-668
Սարդուրիս Գ. . .	645-620	Ասսուրբանիպալ	668-626
Իրկուսա . . .	620-600	Սարդանապալ	. 626-608

❖ Հայերը կարողացան Վանայ լճի չորս կողմում խալդերի տեղը բռնել և աւելի դէպի հիւսիս, մինչև Արաքսի հովիտը գնալով յետ մղել խալդերին այն հանգամանքի շնորհիւ, որ պարսից թագաւորութիւնը դանդաղ քայքայման մէջ էր և չէր կարող իւր վասսաների ծաւալումը, ուժեղանալն արգելել: Օխօսը կարողացաւ Արտաքսէրքսէսին յաջորդել (358) միայն մի շարք վայրագ եղբայրասպանութիւնների միջոցով: Սրան յաջողւեց մի բոպէ կեանք տալ այդ մահամերձ անսահման կայսրութեանը, որի ոգին միայն թագաւորն էր. սակայն՝ Դարէհ Մեծի հաստատած ուժեղ կառավարութեան երջանիկ ժամանակներն արդէն անցել էին: Ծատ սատրապներ պարսաւելի դիրք էին բռնում և դառնում

իսկական փոխ-արքաներ: Ծատ ժողովուրդներ, յատկապէս ելամիտներն ու ուրարտացինները, համարեա թէ անկախ էին ապրում իրենց լեռներում. թւում է, որ հայերն այս թուլութիւնից օգտւելով առաջին քայլն արեցին կազմակերպելու համար իրենց քաղաքական ազգութիւնը: Օխօսի իշխանութեան ժամանակ հայերը վերջացնում են իրենց գաղթականութիւնը կամաց-կամաց բռնելով այն բարձրավանդակները, որտեղից արդէն խալդերին քշել էին և հասցըել Արարատի հիւսիսային կողմը: Սրանց տեղը «ծաղկում է Հայաստանը, որի իշխանները գաշնակից էին Աքիմինիտ ընտանիքին և չնայած իսկական թագաւորական իշխանութիւն ունէին, բայց՝ սատրապ համեստ տիտղոսն էին կրում (Լընօրման. Պատմութեան սկզբները. հատ. 1 էջ 370): Սրանց շնորհիւ իրանի կրօնները, բարքերն ու սովորութիւնները տարածւում էին Փոքը-Ասիայի արևելեան սահմանագծերում: Դրանք թափանցում էին Ալիւսի և Իրիսի աւազանները, կապադովկիան, Տաւրոսը (ամեն տեղ, ուր հայեր կային). այս հանգամանքի շնորհիւ այդ տեղերում հաստատում էին կայսրութեան պաշտօնական գրութիւնների գործածութիւնը. պարսկական և արամէսկան սեպագրերը դրանք գործածում էին հասարակական վճիռների կամ արձանագրութիւնների համար և գրում փողե-

ըի վրայ»։ այսպիսով հելենական ազդեցութիւնը, որը տարածւել էր մինչև Ալիւսի արևմտեան կողմերը, չէր կարող դեռ ևս ազդել Հայաստանի վրայ։

Սակայն՝ հելենիզմը շուտով վրէժինդիր պէտք է լինէր։ Օխօսը թունաւորւում է մի իսկական Բակօասի (336) ձեռքով։ սրա տեղ թագաւորում է իւր որդի Արտէսը, որին Բակօասը մի քանի ամսից յետոյ ոչնչացնում է։ Անչափ սպանութիւնները ոչնչացնում են Աքիմենիտների ընտանիքը։ Կարծում են, որ Կոդոմանը այս ընտանիքի վերջին շառաւիզն է։ Բակօասը կարծում էր, որ Կոդոմանը Դարէհ Բ.ի թոռան թոռն է, գրա համար էլ թագաւոր դարձրեց հէնց Դարէհ անունով (Դարէհ Գ. Կոդոման. 339—330) յոյս ունենալով իւր նպատակներին ծառայեցնել։ Այս ծննդաբանութիւնը պարզ չէ։ ոմանք հաւաստիացնում են, որ Կոդոմանը իւր երիտասարդ հասակում սուրճանդակի պաշտօն ունէր։ Յամենայն դէպս Օխօսը սրան Հայաստանի վրայ սատրապ էր նշանակել ի վարձատրութիւն իւր քաջութիւնների։ Սա վերջում թունաւորում է իւր բարերարին, որը իւր հերթին ուզում էր սրան թունաւորել։ Ապա՝ նա միջոցներ է ձեռնարկում, որքան հնար է, յետ մղել Փիլիպպոսի և Աղէքսանդրի յարձակումները։ Մակեդոնական արշաւանքները գրաւել էին այս նոր թագաւորի

ուշադրութիւնը այդ պատճառով անկարող էր իւր ոյժը դարձնել իւր կայսրութեան մէջ գտընւած ժողովուրդների գէմ, որոնց փառասիրութիւնը գնալով աճում էր։ Հայերն այս դրութիւնից օգտւեցին իրենց ազատագրութիւնն առաջ տանելու համար։

Սակայն՝ հայերն այնքան էլ ազատ չէին դեռ, որ չմասնակցէին պարսիկների մղած պատերազմներին։ Իսոսոի ճակատամարտում Աղէքսանդրը իւր արշաւանքին իզուր դիմադրող ժողովրդների զօրքերի շարքում գտաւնակ հայերի վաշտերը։ Այնուհետեւ երբ Աղէքսանդրը Ասորիքը, Եգիպտոսն ու Բաբելոնը գրաւեց՝ Ասորեստանում, Արբելայի դաշտերում պատերազմ մղեց, ուր հայերը պարսից կայսրութեան ամենաընտիր ուազմիկների հետ միասին կուտակւած էին նրա գէմ։ Սակայն՝ հայկական զօրքը շատ չէր. նա հասնում էր 4,000 հետեւակների և 700 հեծեալի*։ Հայերն այդ ժամանակ հասկացան այդ յոյների գերազանցութիւնը, որոնց անխոցելի զօրքը, իմաստուն տակտիկան, անդիմադրելի յանդգնութիւնը ցոյց էր տալիս մի մաքուր, նըբացած, զտւած քաղաքակրթութիւն։ Երբէք չի տեսնել մի փոքրիկ ժողովուրդ — իսկապէս անծանօթ հելլատային — որը սակայն

*) Georg. Kart. Աղէքսանդրի պատմութիւն. հատ. 1. էջ 272.


յունական ոգով տոգորւած այնքան մեծ հարւածներ կարողանար տալ և վերին աստիճանի խելօք կերպով իւր յաղթանակը կազմակերպէր։ Պարսկական կայսրութեան քայքայումը հնարաւորութիւն տւեց հայերին առաջին քայլն անել իրենց այն վերելքի, որին պէտք է հետևէին. հայերը հակառակ իրանց դիմադրութեան շփուցին այն վերանորոգող նոր տարրի հետ, որը նոր էր ասպարէղ իջել։

Այնուհետև իսկապէս հելլենական տիրապետութեան տակ ապրեցին հայերը մինչև որ իրենց անկախութիւնը ձեռք բերին։ Հայերն այլ ևս վախ չունէին պարսից լուծը կրելու, որովհետև Դարէն Գ. Կավկամելայի (Արքելայ կոչւած պատերազմի դաշտը) դաշտերից փախչելով չկարողացաւ ընկճել իւր պաշտօնատարների անհնագանդութիւնը, որոնցից 330-ին ինքը սպանւեց։ Սրա հետ միասին վերջնականապէս ընկնում է պարսից մեծ կայսրութիւնը։ Սրան սպանողներից մէկը՝ Բեսսոսը Արտաքսերքսէս Դ. անունով գահ բարձրացաւ և հաւակնութիւն ունէր վերականգնել կայսրութիւնը, սակայն՝ Պաղոմէոսը հետևելով սրան սպանել տւեց։ Եւ երբ մի մար այս միենոյն փորձը ուզեց փորձել Հայաստանի սատրապը նրան խելքի բերեց՝ գերելով և Աղէքսանդրին յանձնելով։*

*) Փ. Խւատի. Իրանական Փիլօգիայի հիմունքները. հատ. լլ. էջ 474

Հայաստանը ազատւեց մի ուրիշ վտանգից ևս՝ պարթևներից. այս նորեկները բաւականացան Աղէքսանդրի կայսրութեան հարաւային և արեւելեան նահանգները կուլ տալով։ Կեղրոնը շատ լաւ պաշտպանւած էր Աղէքսանդրի նշանակած Սելկոսի և իւր յաջորդների շնորհիւ։ Բացի այս հայերը պարթևների որրանից բաժանւած էին Մարաստանով։ Պարսկական այս թափառաշրջիկ տոհմը համարեա թէ նստակեաց դառնալով և զրադաշտական կրօնը ընդունելով նախ ենթարկ ւեց Անդրակորասի սատրապութեանը. Անդրակորասին Աղէքսանդրն էր նշանակել սատրապ. սակայն՝ պարթև իշխաններից մէկը՝ Արսակեսը սպանեց յաջորդ սատրապին՝ Պերիկլեսին, ապա՝ երբ ինքը պատերազմում ընկճւեց, իւր եղբայր Տրիդատը (երբ հայերն այս անունով թագաւոր են ունենում արտասանում են Տրդատ) 247-ին հիմնեց պարթևական թագաւորութիւնը և Զատրակարտանն էլ մայրաքաղաք դարձրեց։ Այս ժամանակից սկսում է նոր թագաւորութեան ծաւալումը նախ՝ դէպի կասպից ծովի հարաւային կողմում և ապա՝ Միջագետքում. շուտով մենք կտեսնենք, որ հայերը և սրանք ընդհարւում են։ Հայաստանը սրանց համար ակրէսիվ դրացի էր և ոչ թէ ուղղակի թշնամի. և քանի որ հայերը ժամանակ ունեցան ամրապնդւելու, հաստատւելու, ուստի՝ կարող կլինէին աւելի ըն-

դարձակւել ի վնաս պարթևական խիստ արագ
յաղթանակների, որը կատարւեց իւր սահմաննե-
րի վրայ: Հայաստանն այսպէս կարողանում է
վերջնականապէս դէն ձգել թուլացած Սելե-
կեանների գերիշխանութիւնը մինչև որ հռո-
մայեցիներն են գալիսնրան մի աւելի զօրեղը տա-
լու: Սրանից յետոյ՝ այս արկածների մանրա-
մասնութեանը կանցնենք, որոնք բռնում են մեր
թւականից առաջ եղած երեք վերջին դարերը:






Վերջին երրորդ պրակը, որը բաղկացած կլինի
հետևեալ զլուխներից,

1. Հայոց թագաւորութիւնը Արաւաշխան ազգա-
յին հարստութեան ժամանակի,
2. Օտար տիրապետութիւնները,
3. Հին հայերի կրօնը,
4. Հին հայերի քաղաքակրթութիւնը,
5. Քննադատութիւն հայ պատմագիրների,

լոյս կտեսնի յունվարին:

Տպագրական եւ ուրիշ սխալները կուղուեն այս
վերջին սկզբան:



ՀՀ Ազգային գրադարան



NL0419290

7490

